

1022

Հայ հոգևոր
որոշումների գործունե
Յուստի և իր գործա-
նշանակալի փորձերը

133

Հ - 24

4 Մոսկու

1931

FB 2001

0

11286

Հ Ա Յ

ՀՈՉԱԿԱԽՈՐ ՈՐՈՎԱՅՆԱԽՍՍ

ԳՈՒՐՊԱՆ ՅՈՒՍԷՓ

Ե Ի Ի Ր

ԶԱՐՄԱՆԱՀՐԱՇ ՓՈՐՁԵՐԸ



Կ. ՊՈԼԻՍ

ՏՊԱԳՐ. Մ. ՏԷՐ-ՍԱՀԱԿԵԱՆ

1931

133

2-24

133

2-24

Հ Ա Յ

ՀՈՉԱԿԱԻՈՐ ՈՐՈՎԱՅՆԱԽՍՍ

ԳՈՒՐՊԱՆ ՅՈՒՍԷՓ

Ե Ի Ի Ր


ԶԱՐՄԱՆԱՅՐԱՁ ՓՈՐՁԵՐԸ



Կ. ՊՕԼԻՍ

ՏՊԱԳՐ. Մ. ՏԵՐ-ՍԱՀԱԿԵԱՆ

1931



7286



ՀԱՅԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ

ՀՐԱՏԱՐԱԿԻՉ Տ. ՏԷՐ ՍԱՀԱԿԵԱՆ
ԱՄԷՆ ԻՐԱԻՈՒՆՔ ՀՈՍՏԱՐԱԿԻՉԻՆ ՎԵՐԱՊԱՀՈՒԱԾ Է

ՆԱԽԱԲԱՆԻ ՏԵՂ

Գուրպան Յուսէփ, Հայ նշանաւոր դէմք մըն էր իբր որովայնախօս, որ Սուլթան Ազիզի եւ Սուլթան Համիտի օրով պալատներու, դահլիճներու եւ մասնաւոր հաւաքոյթներու մէջ իր բնածին կատակախօսութեամբ, նմանախօսութեամբ, եւ գաւէշտներով մեծ համբաւ շահած է եւ օրուան ծաղիկը, աստղը նկատուած է իր արտատփոր յատկութեանց համար:

Գուրպան Յուսէփ իր լեզուի շարժումներով ոչ թէ մէկ քանի, այլ տիեզերքի վրայ խօսուող բոլոր լեզուներուն նմանախօսութիւնները կ'ընէր եւ լսողները այնպէս կը կարծէին թէ իրենց դէմ անգլիախօս, ֆրանսախօս, արաբախօս, պարսկախօս եւլն. քաջ լեզուագէտ մը կը գրտնուէր, մինչ այս բազմալեզու մարդը Գուրպան Յուսէփն էր, որ անմիջապէս ծերունիի կերպարանքի տակ, դիմագծերու յանկարծական այլափոխումով մը անհանաչելի կը դառնար նոյնիսկ իր ամենամօտիկ բարեկամներուն շոգենաւի մէջ, եւ կ'ըլլէր ժողովուրդին առջեւ լեպլեպի կը

69824 - Ա. Դ.



ծախէր առանց նոյնիսկ տոպրակ ունենալու: Ճամբորդներ կը կանչէին զայն, որովայնախօսը կը մօտենար, կը շոյքէր եւ տրամի ծայներ կը լսուէին իր քովէն, սակայն ան ո՛չ կը շոյքէր եւ ոչ ալ տրամ, այլ հրաշագործ որովայն մը (կէօպէք) ուրկէ կ'ելլէին այդ ծայները: Յաճախորդը կը շուարէր, Գուրպան Յուսէփ յանկարծ կը ստանար իր բնական վիճակը եւ այս անգամ բաւական հեռուէն կը լսուէր լեպլեպիծիին ծայնը:

Եւ ահա այսպէս անմահն Գուրպան Յուսէփ միշտ, ամէն տեղէ կատարէր իր որովայնախօսական փորձերը՝ քահքահներու մատնելով իր շուրջինները եւ մեծ հոչակ հանելով բովանդակ Թուրքիոյ մէջ:



ԳՈՒՐՊԱՆ ՅՈՒՍԷՓ

ԲՈՎԱՆԴԱԿՈՒԹԻՒՆ Ա. ՄԱՍԻ

Գուրպան Յուսէփի պատմական քիւնը. — Որովայնախօսին առաջին փորձը Պեթիկրաւի ազգ. վարժարանին մէջ. — Երկրորդ փորձը՝ Ղալաթիոյ կարկանդակավանառի խանութին մէջ կաղի եւ կոյրի կերպարանով. — 1875ի Գուրպան պայրամի առաջին գիշերը. — Գուրպան Յուսէփ Սուլթան Ազիզի մօտ. — Մեծ Եպարֆու Սամի փառայի եւ դեսպաններու ներկայութիւնը. — Գուրպան Յուսէփի պալատան մէջ կատարած առաջին փորձը ապուրեան կը մասնէ ամենքը. — Կանանցի կողմը վախի եւ սարսափի ճիչեր. — Երեւակայական հակապատմարտը եւ դեսպաններու փախուսքը. — Սուլթան Ազիզ եւ Գուրպան Յուսէփ առանձին կը մնան. Սուլթանը ֆահիսներով կը լեցնէ սրահը. — Հայ նշանաւոր որովայնախօսը մեծ

պարգեւներ կ'ստանայ Սուլթանէն. — Պայրամիերկ-
 րարդ գիշերը. — Կանանցի խրախնամները. —
 Կիւրքէն Սուլթանին Չուսկի կը
 հրաւիրէ հաշի. — Սննախընթաց ողբ
 հարեմին մեջ. — Կաղը եւ կորը. — Շուներու յար-
 ձահումը. — Ասրեանակի ձայներ, խրախնամք լաց
 ու կոծի կը փոխուի. — Գուրպան Յուսէփ քիչ կը
 մնայ որ սպաննուի սեւանորք ներքինի մը կող-
 մէ, ու ալայն Կիւրքէն սուլթանուհիին յանկարծա-
 կան միջամտութիւնը կ'ազատէ որովայնախօսը
 սոյգ մահէ մը:

ԲՈՎԱՆԴԱԿՈՒԹԻՒՆ Բ. ՄԱՍԻ

Գուրուշեմէի նաւամտոյցին զուանալի դէպ-
 քը. — Գուրպան Յուսէփ ինչպէս սարսափեցուց
 Ղալաքիոյ «իշկեմպէի»ն, կարօտի մէջէն փո-
 խանակ «իշկեմպէի» դուրս է ելլեն մարդու ձեռ-
 քեր, մասներ, ականջներ եւլն, խանութին սերք
 ի սեստեց կը փախչի, ճաշողները սարսա-
 փահար ոստիկանութեան կը դիմեն. — Կասուկի մը
 հետեւանքը. — Գուրպան Յուսէփ Ղալաքիոյ ոստի-
 կանատունը կ'առաջնորդուի. — Ոստիկանասան մեջ
 ի իս զուարճալի դէպք մը տեղի կ'ունենայ. — Ոս-
 տիկանապետը եւ ոստիկանները զարմանքի ու ապ-

շուրթեան կը մասնուին. — Ոստիկանապետը կը գե-
 հասէ հայ որովայնախօսին զարողութիւնը եւ կը
 հրաւիրէ զայն իր բնակարանը:

ԲՈՎԱՆԴԱԿՈՒԹԻՒՆ Գ. ՄԱՍԻ

Աբրահամ փառա եւ հայ որովայնախօսը. —
 Գիշերային նամբորդութիւն մը դէպի Արմաշ. —
 Չերեկներու յորձակումը. — Գուրպան Յուսէփ, իր
 երեք ընկերները եւ կառապանը կը պատարուին
 աւազակապէտ չերեկ Հասանի մարդոց կողմէ. —
 Չերեկ Հասան եւ Գուրպան Յուսէփ դէմ առ
 դէմ. — Հայ որովայնախօսին մէկ փորձը հիացում
 կը պատճառէ աւազակապէտին որ կալանաւոր-
 ներէն ներողութիւն խնդրելով իբր հիւր գիշեր մը
 վար կը դնէ զանոնք. — Գիշերային խրախնամներ
 վրաններու տակ. — Չերեկներու նուէրը հայ որ-
 վայնախօսին. — Եիւսէփ գալստը մի պանդոկը
 եւ Պարսիզակցի վարդապետին սարսափը:



ԳՈՒՐՊԱՆ ՅՈՒՍԷՓԻ ՊԱՏԱՆԵԿՈՒԹԻՒՆՆԵՐ

ՀԱՅ ՈՐՈՎԱՅՆԱԽՕՍԻՆ

ԱՌԱՋԻՆ ՓՈՐՁԸ

ՊԷՏԻԹԱՇԻ ԱԶԳ. ՎԱՐԺԱՐԱՆԻՆ ՍԷՋ

Գուրպան Յուսէփ ծնած է 1847 Մայիս 14ին Պէշիկիթաշի մէջ: Իր ուսումը առած է նոյն թաղի ազգ. վարժարանին մէջ, ան իր 14 տարեկանին իսկ ունէր մասնաւոր յատկութիւն ուրովայնախօսական ձայներով խնդ. ցնելու դասարանին մէջ իր ընկերները, եւ նոյն իսկ օր մը Պէշիկիթաշի ազգային վարժարանին մէջ խիստ հետաքրքրաշարժ գէպք մը տեղի ունեցաւ տարեկան ընդհանուր քննութեանց միջոցին՝ երբ պատանին Յովսէփ քննիչներու եւ հոգաբարձութեան անդամներու ներկայութեան թուրքերէնի քննութիւն կուտար:

Ժամը առաւօտեան ճիշդ 10ն էր (նոր ժամացոյցով) գարոցը ոգեւորութեան մէջ էր, կըրթական նախարարութեան մասնաւոր քննիչը եւ Հոգաբարձուները ներկայ էին Միջին Բ. դասարանի տարեկան քննութեանց թուրքերէնի գասին:

Զուգադիպութիւնը այնպէս մը բերաւ որ քննիչը Յովսէփը մասնանշէր որպէս զի ան իր հարցումներուն պատասխանէ:

Ամէնուն ուշադրութիւնը լարուած էր պատանին վրայ, ան իր խրոխտ կեցուածքով կը սպասէր քննիչին հարցումին՝ որ վայրկեան մը վերջ ըրաւ:

Յովսէփ չէր գիտեր հարցման պատասխանը, պատանին թէեւ շփոթեցաւ՝ սակայն յայտնի չըրաւ, ան գիտէր թէ զրասեղանի դարակին մէջ գիրքը պատրաստ կ'սպասէր, սակայն ի՞նչպէս նայէր, ամէնուն աչքերը յառած էին իր վրայ, ուստի գիմեց իր որո՛ւ լայնախօսական ուժերուն օժանդակութեան եւ ըսաւ.

— Այո՛... հազիւ թէ այդ «այո»ն արտասանած էր, գասարաններու նրբանցքներուն մէջ ահռելի իրարանցում մը, ապակիի ջարդուփշուր կոտրուելու ձայներ լսուեցան, ամէն ոք նըրբանցքներուն կողմը վազեց, աշակերտներն ալ իրենց նստարաններէն դուրս ցատկեցին, իսկ Յովսէփ հանդարտ սրտով գիրքը բացաւ, փնտռեց հարցումին պատասխանը, դտաւ եւ միտքը պահեց:

Ուսուցիչները եւ քննիչը վերադարձան, թիւրիմացութեան մը արդիւնք էր, բան մը չէր պատահած:

Կարգ կանոնը վերահաստատուած էր գասարանին մէջ, եւ պատանին շարունակելով իր

«այո»ն, քննիչին հարցման կանոնաւոր կերպով պատասխանած ու «պռավօ» մը ստանալով տեղը նստած էր,

Անկէ վերջ Յովսէփ տարի մը եւս շարունակած էր դպրոց յաճախել և օր մը իր մէկ շարքնկերով խօսքին անսալով փախած էր, ու հակառակ իր ծնողքին պնդումներուն եւ սպառնալիքներուն, անկարելի եղած էր այլեւս շարունակել տալ ուսումը:

Յովսէփ 16 տարեկան էր, հայրը գայն կօշկակարի քով դրած էր, իր արհեստակիցները զինքը շատ կը սիրէին որովհետեւ խիստ կատակասէր տղայ մըն էր: Ան կը կոչուէր Գուրպանեան, և իր ընկերները անոր տուած էին Գուրպան Յուսէփ անունը, փոխանակ Յովսէփ Գուրպանեանի:

Գուրպան Յուսէփ երեկոյնները, գործէն վերադարձին, ուղղակի թաղին սրճարանը կ'երթար թուղթ, նարտ եւն. խաղալու: Խաղերու ընթացքին աճարարութիւններ ընելով միշտ կը շահէր և հազիւ թէ հարիւրին մէկ կամ ասուաւելն երկու անգամ կը կորսնցնէր: Երբ նեղը մնար, որովայնախօսական եւ աճարարական փորձով մը հակառակորդին ուշադրութիւնը ուրիշ կողմ կը դարձնէր եւ ինք ատկէ օգտուելով իր ուզածը կ'ընէր:

Այսպէս Գուրպան Յուսէփ քիչ ատենուան մէջ մեծ համբաւ շահած էր բովանդակ Պէշիկ-

թաշի մէջ, իբր որովայնախօս եւ աճարար: Ամէն ոք կը սիրէր զինքը, հանդէսներու, հաւաքօյլներու կը հրաւիրէին, տուներէ մասնաւոր հրաւիրագրեր կ'ուզար և առհասարակ ամէն փափաքի գոհացում կուտար:

Օր մը հայ որովայնախօսը քանի մը ընկերներով պտոյտի կ'ելլեն եւ կուգան Գարաքէօյ պողաչանիին խանութը, կը նստին կարկանդակ կ'ապսպրեն, Գուրպան Յուսէփ լաւ մը ճաշակելէ վերջ, լուացուել կեղծելով ոտքի կ'ելլէ և կը բաժնուի սեղանէն, ան ակնթարթի մը մէջ կերպարանափոխուելով կոյր աղքատի թիփ կը ստանայ եւ գլխարկը ձեռքը, խանութին մէջ սեղաններուն քով կ'սկսի շրջագայիլ ողորմութիւն ուզելով:

Ընկերները որ վերջացուցած էին իրենց ճաշը և Յուսէփի դալուն կը սպասէին որպէս զի մեկնին, չէին իսկ կռահած մուրացիկին ո՛վ ըլլալը, եւ երբ կոյրը ձեռքը կ'երկնցնէ իրենց, կը պօռան խանութպանին եւ կ'ըսեն.

— «Յահո՛ւ, շու հէրիֆի տըշարը չըգարսանա...»:

Խանութպանը անմիջապէս քաշքշելով դուրս կը հանէ մուրացիկը, որ նոյն ինքն Գուրպան Յուսէփն էր: Ան կ'երթայ խանութին դրան քով կը կենայ կերպարանափոխուած իր բնական վիճակին, եւ կ'սպասէ անակնկալին:

իր ընկերներէն մին կ'ելլէ եւ զինքը կը փնտռէ, եւ երբ կը տեսնէ որ չիկայ, անոնք իրենց բաժինը կը վճարեն եւ կը պատրաստուին մեկնիլ, խորհելով որ Յուսէփ մի գուցէ կ'ծիկը դրած ըլլայ:

Խանութպանը անոր ալ դրամը կը պահանջէ, կռիւը ծայր կուտայ եւ քիչ կը մնայ որ ոստիկանական միջամտութիւն տեղի ունենայ: Գուրպան Յուսէփ տեսնելով գործին բարդութիւնը, խնդալով ներս կը մտնէ եւ իր միջամտութեամբ ամէն բան կը պարզուի ու խանութպանը կը հասկնայ թէ քիչ առաջ վռնտած մուրացիկ կոյրը իր յաճախորդն էր, և քահաններ արձակելով ներողութիւն կը խնդրէ ապշահար:



1875ի ՊԱՅՐԱՄԻ ԱՌԱՋԻՆ ԳԻՇԵՐԸ

ԳՈՒՐՊԱՆ ՅՈՒՍԷՓ ՊԱԼԱՏԻՆ ՄԷՋ

ՍԵՒԱՍՈՐԹ ՆԵՐՔԻՆԻՆԵՐՈՒ ՍԱՐՍԱՓԸ

1875ի Գուրպան պայրամի առաջին գիշերը պալատական աւագանին մեծ պատրաստութիւններ կը տեսնէր սուլթանին հրամանը կէտ առ կէտ գործադրելով Տօլմա Պաղչէի ծովեզերեայ հոյակերտ պալատան ընդունելութեան մեծ սրահին մէջ, ուր նոյն գիշերը պիտի տրուէր հացկերոյթ մը ի պատիւ օտար բարձրաստիճան հիւրերո՞ւ, որոնց կարգին վեց մեծ դեսպաններէն գերման մեծ դեսպանը, ինչպէս նաեւ աւստրիական եւ ֆրանսական դեսպանները իրենց ընտանեկան պարագաներով:

Հացկերոյթէն վերջ խրախճանքներ տեղի պիտի ունենային մինչեւ լոյս, որուն միակ գըլուն պիտի կազմէր հայ հռչակաւոր որովայնախօս եւ աճպարար Գուրպան Յուսէփ, որ այն ատեն մեծ համաւ եւ հռչակ հանած էր բովանդակ Թուրքիոյ մէջ իր կատարած որովայնախօսական փորձերով:

Սուլթան Ազիզ, իբր զուարճասէր կայսր, միշտ կը սարքէր այսպիսի հաճոյքի երեկոյթներ՝ որոնց անձամբ ինք կը նախագահէր:

Նոյն օրը պատրաստութիւններ կը տեսնուէին նաև կանանոցին (հարէմ) մէջ:

Կանանոցը սուլթանին հրամանով նոյնպէս մեծ պատրաստութիւններ տեսած էր: Հարէմի կայսերական ընդունելութեան սրահը շքեղօրէն զարդարուած էր և հոն խրախճանութիւններ տեղի պիտի ունենային պայրամի երկրորդ գիշերը:

Այդ խրախճանքի գիշերային հանգէսներուն պատուակալ նախագահուէին էր Կիւլթէն սուլթանուհին:

* * *

Երեկոյ էր, Տօլմա պողչէի ժամը 9 կը զարնէր, նոյն պահուն երկձի կառք մը մօտեցաւ պալատան պարտէզի կողմի մեծ դրան, ուր պահակ կ'սպասէին եր, ու սուլթանուոր զինուորներ:

Կառապանը ընդոստ տեղէն ցատկելով իջաւ վար ու կառքին դռնակը բացաւ, ուրկէ դուրս ելան երկու անձանօթներ՝ որոնցմէ մին երկայնահասակ, գեղին պիտով և ծաւի աչքերով 28 տարեկան երիտասարդ մըն էր, իսկ միւսը միջահասակ, թուխ, քիչ պիտով և զը-

ւարթ զլմագիծով անձ մըն էր:

Առաջինը կայսերական թիկնապահներէն հազարապետ Չէրքէզ Ահմէտ պէյն էր, իսկ երկրորդը հայազգի հռչակաւոր որովայնախօս Գուրպան Յուսէփը:

Ահմէտ պէյ արագ քայլերով ուղղուեցաւ դէպի պահակները՝ որոնց քով կ'սպասէր նաև կայսերական տնճնագրահ զօրաց վաշտէն Ենթասպայ մը: Այցաքարտը երկարեց անոր, որը աչք մը պտըտցնելով անոր վրայ, անմիջապէս ողջունեց թիկնապահը եւ հրամայեց պահակներուն ազատ անցք տալ, որոնք իրենց կարգին ողջունեցին երկու անձանօթները:

Ահմէտ պէյ Գուրպան Յուսէփը առաջնորդեց պարտէզին վրայ գտնուող փոքր գուռ մը ու անցնելով երկայն ու նեղ նրանցքէ մը հասան ջահերով լուսաւորեալ մեծ և ընդարձակ սրահ մը, ուր քիչ մը հանգչելէ վերջ պատուիւրեց որովայնախօսին որ սպասէ մինչեւ իր վերադարձը:

Գուրպան Յուսէփ ընկողմանեցաւ մարտնչներէ բազկաթուրի մէջ, առանց կարեւորութիւն տարու այն մեծ ու պզտիկ սեւամօթներուն որոնք արագ քայլերով իր առջեւէն կ'անցնէին ու զինքը կը դիտէին զարմացկոտ ակնարկներ նետելով իր վրայ:

Գուրպան Յուսէփ ուզեց խաղ մը խաղալ անոնց և ճիշդ այն պահուն երբ երկու ներքինի

սեւամորթներ կ'անցնէին իր առջեւէն՝ սոսկալի կերպով լացուկոծի ձայներ լսուեցան իր նըստած բազկաթոռին տակէն:

Սեւամորթները աչքերնին խոշոր խոշոր բացած եւ ահուգողի մատնուած, շուարեր մընացեր էին եւ զագրեցուցած ի ենց գնացքը:

Լացը փոխուած էր պողոտուքի եւ կռիւի, անտեսանելի երկու անձեր կը կռուէին իրարու հետ, կանացի ձայներ ալ կը խառնուէին անոնց:

Սեւամորթները՝ վախի ազդեցութեան տակ, սարսափահար փախչել փորձեցին, սակայն նոյն պահուն, Ահմէտ պէյ դրան սեմին վրայ երեւցաւ եւ տեսնելով անոնց այլայլած վիճակը հարցուց թէ ի՞նչ կար, ի՞նչ էր պատահած, միեւնոյն ատեն աչքէ չի վրիպեցնելով Գուրպան Յուսէփը որ իր բազկաթոռին մէջ ընկողմանած կը խնդար:

Չմոռնանք ըսելու որ Ահմէտ պէյի ներս մտած միջոցին որովայնախօսը վերջացուցած էր կատակերգութիւնը:

Սեւամորթներուն լեզուն բռնուած էր, անոնք դիւահար՝ բազկաթոռը ցոյց կուտային, Ահմէտ պէյ կը նայէր հոն՝ ուր ոչինչ կար որովայնախօսէն զատ:

Թիկնապահը կռահած էր Գուրպան Յուսէփի խաղ մը խաղացած ըլլալը սեւամորթներուն եւ ուժգին քահքահներ արձակելով հեռացած

էր սրահէն, միեւնոյն ատեն ապահովցնելով սեւամորթները թէ վախու պատճառ չկար և կրնային հանդարտ սրտով իրենց գործերով պարապիլ:

Ներքինները սարսափահար՝ ուժգնօրէն գոցեցին սրահին դուռը ու հեռացան, առանց բառ մը իսկ կարենալ արտասանելու:

Հայ որովայնախօսը ուրախ էր և հազարու մէկ մտածումներ կ'անցնէին իր մտքէն: Պիտի ներկայանար Թուրքիոյ կայսրութեան վեհապետին, պիտի խօսէր սուլթանին հետ ու հաճույք պիտի պատճառէր անոր:

Պահ մը երբ այս մտածումներուն մէջ թաղուած էր, յանկարծ զանգակի մը ձայնը հնչեց սրահին մէջ:

Ու անոր շաջորդեց խոր լուծիւն մը, յարակից սրահներու շշուկները ու ոտնաձայները իսկոյն դադրեցան և սեւամորթները անհետացան ակնթարթի մը մէջ:

Գուրպան Յուսէփ կը խորհէր թէ ի՞նչ նշանակութիւն կրնար ունենալ այդ զանգակին ձայնը, արդեօք ճաշի՞ ատեն էր: Ժամացոյցը նայեցաւ եւ համոզում գոյացուց թէ սխալած էր իր այդ ենգաթրութեան մէջ: Ուրեմն ի՞նչ կրնար ըլլալ:

Հազիւ թէ այս խորհրդածութիւնները ըրած էր, երկրորդ զանգակ զարնուեցաւ և անաթիկնապահ Ահմէտ պէյը արագ արթնացաւ:

Գուրպան Յուսէփ

55-011



երեւցաւ սրահին ծայրը եւ նշան ըրաւ Գուր-
պան Յուսէփի որ ոտքի ելլէ:


Գուրպան Յուսէփ գուշակեց թէ Սուլ-
թանն է որ կուգար, անմիջապէս ոտքի ելաւ և
ձեռքերը կուրծքին վրայ խաչածեւած գլխիկոր
սկպասեց կայսեր գալստեան:

Չմոռնանք յիշելու որ թիկնապահը նախա-
պէս ամէն ինչ հասկցուցած էր հայ որովայնա-
խօսին, և աւելցուցած էր թէ վախնալու պատ-
ճառ մը չունէր, քանի որ Սուլթան Ազիզ կա-
տակասէր եւ միեւնոյն ատեն զուարճասէր վե-
հապետ մը ըլլալով՝ շատ մեղմ պիտի վերա-
բերուէր իրեն հանդէպ:

Սուլթանը գիտեր թէ Հայ մը, հուշակաւոր
Գուրպան Յուսէփը իր հրամաններուն կ'սպա-
սէր սպասման սրահին մէջ, ծանր քայլերով
յաջառացաւ դէպի գուռը՝ որ անմիջապէս
ինքնիւր վրայ բացուեցաւ կարծես մոգական
ուժէ մը ազգուած:

Շքեղօրէն կահաւորուած և ջահերով զար-
դարուած ինչպէս նաև խիստ թանկարժէք գոր-
գերով ծածկուած սպասման մեծ սրահին պա-
րապուծեան մէջ հիմա առածին, դէմ առ դէմ
կը գտնուէին երկու անձեր, մին՝ թրքական
կայսրութեան մեծազօր վեհապետը Սուլթան Ա-
զիզ, իսկ միւսը՝ Պէշիկթաշցի հայ համեստ ըն-
տանիքի մը զաւակը՝ Յովսէփ:

Սուլթանը, միշտ ժպտադէմ, մօտեցաւ



Գուրպան Յուսէփի որ իսկոյն մինչեւ գետին
խոնարհելով համբուրեց կայսեր քղանցքը, ու
չհամարձակելով բնաւ աչքերը գետնէն վեր
բարձրացնելու, անշարժ մնաց իր նոյն դիրքին
մէջ:

— Գուրպան, խզեց յանկարծ ձայն մը՝
լռութիւնը, որ Սուլթանինն էր, նստէ՛ սա ա-
թուին վրայ եւ ըսէ ինծի թէ այս գիշեր ո՞ր-
քան գոհ պիտի թողուս հիւրերս:

Կայսեր հրամանը իսկոյն գործադրուեցաւ,
Գուրպան Յուսէփ անմիջապէս մօտեցաւ ցոյց
տրուած մարտքենիէ եւ համակ ոսկեզօծ բազ-
կաթոռին, և Սուլթանին ձեռքի մէկ շարժու-
մին վրայ ակնածանօք տեղաւորուեցաւ հոն:

Սուլթանը ոտքի վրայ էր միշտ, իր խորա-
թափանց աչքերը կը գննէին որովայնախօսը:
Նորին վեհափառութիւնը իմացած էր Գուրպան
Յուսէփի կարողութիւնը եւ կ'ուզէր ականա-
նատես ըլլալ անոր կատարած որովայնախօսա-
կան անհաւատարի փորձերուն:

Սուլթան Ազիզ սրահին մէջ կ'երթեկէր,
իւր ձեռքին մէջ շարժելով այն ադամանդազարդ
համրիչը՝ որ պատրաստուած էր Պուխարայի
մէջ, եւ նուիրուած կայսեր Պուխարայի էմիրին
կողմէ:

Սուլթանը մերթ ընդ մերթ կանգ կ'առնէր
սատափազարդ սեղանի մը վրայ դրուած վան-
դակի մը առջև ուշի ուշով կը քննէր զայն: Այդ

վանդակը արուեստական հրաշալիք մը, իստ գեղակերտ ձեռագործ մըն էր, նուրբուած Սուլթանին՝ աւստրիացի նշանաւոր արուեստագէտ և վանդակագործ Շվարցի կողմէ իր Եւրոպա ուղեւորութեան միջոցին: Կայսրը իբր շնորհակալութիւն պատուած էր զայն Մէծիտիյէի Ա. կարգի պատուանշանով:

Որովայնախօսը որ մինչեւ այն պահուն չէր համարձակէր աչքերը վեր բարձրացնել, օգտուելով Սուլթանին վանդակի մը հետ զբաղումէն՝ անմիջապէս նոյն վայրկեանին իսկ ուղեց ցոյց տալ Սուլթանին թէ պիտի կրնար նոյն գիշերը իս հիւրերը զուարճացնել: Եւ երբ հազիւ թէ թուրքիոյ վեհապետը զլուխը դարձուցած էր Գուրպան Յուսէփի և հարցում մը պիտի ուղղէր անոր, դուռ մը թեթեւ կերպով զարնուեցաւ և լսուեցաւ կնոջական փափուկ ձայն մը որ կ'ըսէր:

— Եթէ նորին վեհափառութիւնը թոյլատրէ...

Կնոջական այս փափուկ և քնքոյշ խօսքերը իրենց վերջաւորութեան չի՛ յանգած՝ քովընտի ուրիշ սենսակի մը մէջ լսուեցան ձայներ որոնք աւելի վիճաբանութեան մը պատրանքը կուտային Սուլթանին: Միեւնոյն ատեն բանալիի մը ինքնիւր վրայ դարձուելուն ձայնը կը լսուէր յարակից սենեակէ մը:

Սուլթանը շուարած չէր գիտեր թէ ո՞ր կող-

մը նայէր, կնոջական այդ ձայնի՞ն պատասխանէր թէ աջ ու ձախ քովընտի սենեակներուն աղմուկներով հետաքրքրուէր, որովհետեւ Կայսրը լաւ գիտէր որ իր գտնուած դահլիճին յարակից սենեակները պարապ էին և առանց նախապէս իր հաւանութեան ոչ մէկը կարող էր այդ յարկէն ներս մտնել:

Սուլթանը յանկարծ մտաը դրաւ քովը գտնուած սեղանի մը ընկալուչին վրայ, դուռ մը բացուեցաւ իսկոյն և այն ներքինիսեամորթը որ կէս ժամ առաջ հեռացած էր ներս մտաւ և համբուրեց Կայսեր քղանցքը:

Սուլթան Ազիզ հրամայեց ներքինիին անմիջապէս բանալ աջ կողմի սենեակը՝ ուրկէ կը լսուէին վիճաբանութիւնները:

Հազիւ թէ Ն. Վեհափառութիւնը աւարտած էր իր հրամանը՝ դարձեալ լսուեցաւ կնոջ ձայն մը այն դռնէն որ քիչ մը առաջ լսուած էր, սակայն այդ քնքոյշ ձայնը այս անգամ լացի փոխուած էր ու պաղատագին օգնութիւն կ'աղերսէր:

Սուլթան Ազիզ յայլայլմէ՛ եղած նշան ըրաւ սեւամորթին որ գամուած մնաց իր տեղը:

Ձայները կը բարձրանային հետզհետէ:

Նորին վեհափառութիւնը որ համբոյժը նետելով քովընտի բազկաթոռի մը վրայ ձեռքը տարաւ տափառտին աջ կողմի գրպաններէն մին՝ ո-

րուն մէջ կը հանդէսէր, փղոսկրեայ կոթով պղտիկ պրառունինկ մը:

Ներքինին գուշակած էր կայսեր մտադրութիւնը: Ան զիտէր թէ Սուլթանը յուզուած էր, և կ'զգար նաև թէ վտանգ մը կ'սպառնար իրենց: Ուստի պէտք էր անմիջապէս դուրսնետուիլ և թոյլ չտալ որ իր վեհապետին կեանքը վտանգի ենթարկուի: Սևամորթը իր կեցած տեղը կ'եռեւեկփէր, իր ճերմակ աչքերը խոշոր խոշոր բացած չորս կողմը կը դարձնէր անընդհատ կարծես հասկցնել ուզելով որ պատրաստ էր նոյն իսկ կրակին մէջ նետուելու առաջին հրամանին իսկ:

Սուլթան Ազիզ ձեռքը գրպանը՝ յառաջացաւ օգնութիւն աղաղակող դրան կողմը, բացաւ զայն, քայլ մը յառաջացաւ, քայլ մը ևս, չորս կողմը գիտեց, սակայն ո'չ կին և ոչ ալ օգնութիւն աղերսող կնոջ այդ քնքոյշ ձայնը կար: Անմիջապէս ետ գարձաւ, առանց բառ մը արտասանելու և առանց չորս կողմը նայելու արագ քայլերով յառաջացաւ դէպի ձախ կողմի դուռը ուրկէ կը լսուէին ազմուկները, իսկոյն բացաւ զայն, քանի մը քայլ և հոն ալ հանդարտութիւնը կատարեալ էր: Ո՛չ իսկ ձայն մը, պատուհանին մօտեցաւ ու ապակափեղկին ետեւէն զիտեց պարտէզը՝ ո՛չ իսկ շշուկ մը:

Սուլթան Ազիզ վայրկեան մը կեցաւ պատու-

հանին առջև, ձեռքը հանեց գրպանէն, և պաղարիւնը վերստանալով վերագարձաւ դահլիճը ուր բան մը չէր փոխուած, սևամորթը իր տեղը քարէ արձան կտրած իսկ որովայնախօսը բազկաթոռին մէջ մէջ գամուած մը մնար:

Հայ նշանաւոր որովայնախօսը որ իր որովայնախօսական խիտ ճարտար փորձերով այս անգամ Սուլթանը յուզումի մատնած էր իսկոյն ոտքի ելաւ և քղանցքը համբուրելով Նորին Վեհափառութենէն ներողութիւն խնդրեց ըսելով:

— Վեհափառ տէրր կը յուսամ որ ներողամիտ դանուի ապացուցած ըլլալուս համար թէ այս գիշերուան խրախճանքներու միջոցին որովայնախօսական փորձերովս պիտի կրնամ կատարելապէս գոհացնել հրաւիրեալ հիւրերը:

Գուրպան Յուսէֆի շատ դիւրութեամբ կատարած էր այդ փորձը եւ բնաւ չէր նեղուած միեւնոյն ատեն երեք չորս տեսակ որովայնախօսական ձայներ հանելով:

Ան իր արհեստը կատարելապէս սովորած էր:

Սուլթանը բոլորովին շանդարտած էր, ու ժպտադէմ որովայնախօսին ուսին զարնելով ըսաւ.

— Գուրպան, թէեւ զիս քիչ մը վախցուցիր, սակայն հոգ չէ, կը ներեմ քեզի: Հիմա այլեւս կատարելապէս համոզուեցայ թէ այս գիշերուան համար փնտուած միակ մարդս

գունն ես որ հիւրերուս ձանձրոյթը պիտի փա-
րատես:

Որովայնախօսը մինչեւ գետին խոնարհելով
հնազանդութիւն յայտնեց կայսեր հրամաննե-
րուն որ մեկնեցաւ քահ մը բրցնելով և
առանձին ձգելով Գուրպան ինուսէփը սեամորթ
ներքինին հետ:

Երկուքն ալ իրենց տեղերը գամուած կը մը-
նային, անոնք չէին գիտեր թէ Սուլթանը
վերջնական կերպով մեկնած էր թէ քիչ վերջ
գարծեալ պիտի վերադառնար:

Արարը՝ ականատես եղած էր այդ գէպքե-
րուն և Սուլթանին ու Գուրպան Յուսէփի միջև
փոխանակուած խօսակցութիւններուն: Սեամոր-
զը ի տես այդ օտարականին կը սարսափէր և
աչքերը հետզհետէ գետնէն վեր բարձրացնելով
վախի ազդեցութեան տակ գաղտագողի ակ-
նսրկներ կ'ուզէր սպիտակամորթ որովայնախօ-
սին վրայ: Ան չէր գիտեր թէ ո՞վ էր իր գէմ
գտնուող տնձը՝ որուն իր վեհափառը կը ժպ-
տէր ու ուսին մտերմօրէն կը գարնէր, իր վառ
երևակայութեան մէջ այդ կէտը մութ կը մնար
և չէր կրնար հետևութիւն մը հանել:

Գուրպան Յուսէփ քանի մը վայրկեան ևս
այդ գիրքին մէջ մնալէ վերջ տեսաւ որ եկող
գացող չկայ և ոտքի կենալու այդ պատիկ պա-
տիժէն ալ յոգնած կամաց մը հակեցաւ բազ-
կաթոսը որ իր քովը կը գտնուէր:

Սեամորթը ակնարկ մը նետեց սպիտակա-
մորթին վրայ, կարծես բան մը ըսել կ'ուզէր:
սակայն լեզուն կը բռնուէր իր բերնին մէջ: Կը
վախնար որ բառ մը արտասանելով, շարժուց
մը ընելով ծանր յանցանք մը գործած կ'ըլլար,
և երբ այդ յանցանքը իր վեհապետը իմանա՛ր...
մահը անխուսափելի էր իրեն: Եւ ահա այդ է
պատճառը որ անշարժ ու քարացած կը մնար իր
կեցած տեղը:

* * *

Նոյն միջոցին օտնաձայն մը լսուեցաւ գուր-
սէն, սեամորթը սթափեցաւ իրթմբութենէն և
օգտուելով առտաքին շշուկէն յետո շարժում
մը ըրաւ և վեր առնելով ամասկեայ թանձր
վարագոյրին մէկ ծայրը գուրս սպրդեցաւ: Ան
այնքան արագ կատարած էր այդ փախուստը որ
կարծես թէ ոգիները հալածէին զինքը:

Հայ որովայնախօսը խնդուքը չի կրցաւ զս-
պել և բարձր քահքահով մը հետևեալ բառերը
մուտաց քթին տակէն:

— Շիտակը այս սեամորթներուն հետ զուար-
ճանալէ շատ կ'ախորժիմ, այս գիշեր կարծես
բաւական պիտի յոգնեցնեմ զանոնք:

Հագիւ թէ ինքնիրեն այս խօսքերը արտա-
սանած էր, գուրը բացուեցաւ եւ թիկնապահ
Ահմէտ պէյ ներս մտաւ:

Թիկնապահը խօսքը ուղղելով որովայնա-
խօսին ըսաւ.

— Գուրպա՛ն, մրցանակը շահեցար, Սուլ-
թանը թէեւ քիչ մը վախցուցեր ես, սակայն
ան ներողամիտ կը գտնուի քեզի հանդէպ և կը
գնահատէ քու որովայնախօսական բարձր կա-
րողութիւնդ: Նայէ՛ որ այս գիշեր արուելիք
հացկերոյթին՝ որուն դուն ալ հրաւիրուած ես՝
լաւ խաղ մը խաղաս հիւրերուն:

Եւ թիկնապահը Գուրպան Յուսէփը առաջ-
նորդեց այն սենեակը ուր ամէն ինչ պատրաս-
տուած էր հայ որովայնախօսին համար:

Այդ սենեակը կայսերական պալատան հան-
դերձատունն էր:



ԴԵՍՊԱՆՆԵՐՈՒ ՄՈՒՏՔԸ ՊԱԼԱՏ

Մ Ե Ծ Լ Ա Յ Կ Ե Ր Ո Յ Թ Ը

ԳՈՒՐՊԱՆ ՅՈՒՍԷՓ ԻՐԻ ԱՆԳԼԻՍՅԻ ՃԵՆԹՐԼՄԷՆ
ԿԸ ՄԱՍՆԱԿՅԻ ԼԱՅԿԵՐՈՅԹԻՆ

ԼԱՅ ՈՐՈՎԼԱՅՆԱԽՕՍԻՆ ԱՌԱՋԻՆ ԽԱՂԸ
ՅԱՆԿԱՐԾԱԿԻԻ ԿԸ ԲԵՐԷ ԴԵՍՊԱՆՆԵՐԸ

Տօլմա պաղչէի պալատան պարտէզի աշ-
տարակաւոր ժամացոյցը ժամը 11 (հին ժամ)
կը զարնէր:

Պալատան մէջ պատրաստութիւնները գրե-
թէ լրացած էին եւ թէչրիֆաթճը Թէվֆիք պէյ
կ'ընդունէր օտար բարձրաստիճան հիւրերը՝ ո-
րոնք հետզհետէ կ'իջնէին իրենց կառքերէն պա-
լատան պարտէզի մեծ դրան առջեւ և զանոնք
կ'առաջնորդէր ընդունելութեան մեծ սրահը ուր
պաշտօնական ձեւակերպութիւնները կատար-
ուելով կ'ուզզուէին զէպի հիւրասրահ գրաւելով
իրենց յատկացուած մասնաւոր տեղերը:

Հետզհետէ ժամանողներու կարգին գերման մեծ զեսպան Պառօն Մարչալ Վօն Պիպէրշթայն, անմիջապէս իջնելով կառքէն, առանց սպասելու որ հիւրամեծարը զինքը առաջնորդէ, անցաւ պարտէզէն ու հազիւ թէ հիւրասրահին սեմին վրայ ոտք դրած էր, ճէնթըլմէնի մը հետ դէմ առ դէմ գտաւ ինքզինքը՝ որ սմօքինի հագած էր եւ սիլինտը կը կրէր:

Ճէնթըլմէնը որ անգլիացիի մը դիմագիծը ունէր, «կուտ մօրնինկ» ըսելով բարեւեց գերման զեսպանը ու արագ քայլերով անցաւ անոր առջեւէն:

Պառօն Մառչալ մօնօքը աչքին վրայ տեղաւորելով՝ դարձաւ դէպի անձանօթը եւ ուշի ուշով դիտելով զայն ըսաւ իւրովի.

— Ո՞վ կրնայ ըլլալ այս մարդը՝ որ զիտնալով իմ գերմանացի մը ըլլալս, կը յանդգնի անգլիերէն լեզուով բարեւել զիս:

Դեսպանը երբ այս խորհրդածութիւնները կ'ընէր, ճէնթըլմէնը արդէն իսկ աներեւուցած էր:

Թէչըրիֆաթճին տեսնելով գերման զեսպանին գալուստը անմիջապէս փութաց անոր մօտ, առաջնորդեց զայն միւս հիւրերուն քով, որոնք արդէն ընկողմանած էին թիկնաթոփն մէջ եւ սմանք ալ տաք խօսակցութեան բռնուած իրարու հետ:

Անձանօթ ճէնթըլմէնը որ քիչ առաջ տե-

սանք Գուրպան Յուսէփն էր, հագած էր սմօքինի եւ զլուխը կը կրէր սիլինտը: Զինքը չի ճանչցողներ պիտի կարծէին թէ իրենց դէմ կը գտնուէր անգլիական զեսպանը կամ անգլիացի լօրտ մը: Քալուածքը, շարժուձեւերը, խօսակցութիւնը եւն. բնաւ կասկածի տակ չէին թողուր իր անգլիացի մը ըլլալը:

Գուրպան Յուսէփ բնաւ անգլիերէն չէր գիտեր, սակայն իրարու ետեւէ այնպիսի բառեր կը շարէր առանց տատամսելու որ իր քով զըտնուողները կ'ըսէին թէ անգլիացի մըն էր իրենց հետ խօսողը:

Ինչպէս ըսինք, հայ որովայնախօսը բաժնուելով Սուլթանէն, թիկնապահ Ահմէտ պէյի հետ, զացած էր ուղղակի պալատան հանդերձատունը՝ ուր իրեն յարմար զմօքինի մը տըրուելով հագած էր զայն, եւ որպէս զի այդ գիշեր ներկայանալի ըլլայ Սուլթան Ազիզի հիւրերուն, ջանք չէր իննայած կատարելապէս անգլիացիի մը թիփը տալու ինքզինքին:

* * *

Ընդունելութեան սրահը լեցուած էր օտար բարձրաստիճան հիւրերով, զեսպանական մարմինին յատկացուած էր մասնաւոր սեղան մը, որ ընդհանուրի սեղանէն բոլորովին անջատուած էր, և այդ սեղանին էր որ պիտի մասնակցէին

Սոււլթան Ազիզ եւ հայ հուշակաւոր որովայնախօսը հացկերոյթի միջոցին :

Մինչ այս պալատան միւզիքը կը նուագէր գեղարուեստական կտորներ, ամէն ոք տաք խօսակցութեան մը բռնուած էր իր քովինին հետ, այնպէս որ երբ Գուրպան Յուսէփ իր ըզմօքինկով ներս մտաւ սրահէն ու գնաց տեղաւորուեցաւ զրան քով գետեղուած Փօթէօյլի մը վրայ— Հայ որովայնախօսը նախապէս պատրաստուած ծրագրի մը համաձայն գիտէր թէ ի՞նչ պէտք էր ընէր— ո՛չ ոքի ուշադրութիւնը գրաւեց, բացի գերման դեսպանէն՝ որ բաժնեկով իր աչքերը իր խօսակից աւստրիական դեսպանէն՝ որուն հետ քաղաքական խնդրի մը վերայ կը վիճաբանէր եւ իր տեսակէտը կը պաշտպանէր, ուղղեց քիչ առաջ պարտէզին զրան առջեւ իրեն հանդիպող եւ անգլիներէն լեզուով բարեւ տուող անծանօթին վրայ :

Պառոն Մառչալ իր զօրաւոր յիշողութեան կոշուժ կ'ընէր գիտնալու համար թէ այդ անծանօթ ճէնթըլմէնը ո՛ր եւ է տեղ մը, ըլլա՛յ Թուրքիոյ մէջ եւ կամ Եւրոպա, տեսա՞ծ էր, ծանօթութիւն ունէ՞ր իրեն հետ :

Սակայն չէր կրնար երեւակայել տեղ մը ուր հանդիպած ու տեսակցած ըլլար այդ անծանօթին հետ : Ու միեւնոյն ատեն պատասխանելով իր խօսակցին հարցապնդումներուն, մօնօքլին տակէն շեղակի նայուածքներ կ'ուղղէր

ճէնթըլմէնին որ իր նիստուկացով հետզհետէ տարօրինակ ու խորհրդաւոր անձ մը ըլլալ կը թուէր իրեն :

Դահլիճին մէջ ոգեւորութիւնը ծայր աստիճանին հասած էր : Նոյն պահուն յանկարծ դահլիճին զրան սեմին վրայ երեւցաւ արարողապետը և բարձաստիճան հիւրերուն ներողամտութիւնը խնդրելով զիրենք ընդմիջած ըլլալուն համար, ծանոյց թէ Նորին Վեհափառութիւնը Սուլթան Ազիզ կուգայ իր հիւրերը պատուելու :

Անմիջապէս խւր լուծիւն տիրեց բովանդակ դահլիճին մէջ, ամեն ոք ոտքի վրայ էր, և միւզիքը կը հնչեցնէր կտյսերական քայլերքը :

Սուլթանը, որուն քով կը գտնուէին թիկնապահը Ահմէտ պէյ և աւադանին, հանդիսաւոր մուտ գործեց դահլիճէն ներս ու իր հիւրերուն բարի գալուստ մաղթելէ յետոյ գնաց տեղաւորուեցաւ այն գահին վրայ՝ որ Յաթիհ Սուլթան Մահմուտ Պոլսոյ առման ժամանակ գրաւած էր Կոստանդինոս թագաւորէն :

Միւզիքը անընդհատ կը նուագէր թնդացնելով դահլիճը, ամենուն աչքերը յառած էին Սուլթանին, որը նոյն միջոցին հրահանգներ կուտար թիկնապետին :

Թիկնապահ Ահմէտ պէյ իսկոյն բաժնուեցաւ Վեհապետին քովէն և ուղղուեցաւ դէպի հոն ուր իր բազկաթողին վրայ դամուած կը մնար

ամենուն անմանօթ ճէնթըմէնը:

Այս անգամ այ Գերման զեսպանին աչքէն չէր վրիպած այն ժպիտը որ հայ որովայնախօսին զէմքին վրայ գծուած էր Ահմէտ պէյի անոր անոր մօտեցած և մէկ քանի բառերով խօսակցութիւն մը փոխանակած պտհուն, միևնոյն ատեն Պառոն Մարչալ տեսած էր ճէնթըմէնին գլխու շարժումով մը ծառաուութիւն յայտնելը թիկնապահին: Ի՞նչ կրնար ըլլալ այդ ամենը, ո՞վ էր այդ խորհրդաւոր մարդը, ի զուր կ'աշխատէր գտնել և կը չարչրկէր միտքը, սակայն չէր կրնար յագուրդ տալ իր հետաքրքիր ու վառ երեւակայութեան:

Սուլթանը պահ մը իր ամպնովանիաւոր գահուն վրայ հանդէտէ ու ներկաներուն վրայ աչք մը պտտցնելէ յետոյ իր ակնարկը սեւեոեց Գուրպան Յուսէփի վրայ սր իր սմօքինկով խիստ հաճոյալի կը թուէր իրեն և չի կրցաւ խնդուքը զսպել մտաբերելով այն խաղերը զոր պիտի խաղար այդ մահկանացուն իր բարձրաստիճան հիւրերուն գլխուն, սարսափեցնելով ու փախուստի մատնելով զտնոնք: Եւ անա այդ իսկ պատճառաւ հրամայած էր իր թիկնապահին որ երթայ որովայնախօսը իր մօտ հրաւիրէ և հասկըցնէ անոր սր Սուլթանին հետ պէտք է խօսի աներկիւզ և առանց քաշուելու որպէսզի ո՛րէ կերպով կասկածի տեղի չտայ:

Գուրպան Յուսէփի և Ահմէտ պէյի բաժանու-

մէն անմիջապէս վերջ՝ հայ որովայնախօսը ոտքի ելաւ և գանդաղ քայլերով ուղղուեցաւ դէպի գահը ուր կը բազմէր Սուլթան Ազիզ:

Սուլթան առերեւոյթս օտքի ելլելով երկու քայլ յառաջացաւ դէպի որովայնախօսը՝ որը իր կարգին խոնարհութիւն մը ընելով համբուրեց կայսեր քղանցքը: Հանդիսականները ապշած կը զիտէին այդ տեսարանը, և զես խորհելու ատեն չունեցած արարողապետը երեցաւ զահլիճին մէջ ու ըսաւ թէ Սուլթանը կը փափաքէր որ հիւրերը ճաշէին:

Փափաքը իսկոյն կատարուած իրողութիւն մը գարձաւ, տմէն ոք կը բորձրացնէր իր գաւաթը Սուլթանին արեւատութեան:

Հացկերոյթի սեղանին կը նախագահէր Սուլթանը: Առաջին առթիւ գաւաթը բարձրացուց զերման զեսպանը ու բաժակը պարպեց Սուլթանին կենաց եւ թուրքեզերման բարեկամութեան ամրապնդման համար:

Հայ որովայնախօսը, որ զերման զեսպանին ճիշդ զէմը բազմած էր, կը խնդար քթին տակէն ու կ'ըսէր իւրովի:

— Շուտով վէրջացուր բաժակաճառդ, որովհետեւ խմած շամբանիադ քիչ մը վերջ քիթէդ բերնէդ պիտի գայ:

Ու այսպէս յաջորդաբար պարպուեցան գաւաթները որոնց միանգամ ընդ միշտ իբր պա-

տասխան սուլթանը շնորհակալութիւն յայտ-
նեց:

Ամէնուն կարգին մեր ճէնթըլմէն որովայ-
նախօսն ալ իր գաւաթը կուլ տուած էր, և ա-
ռիթէն օգուտ քաղելով պարպած էր երկրորդ
մը եւ երրորդ մը եւս, որովհետեւ իր պղտիկ
տարիքէն իսկ սգելից ըմպելիէն շատ կ'ախո-
ժէր, և այս անգամ ինչո՞ւ առիթը փախցընէր,
քանի որ ըմպելիներու թագուհիին հետ էր որ
գէմ առ գէմ կուզար:

Խրախճանքը իր գազաթնակէտին հասած
էր, ամէն ոք կը խանդավառուէր խորհելով որ
մինչեւ լոյս ի՞նչ անակնկալներ վերապահուած
էր իրենց: Պատառաքաղներու բանակ մը գորու-
շարժի մէջ կը գտնուէր բերանները փոխազրե-
լով հաւու, հնդկահաւու և հազարումէկ տե-
սակ խորտիկներու պատառիկներ՝ եւ արեւել-
եան ու արեւմտեան ճաշակով եփուած խիստ
համեղ կերակուրներ:



ԳՈՒՐՊԱՆ ՅՈՒՍԷՓԻ ՈՐՈՎԱՅՆԸ ԿԸ ԳՈՐԾԷ

ՀԱԶԱՐԱՒՈՐ ՄԵՂՈՒՆԵՐՈՒ ՅԱՐՁԱԿՈՒՄԸ ՀԱՆԳԻՍԱԿԱՆՆԵՐՈՒ ՎՐԱՅ

Հայ հռչակաւոր որովայնախօսը պահը յար-
մար դատեց իր որովայնախօսական փորձերուն
վերսկսելու համար: Սուլթանին գաղտագողի
մէկ նայուածքն ալ արդէն այդ բանը յիշեցնել
կուտար իրեն:

Հազիւ թէ երկվայրկեան մը անցած էր՝
վեհապետին նշանացի սպարարութենէն՝ դահ-
լիճէն ներս խուժեց անտեսանելի մեղուներու
խումբ կը հլւրերուի ականջներուն ետին եւ
գլուխներուն վրայ սոսկալի բզզիւն մը կը լըս-
ուէր, և հետզհետէ ազմուկը կ'աւելնար: Ներ-
կաները՝ որոնք յանկարծակիի եկած էին այդ
յարձակումէն, ձգելով պատառաքաղներն ու
շամբանիւսի գաւաթները, վեր ցատկեցին ի-
րենց տեղերէն, և մին ձեռքովը, միւսը անձե-
ռոցովը, ուրիշներ սփռոցներով գլուխին ու
գէմքերնին կը ծածկէին որպէս զի չի խայթուին
երեւակայական ու անտեսանելի մեղուներէն:

Գուրպան Յուսէփի որովայնը կը գործէր,
ձայները կը բարձրանային, ամէն ոք գէմքը

ծածկած փախչիլ կը փորձէր դահլիճէն, իսկ Սուլթան Ազիզ տեղեակ անցուղարձէն, զիտե-
լով հայ որովայնախօսը՝ չէր կրնար իր խնդուքը
զսպել և թաշկինակով դէմքը կը ծածկէր ներ-
կաներէն չի նշմարուելու համար:

Մինչ այս քահաքահներու սոսկալի տարափ
մը ծայր տուաւ սրահին մէջ, այս անգամ Սուլ-
թանն ալ շուարած կը զիտէր իր չորս կողմը
թէ որո՞նց կողմէ կ'արձակուէին այդ քահաքա-
հները: Նորին Վեհափառութիւնը մոոցած էր եւ
չէր կրցած մտաբերել թէ հայ հռչակաւոր որո-
վայնախօսը մէկ անգամէն կրնար իր որովայնէն
քանի մը տեսակ ձայներ զանազան ձեւերու
տակ դուրս տալ ըլլան անոնք պոռչտուքներ
կամ մեղմ խօսակցութիւններ, հեռուէն կամ
մօտէն լսուելի:

Սակայն պահ մը գտնելով իր պաղարիւնը
մտաբերեց երեկոյեան դէպքը որ տեղի ունե-
ցած էր սպասման սրահին մէջ:

Նորին Վեհափառութիւնը ստքի կեցած
այլեւս նեղուելով խնդալէ՝ նշան ըրաւ Գուր-
պան Յուսէփի որ դազրեցնէ կատակերգու-
թիւնը:

Որովայնախօսը որ նոյնպէս կը մարէր խըն-
դալէ դրտելոո քանի մը անձեր որ որոնք ինք-
զինքնին պաշտպանելու համար մեղուներու
խայթոցներէն, սեղանին վրայ գտնուած ու
զանազան պտուղներու յատկացուած կողովիկ-

ներ գլուխնին անցուցած էին ու ձեռքի անօրի-
նակ շարժումներ կ'ընէին օդին մէջ:

Գուրպան Յուսէփ սուլթանին հրամանը
կէտ առ կէտ գործադրելով անմիջապէս լռեց,
ու կրկին: Ընկողմանեցաւ իր բազկաթոռին մէջ,
կարծես բանէ մը տեղեկութիւնն ունեցած չը-
լար:

Միջոց մը եւս ժխորը շարունակուեցաւ եւ
երբ ամէն ոք համոզում գոյացուց թէ այլեւս
մեղուները փախած էին՝ եւ ձայները դադրած,
բացին դէմքերնին, զարմացկոտ նայուածքներ
կ'ուզուէին իրենց չորս դին այնպէս կարծելով
թէ արդեօք մեղուներու փեթա՞կ մը կար դահ-
լիճին:

Հիւրերը կատարելապէս համոզում գոյաց-
նելով որ այլեւս բոլորովին ազատած էին չա-
րաճճի կենդանիներուն յարձակումէն, հանդար-
տօրէն նստան իրենց տեղերը: Այլ ճաշը շարու-
նակելու կարողութիւն չէր մնացած իրենց վրայ
և զարմացած իրարու կը հարցնէին թէ ո՞ր կէ-
եկած կրնային ըլլալ այդ խայթոցաւոր անաս-
նիկները:

Նոյն պահուն, Սուլթանը որ ստքի կեցած էր
և կը ժպտէր, ըսաւ:

— Սիրելի հիւրերս, այդ չարաճճի կենդանի-
ները կարծեմ ձեզի քիչ մը անհանգիստ ըրին,
յանցանքը իրենցը չէ, այլ մեր պարտիզպաննն
է որ բեթակներուն լաւ ուշադրութիւն չէ ըրած

և մեղուները բարկացուցած է՝ որոնք խմբովին հոս խուժած ու ձեր վրայ յարձակած են, շարունակեցէք ձեր ճաշը և ապահով եղէք թէ այլեւս անոնք յարձակում չեն կրնար գործել, որովհետեւ պէտք եղած խիստ հրամանները տուած եմ արարողապետիս՝ պարտիզպանը պատժելու համար:

Ինչպէս որ նախապէս ըսած էինք թէ պալատան մէջ ամէն ինչ նախապէս ծրարուած ու կազմակերպուած էր, միւզիքն ալ գազրած ու հեռացած էր այն միջոցին երբ երեւակայական մեղուներու յարձակումը սկսած և ժխորն ու իրարանցումը ծայր տուած էր:

Նորին վեհափառութիւնը հրամայեց որ միւզիքը շարունակէ: Պէթհովէնէն, Մօցարթէն և Քարմէնէն գեղեցիկ կտորներ իրարու յաջորդեցին, ոգեւորութիւնը կրկին ծայր տուաւ գահլիճին մէջ: Ամէն ինչ մոռցուած էր. սակայն գեռ կը նշմարուէին մէկ քանի հիւրեր, որոնք իրենց ղէմքն ու գլուխը կը շօշափէին թէ արդեօք խայթուած էին մեղուներէն:

Ճաշը աւարտած էր: Ոգեւորեալ խօսակցութիւնը կը շարունակուէր, ու այլեւս ամէն ինչ մոռցուած էր:

Հայ որովայնախօսը, գոհ իր կատարած պըզտիկ փորձէն, թիկնաթոռին մէջ ընկողմանած, բուռօ մը կը սեղմէր իր ակոսներուն տակ ու

երբեմն գազտագողի նայուածքներ կ'ուղղէր սուլթանին:

Սուլթանը միշտ զուարթ էր ու կը ժպտէր, զիտէր թէ խաղը զեռ չէր վերջացած ու կատակերգութեան վերջաբանը կար տակաւին, որ պիտի սարսափեցնէր իր վախկոտ ճէնթլմէն հիւրերը:

Կայսերական պալատան արարողապետ Թէվֆիք պէյ, խնդրեց բարձրաստիճան հիւրերէն որ ներողամիտ գանուլին զիրենք անհանգիստ ըրած ըլլալուն համար և ատաջնորդեց գանոնք քովընտի մեծ սրահ մը՝ որ նորին վեհափառութիւն Սուլթան Ազիզի ամենօրեայ բնակութեան յատկացուած էր:

Սուլթանը բացառիկ պարագաներու մէջ միայն այդ դահլիճը կը տրամադրէր իր բարեկամներուն, և հոն մուտ գործած էին օտար թաղակիր գլուխներ միայն:

Սրահը ծածկուած էր թանկագին գորգերով, զորս նուիրած էր Սուլթանին Պարսից Շահը: Այդ գորգերը պարսկական ձեռակն արուեստի հրաշակերտներ էին, իւրաքանչիւր գորգի վրայ տարիներով աշխատութիւն թափուած էր և թրքական ու պարսկական զինանշանները այնքան նուրբ կերպով արեղնագործուած էին անոնց վրայ որ զիտողին այն պատրանքը կուտային թէ անոնք վրձինով մը դժուած ըլլային մետաքսի վրայ:

Դահլիճին մէջ նշմարուած ամէն առարկայ հնութիւն մըն էր:

“ՁԵՅՊԵԿ”Ի ՊԱՐԸ

Ինչպէս ըսինք, հիւրերը առաջնորդուելով արարողապետին կողմէ, գրաւեցին իրենց յատկացուած տեղերը:

Սուլթանը այս անգամ չունէր իրեն յատուկ դահլը և կը մնար իր հիւրերէն գերման մեծ դեսպանին քով և կը կատակէր անոր հետ, ըսելով թէ քիչ առաջուան գէպքը զինքը անհանգիստ ըրած էր:

Դեսպանը խնդալով կը պատասխանէր սուլթանին հարցումներուն:

Արեւելեան սովորութեան համաձայն, սուրճ ու սիկարէթ հրամցուեցաւ ներկաներուն:

Միւզիքը շարունակ կը նուագէր: Թիկնապահը, որ միշտ սուլթանին հրամաններուն կ'սպասէր, նշան ըրաւ նուագախումբի պետին որ «Ձէյպէկ»ը նուագէ:

Անմիջապէս որ արեւելեան այդ պարը սկսաւ հնչեցնել նուագախումբը, քովընտի գուռ մը բացուեցաւ ու գրան սեմին վրայ երեւցան գեղեցկութեան երկու զեցուհիներ, որոնց հոլանի

մարմինն ու ոսկեճամուկ զգեստները կը շլացնէին ներկաներուն աչքերը:

Սմէնուն ուշադրութիւնը կեդրոնացած էր հոլանի պարուհիներուն վրայ, որոնք «Ձէյպէկ»ը պարելով յառաջացած էին սրահին կեդրոն:

Անոնք այնքան բնականօրէն կը պարէին որ ներկաները չկրցան իրենց սքանչանցումը զըսպել և անվերջ ծափահարեցին:

Հայ որովայնախօսը պահ մը մոռնալով թէ կայսեր ներկայութեան կը գտնուէր և վերացած Արեւելքի այդ երկու վէնիւսներուն «Ձէյպէկ»ի պարէն ցատկեց տեղէն որպէս զի ինք ալ մասնակցի անոնց հետ դէմ առ դէմ խաղալով, սակայն թիկնապահին ազդու մէկ նայուածքը սթափեցուց զինքը իր վերացումէն և անմիջապէս տեղը տեղը նստաւ:

Օտար բարձրաստիճան հիւրերը նշմարած էին այդ անցուդարձը եւ նոյնիսկ իրենց աչքէն չէր վրիպած թիկնապահին ազդարարական նայուածքը, սակայն չէին կրցած թափանցել գաղտնիքին և կը խորհէին թէ ի՞նչ կրնար ըլլալ այդ Գորդեան Հանգոյցը:

Միւզիքը հեազհետէ կ'ոգեւորէր պարուհիները որոնք իրենց հարուստ կուրծերով ու գեղեցիկ իրաններով անդադար կը դառնային աջ ու ձախ, ետ ու առաջ, մերթ սրունքներու կծկումներ ընելով և հիացում առթելով զիրենք զիտող աչքերուն:

Այսպէս, գեղեցկութեան երկու զիւրուհիները հետզհետէ քանի կը դառնային այնքան աւելի կ'ոգեւորուէին հանդիսականները որոնց աչքերէն չէր խուսափեր անոնց այն ամէն մէկ շարժուածեւերը որ մինչեւ այն օրը անձանօթ էր իրենց:

Գուրպան Յուսէփ նոյն պահուն մոռցած ըլլալով իր ճէնթըմէն մը ըլլալը՝ շարունակ ձեռքերը կը շփէր ու կ'ըսէր իւրովի. «Ա՛խ, ի՞նչ կ'ըլլար, փոխանակ այդ հանդիսականներուն եթէ հոն ճոխ աղանգներով օղիի սեղան մը պատրաստուէր: Այդ հաճոյքը միլիոններ պիտի արժէր իրեն համար եւ մինչեւ կեանքին վերջը չպիտի մոռնար զայն...»:

Պարուհիները՝ որոնք յօգնած կ'երեւէին, ներկաներու անվերջ ծափահարութեանց ու «պառավօ»ներուն մէջ աներեւութացան իրենց եկած դռնէն, հիւրերուն վրայ թողլով այն տըպաւորութիւնը թէ իսկապէս տրեւելեան գեղեցկութիւնը կը տիրապետէր Արեւմտեան գեղեցկութեան:

ԱՏՐՃԱՆԱԿԻ ՎԵՑ ՀԱՐՈՒԱԾՆԵՐԸ

ԱՆՕՐԻՆԱԿ ԽՈՒՃԱՊԸ

ԳՈՒԻՊԱՆ ՅՈՒՍԷՓ Կ'ԻՇԻԷ ԻՐ ԿԱՄԲԻՆ

Սրահին մեծ ժամացոյցը ժամը 6ը (հին ժամացոյց) կը զարնէր, և հազիւ թէ վերջին Երգ հարուածը հնչած էր, ժխոր մը ծայր տըլաւ դեսպաններու գտնուած պալքօնի միջնորմին ետին և միեւնոյն ատեն լսուեցան ատրճանակի յաջորդական երեք հարուածներ:

Սրահին մէջ ամէն ոք ոտքի ցատկեցին բացի Սուլթանէն՝ որ իսկոյն յիշած էր թէ ժամը 6ն էր և պիտի կատարուէր երկրորդ փորձը որ նախորդը պիտի գերազանցէր:

Հայ հռչակաւոր որովայնախօսը որ ինչպէս միշտ այս անգամ ևս կասկածի տեղի չտալու համար ոտքի կանգնած էր և շուարած չօրս կողմը կը նայէր կարծես իր քովիներուն հարցնել ուզէր թէ զտա՞նգ մը պատահած, ո՞ճի՞ր մը գործուած թէ անձնասպանութեան դէպք մը տեղի ունեցած էր:

Գուրպան Յուսէփ կ'իշխէր իր կամքին վը-

րայ և իր ձայնին կուտար այնպիսի ուժ մը՝ որ թէպէտ դուրսէն կուգար սակայն միմիայն սըրահին մէջ լսելի կ'ըլար, դուրսը գտնուող մը երբեք չպիտի իմանար այդ ժխորը և ատրճանակի ձայները:

Ինչպէս ըսինք, հանդիսականները սարսափահար ոտքի ցատկեցին իրենց տեղերէն և խուժեցին գուրս, նոյն իսկ զիրար հրմշակելով: Այս խուճապային փախուստին պահուն, Գուրպան Յուռէփ, պատրաստուած ծրագրի մը համաձայն, գաղտնի վարագուրաւոր գունէ մը գուրս սպրգած էր առանց նշմարուելու և անմիջապէս գացած էր այն նրբանցքը ուրիշ վայրկեան մը յետոյ պիտի անցէին սարսափահար հիւրերը:

Հայ հոչակաւոր որովայնախօսը այս անգամ կոչում ընելով իր արտասովոր կարողութեանց, այնպիսի անուելի վայնասուն մը հանեց որ լսողները պիտի կարծէին թէ կենդանաբանական պարտէզի գառագեղներէ խոյս տուած վայրի գազաններէ շրջապատուած էին, որոնց անմիջապէս յաջորդեցին ատրճանակի երեք հարուածներ:

Հիւրերը այս անգամ գէպի ետ սարսափելի խուճապահին նահանջ մը ընելէ շնչասպառ, իրենց երեսին գոյնը դեփ դեղին կտրած, հազիւ հազ կրցան պարտէզին վրայի սպասման սրահը խուժեցի:

Այս անգամ բովանդակ պալատը ոտքի լրայ էր: Սեւամորթ ներքինները անտեղեակ անցուղարձէն, լեղապատառ ասդին անդին կը վազէին, և չէին գիտեր թէ ի՞նչ պէտք է ընեն:

Սուլթանը հրամայեց ներքիններու պետ Ապտիւլ Կանի աղային որպէսզի ներքինները ճաշասրահին մէջ հաւաքէ և ըսէ թէ բան չկայ, իրենց գործերով թող զբաղին և ու է սիջամտութիւն չընեն:

Ապտիւլ Կանի աղա իր վեհապետին հրամանը անմիջապէս կատարելով, սեւամորթներուն շրամայեց բոլորովին խուլ և համր մնալ ու զբաղիլ իրենց անմիջական գործերով: Միեւնոյն ատեն հրամայեց այդ գիււահօր ներքիններուն որպէսզի երթան ներքնայարկը գտնուող ճաշասրահը և սպասեն իր հրամաններուն:

Այս վերջինները անձայն անշուշտ, իբր թէ բան մը տեսած ու լսած չըլլային, լեզունին բռնուած համրերու պէս, մէկիկ մէկիկ իջան սանդուխներէն վար, և ուղղուեցան ներքնայարկը գտնուող ընդարձակ ճաշասրահը, ուր, գիշերուան այդ ժամուն, ճաշարանապետէն զատ մարդ չկար:

Ճաշարանապետը, որ կը քնանար, ոտնաձայներէն արթնցած էր, և տեսնելով ներքինները որ խուճմբով ճաշարան կ'իջնէին, չէր կըրցած հետեւութիւն մը հանել գիշերային այդ ժամուն ու շ մնացած սեւամորթ հիւրերու այ-

ցելուքենէն և զարմացկոտ ձայնով մը հարցուցած էր իր դէմը ելլող առաջին սեւին թէ՛ ա՛նօթի՞ էին արդեօք:

Սեւերը իրենց պետէն ստացած հրամանին հաւատարիմ, պատասխան չտալով ճաշարանապետին հարցումներուն, նստան ակնունկերուն վրայ:

Ճաշարանապետը շուարած սկսաւ հարցումներու տարափ մը տեղալ սեւերուն, որոնցմէ ո՛ր և է պատասխան չստանալով սկսաւ սարսափել ու փախչել:

Բարեբախտաբար նոյն միջոցին ճաշարան մտաւ Ապտիւլ Կանի աղա եւ ուղղակի ճաշարանապետին մօտ երթալով հասկցուց իրողութիւնը:

Ճաշարանապետը որ սարսափած էր սեւամորթներու ներկայացուցած կենդանի պատկերէն՝ որոնց ճերմակ աչքերը խոշոր բացուած իրենց սեւ դէմքին վրայ ժամացոյցելու պայանակի մը պէս կը դառնային, տեղեկանալով իրողութեան, գաւաթ մը ջուր խմեց, իր սարսափահար դէմքը գտաւ իր բնական վիճակը եւ ուժգին քահքահ մը փրցնելով ինկաւ իր անկողնին վրայ:

* * *

Երբ այս դէպքերը տեղի կ'ունենային պալատան ներքնայարկը, վերը սպասման սրահին

մէջ խոնուած հանդիսականները կը գոցէին դռները որպէս զի վանդակներէ փախած վայրի կենդանիներու յարձակման չենթարկուին եւ զո՞հ չէրթան զաւազրութեան մը՝ որ տեղի կ'ունենար պալատան մէջ Սուլթանին դէմ:

Անոնցմէ եւ ո՛չ մէկը կարողութիւն ունէր իր բարեկամին և կամ իր ծանօթին հարցում մը ուղղելու, ամէն ոք կը խորհէր իր կեանքը փրկելու համար միջոց մը գտնել:

Մինչ այս, հայ որովայնախօսը վերադարձած էր նախապէս իր մեկնած փոքր գոնէն Սուլթանին մօտ, որ պալատան արարողապետին և թիկնապան Ահմէտ պէյի հետ նստած բազկաթուռի մը մէջ, չէր կրնար զսպել իր խընդուքը և բարձրաձայն քահքահներ կ'արձակէր: Սուլթանը այն աստիճան կը խնդար որ իր աչքերէն արտասուք կը հոսէր, և երբ տեսաւ հայ որովայնախօսին սրահ մուտքը, ըսաւ բարձրաձայն.

— Գուրպա՛ն, պռավօ, այս զիչեր զիս վերջին ծայր գոհ թողուցիր, և զիտցիր որ Սուլթանները զիտեն գնահատել զիրենք զուարճացնողները և զիրենք զուարճացնողները և իրենց հաճոյք պատճառողները:

Եւ անմիջապէս հրամայեց արարողապետ թէվֆէք պէյի որ պարտէզին վրայի սպասման սրահը երթայ իսկոյն և հոն խոնուող սարսափահար հիւրերուն ըսէ որ հանդարտութիւնը

վերահաստատուած է պալատին մէջ և այլեւս վախու պատճառ մը չունենալով կրնային դահլիճ վերագառնալ, որովհետեւ Սուլթանը իրենց կ'սպասէր:

Նորին վեհափառութեան հրամանը իսկոյն գործադրուեցաւ և արարողապետը փութալով լեղապատառ հիւրերուն մօտ, հաւաստեց անոնց թէ հանդարտութիւնը վերահաստատուած է և այլեւս սարսափելու բնաւ պատճառ մը չունենալով, կրնայ անվախօրէն վերագառնալ դահլիճ, ուր Սուլթան Ազիզ իրենց կ'սպասէր:

Բարձրաստիճան հանդիսականները չէին համարձակեր սրահէն դուրս ելլել, այս երկրորդ անգամն էր որ փորձանքի կը հանդիպէին պալատան մէջ եւ երրորդի մը հաւանականութիւնը աչքի առջեւ ունենալով չէին համարձակեր տեղերնուն երերալ:

Թէվֆիզ պէյ տեսնելով որ իր խօսքերը անհետեւանք մնացին և ո'չ ոք տեղէն չէր շարժեր, չկրցաւ իր խնդուքը զսպել եւ դառնալով հիւրերուն շարունակեց.

— Նորին վեհափառութիւն Սուլթանը շատ կարեւոր ըսելիքներ ունի ձեզի և կը փափաքի որ զինքը կրկին պատուէք ձեր ներկայութեամբ:

Այս անգամ բարձրաստիճան հիւրերը տեղի տուին: Անոնք շփոթ քայլերով և արարողապետին ըսածներէն բան մը չհասկնալով ակամայ ուղղուեցան այն դահլիճը, ուր իրենց կ'սպա-

սէր Սուլթան Ազիզը, իր քով ունենալով Հայ հռչակաւոր որովայնախօսը եւ թիկնապահ Ահմէտ պէյը:

Հագնել թէ դահլիճէն ներս մուտ գործած էին, Նորին վեհափառութիւնը չկրցաւ իր խնդուքը զսպել եւ դառնալով ներկաներուն ըսաւ.

— Սիրելի հիւրերս, այս գիշեր կարծեմ քիչ մը անհանդիստ եղաք, սակայն ներողամիտ պէտք է գտնուիք երբ ըսեմ ձեզի թէ այս գիշեր պալատան մէջ կատարեալ հանդարտութիւն կը տիրէր, և ո՛ր եւ է զէպք պատահած չէր, այդ ձեր լսած աղմուկները, վայնասունները, հրազենի ձայները ամէնքն ալ երեւակայական բաներ են՝ որոնց հերոսը, հեղինակը ահաւասիկ ձեր դէմը կը գտնուի:

Սուլթանը որ անգագար կը խնդար, դառնալով Գուրպան Յուսէփի ներկայացուց զայն հիւրերուն և ըսաւ.

— Ահաւասիկ նշանաւոր Հայ մը՝ որ միեւնոյն ատեն աշխարհահռչակ որովայնախօս մըն է և իր բարձր կարողութեանց համար ձեր ներկայութեան զինքը կը գնահատեմ:

Ներկաները ապշահար չէին հաւատար իրենց աչքերուն, չէին հասկնար թէ ի՞նչ ըսել կ'ուզէր Սուլթանը և միեւնոյն ատեն չէին կրնար ըմբռնել թէ ի՞նչպէս կ'ըլլար որ այդ ձէնթըմէնը որ հասարակ մահկանացու մըն էր, այդ հրաշք-

ները գործելու ուժն ու կարողութիւնը կ'ունենանար:

Հայ որովայնախօսը որ Նորին Վեհափառութեան մօտ կը գտնուէր, զլիսու շարժումով մը բարեւեց ներկաները և մէկ անգամէն երեք լեզուով նախադասութիւն մը արտասանեց:

Այդ նախադասութիւնները կարծես երեք տարբեր անձերու կողմէ կ'արտասանուէին և այդ երեք հոգիէն մին կին մըն էր որ կնոջական թրթուուն ձայնով կ'արտասանէր նախադասութիւնը:

Ներկաները կարծես շանթահարուած իրենց չորս կողմը կը դիտէին և կը խորհէին թէ արդեօք կը սխալէին, արդեօք աստեսանելի երեք անձե՞ր կային սենեակին մէջ, սակայն բացարձակապէս համոզում գոյացուցին թէ կը լսալէին: Սուլթանին ըսածները ճիշդ էին և ընդունեցին որ հայ որովայնախօսը կարող էր նոյն իսկ հրաշքներ գործելու իբր հոշակաւոր որովայնախօս:

— Ուրիմն ըսաւ Սուլթանը, այլեւս վախնալիք կէտ մը չէ մնացած մեզի համար, և հանդարտ կերպով կրնանք շարունակել մեր գիշերային զբօսանքը:

Հանդիսականները տեղաւորուեց ան իրենց բազկաթոռներուն մէջ, մըլզիքը սկսաւ եւրօպական և թրքական եղանակներ նուագել:

Օտար բարձրաստիճան հիւրերը պատուա-

սիրուեցան ձալալի ախորժահամ թէյով, որուն կ'երևի թէ մեր ձէնթըմէն որովայնախօսը շատ հաւնած էր, որովհետեւ հակառակ գաւաթին մէջ թէյը հատած ըլլալուն ձեռքէն չէր ձգեր զայն և միշտ բերնին կը մօտեցնէր գոնէ հօտը առնելու համար:

Ներկաները ոգեւորեալ խօսակցութեան մը բռնուած էին և մերթ ընդ մերթ իրարու հայ որովայնախօսը ցոյց կուտային, զսրմացկոտ ակնարկներ նետելով անոր վրայ:

Ձէնթըմէնը կ'զգար թէ ամբողջ իր վրայ կը դառնար խօսակցութիւնը: Ամէնուն բերնին մէջ ինքն էր որ կը հուլովուէր ու կը ծամծմուէր: Երբեմն կը խորհէր որ յանկարծակի բերէր զանոնք՝ այս անգամ բոլորովին տարբեր միջոցով մը, սակայն կզգար որ անոնք բաւական յոգնած ու անհանգիստ եղած էին միանգամայն, ուստի յարմար չդատեց այլեւս շարունակել իր որովայնախօսական փորձերը, և սիկառ մը վառելով գամուած մնաց իր բազկաթոռին մէջ:

Նոյն պահուն պալատան մեծ ժամացոյցը ժամը 12 կը զարնէր, դահլիճի պատուհանները ծածկող տամառիկայ հաւտ վարագոյրները հանդիսականներու զգալի չէին ընել տար թէ առաւօտ եղած էր ու արեւը չէր կրցած իր լուսաճաճանչ ճառագայթները ներս թափանցել:

Հանդիսականները զգալով թէ մեկնումի ժամը հասած է, պատրաստութիւն կը տեսնէին

ու հետզհետէ ոտքի ելլելով հրաժեշտ կ'առնէին:

Նորին վեհափառութիւնը յոգնած ըլլալով կարգ մը հրահանգներ տուած էր արարողապետին ու թիկնապահին և հրաժեշտ առնելով հիւրերէն կ'ուղղուէր իր ննջատենեակը:

Միւզիքը կայսերական քայլերգը կը հնչեցնէր:

Նոյն միջոցին, Ֆրանսական զեսպանը, որուն կ'ընկերակցէր «Բըթի Ժուռնալ» ֆրանսերէն մեծ թերթին ռիբօրթը, ուզեց Գուրպան Յուսէփը լուսանկարել, և խնդրեց պալատան արարողապետէն որպէս զի հայ որովայնախօսին հաճութիւնը ստանայ զինքը լուսանկարելու:

Երբ արարողապետը զեսպանին խնդրանքը Գուրպան Յուսէփի ծանօցց, հայ որովայնախօսը հաւանութիւն յայտնեց և ըսաւ իւրօրի թէ այս մարդոց ալ պէտք է դաս մը տալ:

Ռիբօրթը որ խիստ կատակասէր անձ մը կ'երեւէր, Ժպտելով մօտեցաւ Գուրպան Յուսէփի և զայն իր ունեցած բացառիկ կարողութեանց համար շնորհաւորելէ վերջ բարեկամական ոճով մը հարցուց հայ որովայնախօսին թէ կը թոյլատրէ՞ր արդեօք որ իր թերթին համար զինքը լուսանկարէր:

Գուրպան Յուսէփ զլիսու հաստատ շարժումով մը հաւանութիւն յայտնեց Ֆրանսացիին, որ իր կարգին լուսանկարչական գործիքը զե-

տեղելով հայ որովայնախօսին դէմ անմիջապէս քաշեց անոր լուսանկարը:

Մեծ եղաւ Ֆրանսացի ռիբօրթրին և միեւնոյն ատեն զեսպանին զարմանքը երբ ապակիին վրայ տեսան փոխանակ ճէնթըլմէն որովայնախօսին նկարին՝ երկու տարբեր ձեւերու տակ լուսանկարներ, մին կաղ եւ կոյր մուրացիկ մը, իսկ միւսը հայ որովայնախօսէն բոլորովին տարբեր կուզ անձ մը:

Դեսպանն ու ռիբօրթը զարմացած իրարու երես կը նայէին և չէին կրնար նշանակութիւն մը տալ այդ ապակիին վրայ պարզուած տեսարանին:

Գուրպան Յուսէփ, որուն աչքերը անքնութենէ ու յոգնութենէ սկսեր էին գոցուիլ, խընդալով մօտեցաւ ռիբօրթր-լուսանկարիչին եւ անոր ներողամտութիւնը խնդրելով ըսաւ որ կը փափաքէր տեսնել իր լուսանկարը, եթէ թոյլատրուէր:

Ռիբօրթը կը տարակուսէր ցուցնել լուսանկարը, սակայն հայ որովայնախօսին պնդումներուն տեղի տալով ներկայացուց զայն անոր:

Գուրպան Յուսէփ կեղծ զարմացման արտայայտութեամբ մը ըսաւ թէ իրը չէր: Եթէ կը փափաքէին կրնային դարձեալ լուսանկարել զինքը:

Դեսպանին փափաքով և Գուրպան Յուսէփի թոյլտուութեամբ ռիբօրթը զետեղեց լու-

սանկարչական գործիքը եւ այս անգամ ապա-
կիին վրայ երեւցաւ նոյնիքն հռչակաւոր հայ
ճէնթըլմէն որովայնախօսը: Թիբօրթըը ձեռքերը
չփելով եւ ուրախութեամբ բարձր քահ քահ մը
արձակելով ըսաւ գեսպանին.

— Այս անգամ կաաարելապէս ինքն է:

Նոյն պահուն պալատան արարողապետը որ
հիւրերը կ'առաջնորդէր մինչեւ դահլիճին
գուռը մօտեցաւ Գուրպան Յուսէփի և ըսաւ որ
հանգիստի պէտք ունէր, որովհետեւ նոյն գի-
շերն իսկ հրաւիրուած էր հարէմէն:

Դեսպանն ու ռիբօրթըը շնորհաւորելով
Գուրպան Յուսէփը իր եղական յատկութիւննե-
րուն համար, հաւաստեցին հայ հռչակաւոր ու-
րովայնախօսը թէ՛ բովանդակ Եւրոպան զար-
մացման պիտի մասնուէր, երբ կարգար նոյն
գիշերուան իր հրաշքները ու հրաժեշտ առին
հայ որովայնախօսէն, խնդրելով անկէ որ զի-
րենք ևս պատուելու ձանձրոյթը յանձն առնէ:

Այդ պահուն դահլիճը ամբողջութեամբ
պարպուած էր և Գուրպան Յուսէփ արարողա-
պետին հետ առաջնորդուած էր այն ննջասեն-
եակը, ուր կը գիշերէին Սուլթան Ազիզի խիստ
մտերիմ անձնաւորութիւնները:

Արարողապետը գիշեր բարի ըսելով մեկնե-
ցաւ ու առանձին թողուց Գուրպան Յուսէփը:

Հայ որովայնախօսը չէր հաւատար իր աչ-
քերուն, և կը կարծէր թէ տեսածը երազ է: Իր

պառկելիք անկողինը ոսկեայ չորս սիւներու
վրայ հաստատուած էր և գլխուն կողմը կը
գտնուէր թրքական զինանշանը որ գեղեցկօրէն
կերտուած հրաշալիք մըն էր նոյնպէս համակ
ոսկրէ:

Հայ որովայնախօսը, որ ինչպէս ըսինք,
չատ յոգնած էր գիշերային իր աշխատութենէն,
ու հանգիստի պէտք ունէր, անմիջապէս անկո-
ղին մտաւ ու քնացաւ:



ՊԱՅՐԱՄԻ ԵՐԿՐՈՐԴ ԳԻՃԵՐԸ

ԿԻՒԼԹԷՆ ՍՈՒԼԹԱՆՈՒՂԻՆ

ԳՈՒՐՊԱՆ ՅՈՒՍԷՓԸ ԿԸ ՀՐԱՒԻՐԷ ՋԱՇԻ

1875ի Գուրպան Պայրամիի երկրորդ օրը արդէն տարածամած էր, եւ Գուրպան Յուսէփ գեռ կը քնանար գիշերուան փորձերէն բաւական յոգնած, երբ յանկարծ արթնցաւ լսելով դրան թեթեակի հարուածներու ձայն մը և հատակոոր խօսակցութիւններ, որոնցմէ բան մը չէր հասկնար:

Հայ որովայնախօսը աչքերը շփելով և աւանջները սրելով իմացաւ թէ զինքը անհանգիստ ընողը ուրիշ մէկը չէր այլ նոյնինքն կայսերական թիկնապահ Ահմէտ պէյը, որ հինգ վայրկեանէ ՚ վեր դրան առջեւ կ'սպասէր:

Գուրպան Յուսէփ պառկած միջոցին դուռը չէր կղպած, սակայն քնանալէն քանի մը ժամ վերջ իր տեսած մէկ երազին հետեւանքով, իբր թէ կայսերական պալատան սեւամորթները իր վրայ յարձակած էին ու կը խեղդէին զինքը՝ սոսկումով արթնցած եւ տեղէն ցատկելով ա-

մէն հաւանականութեան առջեւ գուռը կղպած էր բանալին երկու անգամ դարձնելով փականքին մէջ և դռան վրայէն հանելով բարձին տակ դրած էր:

Երբ դրան բաղխումը իմացաւ, և ուշի ուշով մտիկ րբաւ, լսեց Ահմէտ պէյի ձայնը որ կ'ըսէր.

— Գուրպան, քունդ անուշ, ճիշդ տասը վայրկեան է որ գուռդ կը բաղխեմ և չես իմանար, փորձեցի ներս մտնելու յանդգնութիւնը գործել և քեզ անհանգիստ ընել, սակայն դժբախտաբար տեսայ որ գուռը կղպուած էր:

Հայ որովայնախօսը ներողութիւն խնդրելով թիկնապահէն զինքը սպասցուցած ըլլալուն համար, անմիջապէս վար ցատկեց անկողնէն դուռը բանալու, սակայն երբ տեսաւ որ բանալին բականքին վրայ չկար և կարծելով թէ գուռը բաց է, քաշեց զայն, եւ երբ չբացուեցաւ կարծելով թէ իրեն խաղ մը կ'ընեն իր վրայէն կղպելով, ըսաւ.

— Սիրելի՛ս, խաղը վերջը կը խաղանք, բացէք գուռը եւ ըսէք թէ ի՞նչ հրաման ունիք:

Թիկնապահը որ կը կարծէր թէ Գուրպան Յուսէփ կը կատակէր, քահ քահ խնդալով ըսաւ թէ գուռը ո՛չ թէ գուրսէն այլ ներսէն կղպուած է՝ և պէտք է շուտով բանայ որպէս զի

Կիւլթէն սուլթանուհիին հրահանգները հաղորդէ իրեն :

Գուերպան Յուսէփ իրար անցած չորս կողմը նայեցաւ , արդեօք բանալին գետինը ինկած էր , ձեռքացաւ , անկողնին տակը նայեցաւ , չկար . վայրկեան մը կեցաւ ննջասենեակին մէջտեղը եւ խելքը գլուխը բերելով յիշեց թէ գիշերը երազ մը տեսած . արթնցած , գուռը կզպած եւ բանալին բարձին տակ դրած էր : Ուրկէ իսկոյն աննելով բացաւ գուռը և եղելութիւնը հասկըցուց թիկնապահին որ մարեցաւ խնդալէ :

Թիկնապահը , հայ որովայնախօսին սեւամորթ ներքինի մը ցոյց տալով , զոր իր հետ բերած էր , ըսաւ թէ Կիւլթէն սուլթանուհին յատկապէս զրկած էր զայն իրեն սպասարկելու համար , աւելցնելով որ այդ ներքինին զինքը պիտի առաջնորդէր Կիւլթէն սուլթանուհիին մօտ :

Թիկնապահը այս մանրամասնութիւնները հաղորդելով Գուերպան Յուսէփի , հրաժեշտ առաւ ու մեկնեցաւ :

Հայ որովայնախօսը մէկ կողմէ կը հագուէր սւ միւս կողմէ ալ թարթիչներուն տակէն իր ծառան կը դիտէր : Անրկա փոքր , կլոր ու սեփ սեւ դէմքով , հաստը շրթունքներով , խոշոր աչքերով , սեւ ու գուռզ մաղերով չարձահասակ արար մըն էր , որ հազիւ 25 տարեկան կ'երեւէր :

Սեւամորթը ձեռքերը կուրծքին , աչքերը

գետնէն չբաժնելով , իր տիրոջ հրամաններուն կ'սպասէր :

Գուերպան Յուսէփ լուացուած ու հագուած ըլլալով , ուզեց նախ և առաջ հասկնալ իր ծառային անունը և հարցնել անոր թէ ո՞ւր և ո՞ր կողմէն պիտի երթային : Ուստի հայ որովայնախօսը թուրքերէն լեզուով հարցուց արաբին թէ անունը ի՞նչ էր :

Սեւամորթը կարծես թէ համր մըն էր , բնաւ պատասխան չի տուաւ իր տիրոջ հարցման և թարթիչներն անգամ չի շարժեց :

Գուերպան Յուսէփ կարծելով թէ խուլ է , այս անգամ մօտենալով և ականջն ի վար պօսալով արաբերէն լեզուով , ըսաւ .

Հա՛ւ , ետէ՛յտի , անունդ ի՞նչ է :

— Կաֆֆար , պատասխանեց ան ժպտելով ու աչքերը բարձրացնելով իր նոր տիրոջ վրայ :

Հայ որովայնախօսը հարցուց Կաֆֆարի թէ ո՞ւր պիտի երթային :

Կաֆֆար գլխու շարժումով մը հասկցուց Գուերպան Յուսէփի թէ պէտք էր հետեւէր իրեն : Ու դուռը բանալով ուղղուեցաւ դէպի նրբանցքը , ուրկէ անցնելով մտան սպասման սրահը և անկէ ելան դուրս . անցնելով պարտէզէն ու վանդակորմէն հասան յարակից շէնքը , որ կայսերական հարէմն էր :

Հարէմին դրան առջեւ նստաւ էին խումբ մը սեւամորթներ , որոնք տեսնելով օտարակա-

նի մը իրենց կողմը գալը, ոտքի ելան և հար-
ցուցին թէ ի՞նչ կ'ուզէր:

Նոյն միջոցին Գուրպան Յուսէփի ընկերա-
ցող սեւամորթը ակռաներուն տակէն քանի մը
անհասկնալի բառեր քրթ մնջեց, որուն վրայ սե-
ւամորթները զարմացական ակնարկներ ուղղե-
ցին հայ որովայնախօսին վրայ, և անոնցմէ ա-
մէնէն տարեցը, հրամմեցէք էֆէնտիմ, ըսելով
Գուրպան Յուսէփը առաջնորդեց մարմարեայ
սանդուխներէ վեր, առաջին յարկը, ուր գուռ
մը բանալով ըսաւ Գուրպան Յուսէփի որ վայր-
կեան մը սպասէ հոն, ու ցոյց տուաւ թիկնա-
թու մը, ուր բաղմեցաւ Գուրպան Յուսէփ:

Հայ որովայնախօսը զգաց թէ նոյն պա-
հուն հարէմին մէջ կը գտնուէր, և այդ եզրա-
կացութեան մէջ չէր սխալած ան, որովհետեւ
դռնէն ներս ոտք կոխած պահուն, անուշահո-
տութեանց բոյր մը լեցուցած էր իր քիմքը,
զգլխիչ հոտերը այնքան զօրաւոր էին որ Գուր-
պան Յուսէփ քիչ մնաց կորսնցնէր ինքզինքը
ու նուազէր:

Որովայնախօսը բաղմած չէզ լօնկին մէջ,
աչք մը պտտցնելով իր չորս կողմը տեսաւ պա-
տերուն վրայ կախուած խոշոր նկարներ Սուլ-
թաններու և սուլթանուհիներու որոնք ամէնն
ալ իւզաններկ նկարչական արուեստի հրաշա-
լիքներ էին, այնքան բնականօրէն գծուած էին
անոնք:

Ձախ կողմը ապակափեղկի մը մէջ քանի
մը ճակատամարտերու նկարներ կային, որոնք
հնութիւններ էին եւ երբ Գուրպան Յուսէփ ոտ-
քի ելած էր որպէս զի գտնոնք զիտէ, յանկարծ
սրահին դուռը բացուեցաւ եւ դրան լեմին վը-
րայ երեւցաւ կիւլթէն սուլթանուհին՝ որ տես-
նելով Գուրպան Յուսէփը ժպտելով ըսաւ.

— Բարի եկաք պարոն:

Ճէնթըմէն որովայնախօսը թէեւ յանկար-
ծակիի եկած էր սուլթանուհին երեւումէն,
սակայն անմիջապէս պաղարիւնը գտնելով խիստ
քաղաքավարական ձեւերով ու գլխու խոնար-
հուժով մը պատասխանեց հարէմի տիրուհին:

— Շնորհ կ'ընէք Սուլթանուհի:

Կիւլթէն սուլթանուհին հագած էր մետաք-
սեայ վարդագոյն շրջազգեստ մը և դէմքը կի-
սովին ծածոճած էր ճերմակ ու բարակ վուայով
մը, ան միշտ կը ժպտէր, իմացած ըլլալով գի-
շերային զուարճութիւններն ու պատահած դէպ-
քերը իրենց բոլոր մանրամասնութիւններով:

Նոյն պահուն սուլթանուհին մօտ կը գըտ-
նուէր ներքիններու պետ Ապտիւլ Կանի աղա,
որ կիւլթէն սուլթանուհին նշանացի մէկ ակ-
նարկին վրայ անմիջապէս հեռացաւ սրահէն ա-
ռանձին թողլով Գուրպան Յուսէփն ու սուլ-
թանուհին:

Սուլթանուհին խզելով լուսութիւնը ըսաւ հայ
որովայնախօսին.

— Պարոն, լիակատար կերպով տեղեկու-
թիւն ունիմ երէկ գիշեր կայսերական էլալատին
մէջ օտար հիւրերու ներկայութեան ձեր կատա-
րած փորձերէն, գուք հոն հրաշքներ գործեր
էք, և այնքան հաճոյք պատճառեր էք Սուլ-
թանին որ իր հիացումը յայտնեց ինծի: Սակայն
ես քիչ մը թերահաւատ ըլլալով, փափաքեցայ
որ աչքերովս տեսնեմ ձեր գործած հրաշքները
ու ճիշդ այդ պատճառաւ էր որ ձեզի անհան-
գիստ ըրի հոս հրաւիրելով:

Գուրպան Յուսէփ շնորհակալութիւն յայտ-
նելով սուլթանուհիին՝ զինքը իր ներկայութեան
ընդունելով պատուած ըլլալուն համար, աւել-
ցուց որ ամէն ճիգ ի գործ պիտի զնէր որպէս
զի հաճելի թուէր իր վեհափառ տիրուհիին:

Մինչ այս երբ Կիւլթէն սուլթանուհիին և
հայ որովայնախօսը սիրալիւր խօսակցութիւններ
կը փոխանակէին, անդին ներքինապետ Ապտիւլ
Կանի աղա կ'երթար լուր տալու Նէվճիվան և
Պէլքըս սուլթանուհիներուն որ հոչակաւոր ու-
րովայնախօս Գուրպան Յուսէփ հարէմ եկած էր
և սպասման սրահին մէջ կը տեսակցէր Կիւլթէն
սուլթանուհիին հետ:

Լուրը անմիջտպէս տարածուեցաւ բովան-
դակ հարէմին մէջ: Իրարանցում մը ծայր տուաւ
սուլթանուհիներու սենեակներուն մէջ, որոնք
օրուան հանդիսութեանց մասնակցելու համար
պատրաստութիւններ կը տեսնէին:

Կիւլթէն սուլթանուհիին հրաւիրեց Գուրպան
Յուսէփը որ հետեւի իրեն, և երկուքը միասին
ուղղուեցան դէպի այն նրբանցքը որ կը տանէր
բուն հարէմը, այսինքն սուլթանուհիներու ա-
նօրեայ բնակութեան յատկացուած դահլիճը:

Սուլթանուհիին կը քալէր արագ քալերով
առանց ո՛ր եւ է բառ արտասանելու, ան շա-
րունակական ժպտա մը կը կրէր իր շրթներուն
վրայ եւ միշտ զուարթ էր:

* * *

Թնդանօթի յաջորդական հարուածներ ծա-
նուցին թէ երեկոյ եղած էր, եւ հարէմի ժա-
մացոյցն ալ ժամը 9 կը զարնէր:

Եռուզեոր ծայր տուած էր հարէմի բոլոր
սրահներուն եւ նրբանցքներուն մէջ: Գուրպան
Յուսէփ բազմած էր թիկնաթոռի մը մէջ և կը
ծխէր Կիւլթէն Սուլթանուհիին կողմէ իրեն հը-
րամցուած սիկանէթը:

Ընդարձակ սրահին մէջտեղ գետեղուած էր
մեծ թէյասեղան մը որ ծածկուած էր կաթոնե-
րով եւ զանազան տեսակ մրդեղէններով:

Քիչ վերջ ներս մտաւ պալատական օր-
քէսթըրը որ գրաւեց իրեն յատկացուած մաս-
նաւոր վայրը և սկսաւ հնչեցնել կայսերական
քալերքը:

Առաջին առթիւ սրահէն ներս մուտ գործեց

հարէմի մեծ գալփան, Հաճէր հանրմը, Կիւլթէն սուլթանուհիին հետ, անոնց կը հետեւէին Նէվ-ճիվան, Բաքիզէ, Նէզիհէ սուլթանուհիները, ինչպէս նաև իշխանուհիներ ու բարձրաստիճան անձնաւորութեանց հանրմները, որոնց կարգին ի մէջ ալլոց Մեծ Եպարքոսին, արտաքին գործոց, պատերազմական և ներքին գործոց նախարարներու հանրմները և ճարիէներու առաջնորդութեամբ կ'երթային բազմիւ թէյասեղանին չուրջ գտնուող թիկնաթոռներուն վրայ:

Քիչ ժամանակի մէջ սրահը լեցուեցաւ իգական սեռի հոծ բազմութեամբ մը: Ամէնուն ուշադրութիւնը կեդրոնացած էր Գուրպան Յուսէփի վայ, և չէին կրնար հետեւութիւն մը հանել թէ այր մը ի՞նչպէս կրնար մուտ գործել հարէմէն ներս:

Կիւլթէն սուլթանուհին, հայ որովայնախօսին մօտենալով, ներկաներէն անլսելի քանի մը խօսքեր ըսաւ, որուն վրայ Գուրպան Յուսէփ անմիջապէս ոտքի ելլելով, իր ետև գտնուող գօնէ մը աներեւոյթ եղաւ:

Որովայնախօսը յարակից սրահի մը մէջ կը սպասէր սուլթանուհիին հրամաններուն, ձեռնարկելու հասար իր որովայնախօսական փորձերուն:

Նախապէս ամէն ինչ կազմակերպուած ըլլալով, ըստ ծրագրի պիտի շարժէր Գուրպան Յուսէփ:

Սուլթանուհին իր հիւրերը հաւաստած էր թէ՛ Գուրպան Յուսէփ նշանաւոր «հանէնէ» մըն էր և այդ գիշեր մասնաւոր հրաւերով եկած էր հարէմ, զբօսցնելու համար իր հիւրերը, կազէններ կանչելով:

Սուլթանուհիներէն ոմանք տեղեակ էին առջի գիշեր պալատան մէջ տեղի ունեցած որովայնախօսական փորձերուն: Սակայն հիւրերը բացարձակապէս անտեղեակ կը մնային ճէնթլմէնին որովայնախօս մը ըլլալէն:

Գիտցողները չգիտցողներուն բան մը չէին ըսեր և կ'սպասէին որ անոնք ալ իրենց աչքերով տեսնէին այն հրաշալիքները որոնք պիտի կատարուէին Գուրպան Յուսէփի կողմէ:

Օրքէսթըրը կը նուագէր շարունակ, մերթընդ մերթ պզտիկ դադարներով:

Ներկաներուն պատշաճ պատուասիրութիւններ ըլլալէ վերջ, Կիւլթէն սուլթանուհին բարի գալուստ մաղթեց անոնց և պաշտօնապէս շնորհաւորեց Պայրամը:

Մինչ այս, Գուրպան Յուսէփ, յարակից սրահին մէջ, աչքերէ հեռու, ժամացոյցը ձեռքը, անհանդարտ կերպով կ'սպասէր որ հինգ վայրկեան ևս անցնէր, որպէսզի սկսէր իր որովայնախօսական փորձերուն: Նոյն միջոցին սուլթանուհիին յանկարծական երեւումը զգացուց իրեն թէ ատենը եկած էր:

Կիւլթէն սուլթանուհին ապահովցուց հայ ո-

րովայնախօսը թէ ուզածին պէս կրնար շարժիլ
ամբողջ հարէմին մէջ, աւելցնելով որ հրամա-
յած է: Երբ քրինապետ Ա. պտիւլը կանխ աղային
որպէսզի ամէն զիւրութիւն ընծայէ իրեն, երբ
պէտք ունենայ օժանդակութեան:

Գուրպան Յուսէփ շնորհակալութիւն յայտ-
նելով Նորին վեհափառութիւն սուլթանուհիին,
ըսաւ թէ պատրաստ էր իսկոյն փորձերուն սկը-
սելու համար:

Կիւլթէն սուլթանուհին, Գուրպան Յուսէ-
փի հրահանգին համաձայն, սրահ վերադարձած
միջոցին իսկոյն գազրեցնել տուաւ միւզիքը,
որ նոյն պահուն ֆարմէնէն զեղեցիկ կտոր մը
կը նուագէր, հիացում պատճառելով ներկանե-
րուն: Նուագախումբը անմիջապէս հեռացաւ
սրահէն, զարմացնելով ներկաները, որոնք չէին
կրցած նշանակութիւն մը տալ սուլթանուհիին
այդ տարօրինակ ընթացքին:

ԱՆՏԵՍԱՆԵԼԻ ԵՐԳԻՉՐ.

Հաղիւ թէ նուագը դադրած էր և նուագա-
խումբը մեկնած սրահէն, ներկաները շուարու-
մի ու միեւնոյն ատեն սարսափի մատնեց ձայն
մը որ սրահին ճիւղ մէջտեղէն կ'ելլէր ու բարի
գալուստ կը մազթէր ներկաներուն և կ'ըսէր.

— Մեր սիրելի հիւրերը պէտք չէ տրտմին
որ նուագախումբը ֆարմէնը կիսատ թողլով
մեկնեցաւ. պէտք է համոզում գոյացնեն թէ
առանց միւզիքի ֆարմէնը մտիկ ընելը աւելի
հաճոյք կ'առթէ լսողական ու տեսողական գոր-
ծարաններու:

Ինչպէս ըսինք, սրահին ճիւղ կեդրոնէն
կուգար այդ ձայնը. ամէն ոք, ապահար, իր
աչքը յառած էր այդ կողմը, և կը սարսափէր
տեսնելով որ այդ բառերը արտասանող անձը
գոյութիւն չունէր:

Եւ մինչ հանգիստականները իրենց տեսողա-
կան գործարանները կը յողնեցնէին փնտռելով
այդ անձանօթը, յանկարծ միեւնոյն տեղէն
սկսաւ նուագուիլ նուագախումբին կիսատ թո-
ղած կտորին շարունակութիւնը, այնքան կա-
նոնաւոր կերպով որ ուէ տարբերութիւն չկար
նախորդինին և երգուածին միջեւ:

Սակայն ի՞նչ կրնար ըլլալ ատիկա, ամէն
ոք զարմացած իրարու երես կը նայէին և չէին
համարձակեր նոյն իսկ իրարու կարծիք յայտ-
նել. իրենց աչքերուն առջեւ հրաշք մըն էր որ
կը գործուէր, և սակայն որո՞ւ կողմէ, ո՞վ էր
այդ անձանօթ ու աներեւոյթ հրաշագործը:

Ֆարմէնը լրացած էր ու անմիջապէս անոր
յաջորդած էր կնոջական թրթուուն ձայնով օբե-
ռա մը: Այնքան քաղցր էր այդ ձայնը, այնքան
յուզիչ որ ներկաները գրաւուած կ'ունկնդրէին

զայն, մոռնալով ու մէկզի թողլով իրենց չուարումն ու սարսափը:

Կնոջական այդ թրթռուն ձայնին երբեմն կը խառնուէր արական կոշտ ձայն մը, որ կը կըրկներ «պռավօ՛, պի՛ս, պի՛ս...»:

Ներկաներէն ներքին գործոց նախարար Հիւտայի փաշայի կինը՝ Սէրվէթ հանրմ, որ ջըղազրգուուած վիճակ մը ունէր նոյն պահուն, այլեւս չի կրնալով համբերել ի տես այդ երեւոյթին, օտքի ելլելով պոռաց.

— Ներեցէք սուլթանուհի, կ'ուզեմ զիտնալ թէ ո՞վ են այդ մարդն ու երգչուհին որ գոյութիւն չունին և մեզ զուարճացնելով հանդերձ յուզման կը մատնեն ու կը սարսափեցնեն:

Հազիւ թէ Հիւտայի փաշայի կինը իր խօսքը վերջացուցած էր, սրահին մէջ շուներու ահուելի ու խլացուցիչ հաչիւններ լսուեցան, կարծես թէ հարիւրաւոր շուներ իրարու հետ կը կռուէին և զիրար կը խածնէին ու կը բզբոտէին:

Նոյն միջոցին, արդէն ջղազրգուուած հանպիսականները բոլորովին ինքզինքնին կորսնցնելով, սրահէն դուրս խոյացան, ու կարծելով թէ շուները իրենց վրայ պիտի յարձակին, լեղապատառ խուժեցին նրբանցքը և սկսան սանդուղներէն վայ վազել, պպաստանելու համար սպասման սրահը:

* * *

Կայսերական հարէմի մեծ գալֆան, Հաճէր հանրմ, խենէչ ու կասկածոտ 60 տարեկան ծեր կին մը, որ տեղեկութիւն ունէր հարէմին մէջ կատարուելիք փորձերէն, և Գուրպան Յուսէփի Սուլթանին սիրելի ու հաւատարիմ հպատակը ըլլալէն, միեւնոյն ատեն կասկածներ ծնած էին իր մտքին մէջ, խորհելով թէ հայ մըն էր որովայնախօսը, ամէն պատահականութեան դէմ պատրաստ գտնուելու համար, գաղտնապէս և առանց կիւլթէն սուլթանուհիին զիտակցութեան իր հաւատարիմ ծառաներէն երկու սեւամորթներու խստիւ յանձնարարած էր լրտեսել Գուրպան Յուսէփի ամէն մէկ շարժումը և ունէ վրտանգաւոր փորձի միջոցին սպաննել զայն:

Գուրպան Յուսէփ չէր զխտեր թէ երկու սեւամորթներ զինքը կը լրտեսէին: Սեւամորթները պահոււրտած էին հայ որովայնախօսին գտնուած սենեակի հանդերձարանին մէջ: Անոնք մերթ ընդ մերթ կը լսէին Գուրպան Յուսէփի ինքնիրեն խօսիլը եւ խնդալը: Անոնցմէ տարէցը Սէթթար, հանդերձարանին փականքին ծակէն կը զիտէր Գուրպան Յուսէփի շարժուձեւերը, որոնք կասկած կը պատճառէին իրեն: Ան խիստ ցած ձայնով մը ըսաւ իր շնկերոջ թէ այս անձը տարօրինակ շարժուձեւէր ունէր եւ վրտանգաւոր անձ մը ըլլալ կը թուէր, ուստի աչալուրջ կերպով պէտք էր հսկել իր վրայ:

Նոյն պահուն Գուրպան Յուսէփ որոշ ծը-
րագրի մը համաձայն, անկարծ այնպիսի թիւփ
մը ստացաւ որ ապշուեցին պատճառեց Սէթ-
թարի:

Որովայնախօսը կատարելապէս կ'երպարա-
նափոխուած էր, անոր աջ ուսը վեր բարձրա-
ցած, և ձախ թեւը աջէն բոլորովին կարճցած էր:
Գուրպան Յուսէփ երբ Սէթթարի պահուըտած
հանդերձարանին կողմը դարձուց երեսը, սեւա-
մորթը սարսափեցաւ, տեսնելով որ իրենց լըւ-
տեսած ճէնթըմէնը չէր անիկա:

Սէթթար նշմարեց որ սենեակին մէջ գրո-
նուող անձին մէկ աչքը կոյր էր ու ոտքը կազ:
Սեւամորթը կը դողար կեցած սեղը, և միեւ-
նոյն ատեն լսելով նրբանցքներուն մէջ տեղի
ունեցած իրարանցումը, այնպէս կը խորհէր թէ
արդեօք դա՛ւ մը սարքուած էր գուրսը:

Հանդերձարանին մէջ գաղտնի դուռ մը
կար ուրիշ ներս մտած էին սեւամորթները:
Սէթթար ըսաւ իր ընկերոց որ խեղճ գուրս ել-
լէ գաղտնի դուռնէն և նայի թէ ի՞նչ կ'անցնի
կը դառնայ նրբանցքներուն մէջ:

Ընկերը որ նոյնպէս սարսափած էր ու կը
դողար, առանց կրկնել տալու Սէթթարի հրա-
մանը, անմիջապէս գուրս խոյացաւ, հասաւ
նրբանցքը, և երբ լսեց շուներու ոռնումը ու
տեսաւ իրարանցումը, լեղապատառ եւ արագ
քայլերով, գրեթէ վազելով, շնչարգել եկաւ իր

ընկերոջ մօտ և ըսաւ թէ գուրսը անպատճառ
դէպք մը պատահած էր, նրբանցքներուն մէջ
խուճապ կը տիրէր եւ լացուկոծի ձայներ կը
լսուէին բովանդակ հարէմին մէջ:

Սէթթար, որ փականքին ծակէն կը դիտէր
կերպարանափոխուած ճէնթըմէնը՝ որ նոյն պա-
հուն կը պատրաստուէր սրահին գուռը բանալ
եւ գուրս ելլել, որոշեց ճիշդ ժամուն դաշոյնի
հարուածով մը անշնչացնել պայն, որովհետեւ
լնք այն հաստատ համոզումը գոչացուցած էր որ
սենեակին մէջ գտնուած անձը ուրիշ մէկը չէր
եթէ ոչ խիստ վտանգաւոր դաւաճան մը:

Այս մտածումներով պաշարուած Սէթթարի
չուզեղը յանկարծ գրգեց սեւամորթը, որ դա-
շոյն ի ձեռին գուրս նետուեցաւ հանդերձարա-
նէն և յարձակեցաւ Գուրպան Յուսէփի վրայ:

Հայ որովայնախօսը որ յանկարծակիլի եկած
էր աչք յարձակումէն, խեղճն ապաստանեցաւ
սենեակին ձախ կողմը գտնուած խոշոր սեղանի
մը ետին:

Սեւամորթը այնքան մոլեգնօրէն յարձակած
էր որովայնախօսին վրայ որ եթէ անիկա չկարեւ-
նար խուսափիլ անմիջապէս, առաջին հարուա-
ծին իսկ մահը անխուսափելի պիտի ըլլար:

Կիւլթէն ուղիթանուհին որ նոյն պահուն
յարակից սրահը կը գտնուէր, անմիջապէս զգա-
ցած էր որ Գուրպան Յուսէփի սենեակին մէջ
միջադէպ մը պատահած էր:

Արարը յարձակած միջոցին միանգամայն բարձրածայն յիշոցներ արձակած էր հայ որովայնիսոսին հասցէին որ հասած էին Նորին վեհափառութեան կիւլթէն սուլթանուհիին աւանջը:

Սուլթանուհին անմիջապէս բացած էր դուռը և ի տես այդ անոեյի տեսարանին չէր կրցած իր զայրոյթը զսպել և խիտա ձայնով մը հրամայած էր Սէթթարի որ անմիջապէս ձգէ ձեռքի գաշոյնը՝ որ քիչ էր մնացեր միւէր Գուրպան Յուսէփի ձախ ուսը:

Սեւամորթը յանկարծակիի եկած սուլթանուհիին երեւումէն, անմիջապէս հնազանդեցաւ սուլթանուհիին հրամանին եւ գաշոյնը պատեանը գնելով ծունկի եկաւ եւ համբուրեց անոր քղանցքը:

Այս անգամ Գուրպան Յուսէփ ազատած էր ստոյգ մահէ մը, եւ շնորհակալութիւն յայտնած էր սուլթանուհիին իր կեանքը փրկած ըլլալուն համար:

Կիւլթէն սուլթանուհին հրամայած էր անմիջապէս կանչել պալատան ներքինապետ Ապտիւլ Կանի ազան, որ տեղեկանալով եղելութեան երկու սեւամորթները հարցաքննելու ու պատժելու համար առաջնորդած էր զանոնք պալատան ներքնայարկը գտնուած արգելաբանը:

* * *

Երբ գահլիճին յարակից սրահին մէջ այս գէպքերը տեղի կ'ունենային, անդին, սպասման սրահին ու նրբանցքներուն միջ խուճապն ու սարսափը կը շարունակուէր:

Սուլթանուհին չուզեց աւելի սարսափեցնել իր հիւրերը, որոնցմէ մէկ մասը տեղեակ ըլլալով անցուդարձերուն, կը մարէին խնդալէն և գէպի նրբանցքները վազած էին, զիտելու համար փախուստը վախկոտ հիւրերուն:

Նոյն պահուն սուլթանուհին երեցաւ նըրբանցքին մէջ և հաւաստեց հիւրերը որ բան չկար. պզտիկ միջադէպ մը պատահած էր, պարտիզպանին ու զոնապանին անհոգութեան երեսէն, փողոցի շուներ ներս մտած ու քանի մը ներքիններու կողմէ հալածուելով ու ծեծուելով, կատղած և յարձակում գործած էին անոնց վրայ:

Հիւրերը, սուլթանուհիին հաւաստիքներուն վրայ թէ վախու բան մը չկար, քիչ մը հանգարտեցան և գողգոջուն քայլերով ուղղուեցան գահլիճ, ուր ամէն ինչ իր տեղն էր ու կարգ կանոնը չէր խանգարուած:

Ներքին գործոց նախարար Հիւտայի փաշաչի կինը, որ ամէնէն աւելի սարսափած էր ու հակառակ ամէն ինչ հանդարտած ըլլալուն տա-

կաւին կը դողար, մօտենալով կիւլթէն սուլթանուհիին, որուն ամէնէն մտերիմ բարեկամուհին էր, հարցուց.

— Սիրելի սուլթանուհիս, ձեր ներողամտութեան ապաւինելով և երկրորդ անգամ ըլլալով, կրնա՞մ հարցնել թէ ի՞նչ է գաղտնիքը այն միջնարարին որ քիչ առաջ պարզուեցաւ հոս, երբ միւլզիքը՝ Քարմէնը կէս ձգելով մեկնեցաւ:

Ն. վեհափառութիւն սուլթանուհին ժպտելով ըսաւ.

— Սիրելի հիւրս, քիչ մը ևս համբերէ ու ամէն ինչ պիտի իմանաս:

Ներքին գործոց նախարարին կինը, զլսուխոնարհութիւնով մը բաժնուեցաւ սուլթանուհիէն ու գնաց ծովահայեաց պատուհանի մը առջեւ քիչ մը օդ առնելու և իր ջղագրգիռ վիճակը հանդարտեցնելու համար:

Միւլզիքը վերագարձած էր ու կը նուազէր գեղեցիկ կտորներ, հետզհետէ սկսած էր քիչ առաջուան ոգեւորութիւնը տիրել սրահին մէջ, թէեւ դեռ սիրտեր կային փափախող՝ վախի ազդեցութեան տակ:

Կիւլթէն սուլթանուհին որ Գուրպան Յուսէփի զէմ կատարուած մահափորձէն բաւական յուզուած էր, միջոց մը հանգիստի պէտքը զգալով քաշուեցաւ յարակից սրահ մը ուր կէս ժամու չափ աղանձնանալէ յետոյ վերագարձաւ

հայ որովայնա՛ս օսին մօտ որ ընդունելութեան սրահը բազկաթոռի մը մէջ ընկողմանած կը խորհէր թէ քիչ առաջ եթէ սուլթանուհին չի հասներ անդէնական չուած պիտի ըլլար:

Նորին վեհափառութիւն սուլթանուհին ժպտելով ըսաւ Գուրպան Յուսէփի ըէ իսկոյն պիտի երթային իր հիւրերուն մօտ որպէս զի նոնց ներկայացնէր զինքը: Եւ յետոյ հանգէսին վերջ տալով պիտի քննէր թէ մահափորձի զէպքին պատասխանատուները որո՞նք էին և նոնց արդար պատիժը պիտի տնօրինէր:

Գուրպան Յուսէփ չի կրցաւ հակառակի իր տիրուհիին կամքին և ուղղուեցան զէպի հոն ուր ոգեւորութիւնը իր գազաթնակէտին հասած էր:

Կիւլթէն սուլթանուհին երբ սրահէն ներս մտաւ հանդիսականները զգացին թէ անիկա յուզուած էր և զէմքը դեղնած:

Սուլթանուհին ընդհանուր՝ ետաքրքրութեան մէջ Գուրպան Յուսէփը ներկայացնելով հիւրերուն ըսաւ.

— Յարգելի հիւրերուս կը ներկայացնեմ այն հուշակաւոր հայ որովայնախօսը որ քիչ առաջ տեղի ունեցած զէպքերուն հեղինակն է, և որ Սուլթանին կողմէ Գուրպան պալլամի առթիւ յատկապէս հրաւիրուած է պալատ գիշերաբային խրախճանքներուն փայլ մը տալու համար իր որովայնախօսական փորձերով:

Միեւնոյն աւեն անոնց ներողամտութիւնը խնդրելով աւելցուց թէ քիչ մը անհանգիստ ըլլալով հանգիստի պէտք ունէր:

Կիւլթէն սուլթանուհին այս կարճ բացատրութիւնները տալէ վերջ մօտեցաւ ներքինապետին և կարգ մը հրահանգներ տալով անոր մեկնեցաւ իր սենեակը:

Միւզիքը սկսաւ նուագել կայս. քայլերգը և հանգիստականները ոտքի ելան մեկնելու համար: Տասը վայրկեան վերջ դահլիճը գրեթէ պարպուած էր և կը մնային միայն Գուրպան Յուսէփ ու ներքինապետ Ապտիւլ Կանի աղա որ հայ որովայնախօսին մօտենալով ըսաւ թէ Նորին Վեհափառութիւն սուլթանուհին կը փափաքէր զինքը տեսնել:

Գուրպան Յուսէփ հաւանութիւն յայտնելով հետեւեցաւ ներքինապետին որ առաջնորդեց զինքը սուլթանուհիին սենեակը:

Կիւլթէն սուլթանուհին երբ տեսաւ Գուրպան Յուսէփը ըսաւ ժպտելով.

— Կը գնահատեմ ձեր բարձր կարողութիւնները, դուք անզուգական հայ մըն էք, ձեր որովայնախօսական փորձերը զիս թէեւ շատ զուարճացուցին բայց յուզման մատնուեցայ երբ հարէմին մէջ ձեզի դէմ սարքուած մահափորձի մը հանդիսատես եղայ, սակայն անհոգ եղէք որովհետեւ այդ դաւաճանները վաղն իսկ իրենց արդար պատիժը պիտի գտնեն:

Սուլթանուհին այս վերջին բառերը արտասանած միջոցին յուզուեցաւ և չկրնալով ոտքի վրայ կենալ, կրթնեցաւ նոյն միջոցին իր քով գտուող Պէլքըս սուլթանուհիին: Սակայն քիչ յետոյ կազդուրուելով ու հանդարտելով պատուիրեց Ապտիւլ Կանի աղային որ իր անձնական գանձէն Գուրպան Յուսէփի 100 հնչուէն ոսկի տան իբր վարձատրութիւն:

Հայ որովայնախօսը երախտագիտական արայայտութիւններէ վերջ բաժնուեցաւ սուլթանուհիէն և հարիւր հնչուէն ոսկին գրպանելով մեկնեցաւ պալատէն դէպի իր բնակարանը, ուրկէ երեք օրէ ի վեր բացակայած էր:



ԹՐՔ. ՆԱԽԱՏՈՐՄԻՆ ՎԵՐԱՎԱԶՄՈՒԹԻՒՆԸ
ՍՈՒԼԹԱՆ ԱԶԻԶԻ ՕՐՈՎ

ԱՆԳԼԻԱՅԻ ԾՈՎԱՅԻՆ ՄԱՍՆԱԳԷՏ ԼՕՐՏ ՃԷՅՄՍ
ՊՈԼՍՈՅ ՄԷՋ

ԱՌԵՂԾՈՒԱԾԱՅԻՆ ԿԵՆԴԱՆԱԲԱՆԱԿԱՆ ՊԱՐՏԷԶԸ
ԵՒ ԳՈՒՐՊԱՆ ՅՈՒՍԷՓ

Անգլիական կառավարութեան կողմէ թուրքիա զրկուած լիազօր պատուիրակ և ծովային մասնագէտ Լօրտ ձէյմսը, կայսերական պալատին մէջ իր կատարած նրո՛վայնխօսական հրաշալիքներով զարմացումի և սքանչացումի մատնող Գուրպան Յուսէփի յաջողութիւններուն մանրամասնութիւնները նկարագրելէ առաջ, ստորեւ քանի մը տողով ցոյց պիտի տանք մեր ընթերցողներուն թէ՛ Լօրտը ի՞նչ նպատակաւ Պոլիս եկած էր:

* *

1876 թուականներուն, անգլ. կառավարութիւնը թուրքիոյ կ'առաջարկէր՝ իր նաւատորմին վերակազմութիւնը յանձնել Անգլիացի ծո-

վային մասնագէտ՝ Երու, հաւաստելով թէ՛ Անգլիա ամէն զոհողութիւն յանձն կ'առնէր թուրք անկազմակերպ և տկար տորմիզը հզօր նաւատորմի մը վերածելու համար:

Իրիտանական կայսրութեան ղեկավարները այս տաղարկը կ'ընէին թուրքիոյ սա պատճառով որ՝ Սեւ ծովու ռուսական տորմիզը հետզհետէ կ'սկսէր զօրանալ նոր մարտանուերու յաւելումով, և օր մը, հաւանաբար մօտաւոր ժամանակի մը մէջ, Ռուսիա օգտուելով թուրքիոյ անփութութենէն, նեղուցներուն և Մարմարայի տիրելէ վերջ, Միջերկրական ծովուն ալ սպառնար, ինչպէս ցամաքի, նոյնպէս և ծովերու վրայ իր աշխարհակալական ձգտումներուն գոհացում տայու նպատակաւ:

Այս հեռանկարը կը մտահոգէր անշուշտ Անգլիացի զիւանազէտները, որոնք արդելք մը և միեւնոյն ատեն պատուար մը կ'ուզէին ստեղծել՝ ծովերու վրայ ռուսական ծաւալման դէմ:

Այս նպատակաւ, Անգլիա, նախ խորհեցաւ Պալքանեան երկիրները զօրացնել, Սեւ ծովու եզերքներուն վրայ անոնց նաւահանգիստներ ստեղծելով և բնականօրէն անոնց պաշտպանութեան համար ալ տորմիզներ կազմակերպելով: Այս ծրագիրը սակայն բաւտար և գործնակաջ չնկատուեցաւ, քանի որ Պալքանեան երկիրներէն ոմանք ռուսական հովանաւորութիւնն ու պաշտպանութիւնը կը վայելէին, և ծովային

պատերազմի մը միջոցին հաւանականութիւն կար սր անոնք միանային Ռուսիոյ, քան թէ ուրիշ ու է տէրութեան: Բաց աստի, Ռուսիա իր ցամաքային գերակշիռ ուժով ամէն վայրկեան կարող էր զանոնք իրեն հպատակեցնելու:

Այս պատճառաւ էր որ Անգլիացի զիւանազէտները խորհեցան զօրացնել թուրքիոյ նաւատորմը և մարզել սպաներն ու զինուորները, յառաջիկային տեղի ունենալիք ռուսական ծովային յարձակումի մը զիմադրելու և ռուս նաւատորմը զոնէ միջոց մը զբաղեցնելու համար, մինչեւ որ Անգլիա այդ առիթէն օգտուելով Միջերկրականի իր տորմիղին թիւը կրկնապատկէր և թոյլ չտար ռուսական նաւատորմին զէպի Միջերկրական արշաւանքին:

Անգլիոյ առաջարկը հաճելի թուեցաւ Սուլթան Ալիզի, որ անմիջապէս իր մօտ հրաւիրեց աւագանին, Մեծ Եպարքոսը, պատերազմական, արտաքին և ներքին գործոց նախարարները, ծերակոյտի և պետական խորհուրդի անդամները: Ն. վեհափառութեան նախագահութեան տակ, պալատին մէջ տեղի ունեցած զիշերային ժողովի մը մէջ, ընդունուեցաւ անգլիական առաջարկը, հակառակ անոր որ սատրազամն ու սէր ասքէրը գէժ արտայայտուեցան, մէջ բերելով ու պարզելով Անգլիոյ թաքուն նպատակները, թուրքիան իր ձեռքին մէջ գործիք դարձնելու ի հաշիւ անգլ. Միջերկրականեան շահերուն:

Եւ սակայն Սուլթան Ալիզ տուած էր իր որոշումը: Հետեւաբար կարելի չէր հակառակը պնդել: Մեծամասնութիւնը ձայնակցած էր Ն. վեհափառութեան, որով անմիջապէս խմբագրուեցաւ Բրիտանական կառավարութեան զըրկուելիք պատասխան հեռագիրը:

Թուրքիոյ կողմէ անգլիական առաջարկին ընդունուելուն լուրը մեծ գոհունակութեամբ զիմաւորուեցաւ Լոնտոնի զիւանազիտական շրջանակներուն կողմէ: Անգլիացիք, այս ծրագրին իրականացումով, ապահովուած կը տեսնէին Միջերկրականի անգլ. շահերը, և ծովային մասնագէտներէ կազմուած մարմին մը իսկոյն ձամբայ հանեցին զէպի Պոլիս:

Ասոնց մէջ կը գտնուէին նաև ծովային բարձրաստիճան սպաներ, որոնք պաշտօն ունէին մարզելու թուրք ծովային սպաներն ու զինուորները:

Պատուիրակութեան ժամանման երկրորդ օրն իսկ, անոնց մասնակցութեամբ ժողով մը գումարուեցաւ ծովային նախարարութեան շէնքին մէջ, նախագահութեամբ ծովային նախարարին: Թուրք մասնագէտները առաջարկեցին Պոլսոյ նաւահանգիստին մէջ շինել զրահաւորները, և առ այդ յարմարագոյն վայր նկատուեցաւ Ռսկեղջիւրը:

Եւ Սակայն սագմանաւերու շինութեան համար նաւարաններու պէտք կար: Հետեւաբար,

անմիջապէս Անգլիա յանձնարարուեցան նաւա-
րանի շինութեան յատուկ բաղմաթիւ կազմած-
ներ, որոնց Պոլիս ժամանումէն յետոյ ձեռնար-
կուեցաւ անոր կառուցման:

Անգլիացի ծովալին մասնագէտները թէեւ
ջանք չի խնայեցին մարտանաւերու շինութեան
գործին մէջ, և սակայն պատրաստուած և մէջ-
տեղ հանուած նաւերու կմախքները գոհացու-
ցիչ և բաւարար չնկատուեցան զրահաւորներու
կազմութեան, որով մէկ կողմ թողուեցան ա-
նոնք և երկրորդ անգամ գումարուած ժողովի
մը մէջ որոշուեցաւ ուղղակի անգլիական նա-
ւարաններու մէջ պատրաստել թրքական սազ-
մանաւերը:

Այս որոշումը թուրք կառավարութեան
կողմէ հաղորդուեցաւ անգլիական կառավարու-
թեան և խնդրուեցաւ որ զրահաւորներու յանձ-
նարարութեան մասին բանակցելու համար Անգ-
լիացի լիազօր պատուիրակ մը զրկուի Պոլիս:



ՍՈՒԼԹԱՆ ԱԶԻԶ, ԼՕՐՏ ԶԷՅՍՍ ԵՒ ԳՈՒՐՊԱՆ ՅՈՒՍԷՓ

Թուրքիոյ հետ բանակցելու համար անգլիա-
կան թորփիլանաւով մը Պոլիս եկաւ ծովալին
նախարարութեան խորհրդական եւ սազմանա-
ւերու շինութեան մասնագէտ Լօրտ ճէյմս:
Լօրտը երբ Պոլիս ժամանեց, մեծ պատիւներով
ընդունուեցաւ և ուղղակի առաջնորդուեցաւ
Պոլսոյ անգլիական գեսպանատունը: Անգլիական
գեսպանը ի պատիւ անգլիացի բարձրատիճան
հիւրին ճաշասեղան մը սարքեց գեսպանատան
մէջ, ուր Թուրքիոյ և Անգլիոյ յարատեւ բարե-
կամութեան համար բաժակաճառեր արտասան-
ուեցան:

Լօրտ ճէյմս զիշեր մը միայն գեսպանատան
մէջ հիւր ըլլալէ վերջ, յաջորդ օրը կայսերական
պալատ գնաց, Սուլթանին կողմէ մասնաւոր
կերպով զրկուած շքեղ կառքի մը մէջ բազ-
մած: Կառքը երբ պալատ հասաւ, պալատան
արարողապետը փութաց գիմաւորել բարձրաս-
տիճան հիւրը և զայն առաջնորդեց կայսերական

հիւրասրահը, որ շքեղօրէն զարդարուած էր Ա-
րեւելեան ոճով:

Հոն սովորական պատուասիրութիւնները
տեղի ունենալէ վերջ, ներքինապետին միջոցաւ
սուլթանին հաղորդուեցաւ Լօրտին ժամանու-
մը: Սուլթանը հրաման ըրաւ որ իր մօտ առաջ-
նորդեն հիւրը:

Լօրտ ձէյմս, խիստ համակրելի երեւոյթով,
հազիւ յիսուն տարեկան, երկայնահասակ և նի-
հարակազմ մարդ մըն էր մօնօքը կը կրէր իր
աչքին վրայ և միշտ ժպտաղէմ երեւոյթ մը
ունէր, այնպէս որ առաջին տեսութեամբ մը
իսկ համակրանք կ'առթէր զիմացիսին:

Լօրտը երբ սուլթանական դահլիճէն ներս
մտաւ, Սուլթան Ազիզ բազմած էր իր գահին
վրայ: Ի տես Լօրտին, Սուլթանը մեծ համակ-
րութիւն մը զգաց անոր հանդէպ և պաշտօնա-
կան արարողութիւններէ ու ձեւակերպութիւն-
ներէ վերջ, մտերմական յարաբերութիւն մը
հաստատուեցաւ Սուլթանին և Լօրտին միջեւ:
Քարծրատիճան հիւրը իրեն յատկացուած թիկ-
նաթոռին մէջ բազմելէ յետոյ կայսերական մե-
ծարանքներու արժանացաւ և Արեւելեան սովո-
րութեան համաձայն օշարակ, սուրճ եւ սիկառ
հրամցուեցաւ Լօրտին: Խօսակցութիւնը դար-
ձաւ Սուլթանին տարի մը առաջ եւրոպա ուղե-
ւորութեան վրայ: Սուլթանը մեծ գովեստով ու
հիացումով խօսեցաւ եւրոպական յոռաջդիմու-

թիւններուն վրայ, և մանաւանդ անդրադար-
ձաւ Անգլիոյ ժողովուրդին հաստատակամու-
թեան և տիպար աշխատասիրութեան վրայ, ու-
րուն կը պարտէր Անգլիա իր այնքան
փայլուն գիրքն ու յաջողութիւնները: Քարծ-
րատիճան հիւրը, շնորհակալութիւն յայտնեց
Սուլթանին շուայած գովեստներուն համար, և
իւր կարգին ըսաւ թէ՛ թրքական նաւատորմը
մօտաւոր ժամանակի մը մէջ պիտի գերազան-
ցէր գրացի երկիրներու նաւատորմը եւ ամէն
գերակառութիւն պիտի ունենար Սեւ Ծովու եւ
Մարմարայի մէջ:

Յետոյ խօսակցութիւնը դարձաւ թրքական
նաւատորմին կազմութեան և ուժեղացման
շուրջ: Սուլթանը փափաք յայտնեց որ Լօրտը
կարելին ի գործ դնէ՝ որպէս զի Թուրքիա տի-
պար նաւատորմ մը ունենայ, ծովային մար-
զուած սպաներու եւ զինուորներու հետ մէկ-
տեղ, որոնց մարզանքի ուսուցիչները անգլիա-
ցի ծովային սպաներ պիտի ըլլային:

Լօրտ ձէյմս ամէն հաւաստիք տուաւ Սուլ-
թանին թէ՛ ջանք չալիտի խնայեր այդ բանին
համար և կրկնեց դարձեալ թէ Թուրքիա խիստ
կարճ միջոցի մը մէջ տիպար նաւատորմ մը եւ
մարզուած տիպար ծովային սպաներ և զին-
ւորներ պիտի տեսներ իր մէջ, որոնք ամէն
կերպով պիտի կրնային գտակար հանգիստնալ
թուրք հայրենիքին:

Այս սիրալիր եւ մտերմական տեսակցութեանէն վերջ Սուլթանը ուզեց իր բարձրաստիճան հիւրին հետ ճաշել, վերջին ծայր ասորժ զգացած էր անկէ, այնպէս որ իր հրաւերը Լօրտին կողմէ սիրով ընդունուեցաւ:

Սուլթանը հրամայեց իր արարողապետին որ Լօրտին հետ ճաշելու համար անհրաժեշտ պատրաստութիւնները տեսնուին:

Արդէն կէսօր եղած էր, երբ Սուլթանն ու Լօրտ ձէյմս, պալատան արարողարողապետի՝ առաջնորդութեամբ ճաշասրահ հրաւիրուեցան: Սեղանը, ի պատիւ հիւրին, զարդարուած էր Արեւելեան եւ Արեւմտեան ճաշակով: Եզական համադամներու հետ սեղանին վրայ կը գտնուէր նաեւ ամենաընտիր շամբանիա: Շամբանիայի քանի մը գաւաթներու պարպումով, կատարեալ գուարթութիւն մը տիրեց ճաշասրահին մէջ: Այդ գուարթութեան մէջ Սուլթանը յանկարծ յիշեց Գուրպան Յուսէփը: Ուզեց որ ան այդ միջոցին ներկայ եղած ըլլար հոն եւ կարգ մը խաղերով գուարձացներ զիրենք: Եւ սակայն ճաշը աւարտած եւ պահն ալ անյարմար ըլլալով, մտադրեց ուրիշ օրուան մը յետաձգել իր փափաքը:

Ճաշը աւարտելէ քիչ վերջ Լօրտը հրաժեշտի հրամանը ստացաւ Սուլթանէն եւ դարձեալ պալատական մասնաւոր կառքով եւ արարողապետին ընկերակցութեամբ մեկնեցաւ անգլ. դեսպանատուն:

Ինչպէս ըսինք, Սուլթանը ուզած էր Լօրտ ձէյմսի անակնկալ մը ընել, Գուրպան Յուսէփի միջոցաւ, և սակայն առաջին օրը անյարմար դատած էր այդպիսի գուարձութիւն մը, և իր այս փափաքը ուրիշ օրուան մը յետաձգած:

Յաջորդ առտու, իր ներկայութեանը կանչեց պալատին արարողապետն ու ներքինապետը և անոնց յայտնեց իր մտադրութիւնը:

Այս վերջինները ուզեցին անմիջապէս կայսերական հրամանը գործադրել թէեւ, սակայն չէին գիտեր թէ՛ Նորին վեհափառութիւնը ինչ տեսակ զբօսանք մը ընել կը փափաքէր:

Ներքինապետ Ապտուլ Կանի աղա Սուլթանին կամքը ուզեց հասկնալ, ըստ այնմ կատարել տալու համար խրախճանքի պատրաստութիւնները:

Սուլթանը բացատրեց անոնց թէ՛ Եւրոպա պտոյտ մը կատարած ատեն, կենդանաբանական պարտէզները այցելած էր ու հիացած: Ըսաւ թէ հոն երկաթեայ վանդակներու մէջ իցոյց գրուած էին ամէն տեսակ վայրի ու ընտանի անասուններ, որոնք բերուած էին աշխարհիս ամէն կողմերէն, և թէ հազարաւոր մարդիկ կը փութային ամէն օր մեծ հետաքրքրութեամբ ու հաճոյքով զիտելու այդ կենդանիները: Հետեւաբար ինք, Սուլթանը, կը փափաքէր որ եթէ ոչ իրական, գէթ արուեստական նմանութիւն մը ստեղծուէր պալատին մէջ կենդանաբանական պարտէզի մը:

Նորին վեհափառութիւնը տեսնելով որ անոնք բան մը չի կրցան հասկնալ իր խօսքերէն, աւելի որոշ կերպով բացատրեց իր միտքը, ըսելով թէ՛ կ'ուզէր որ մեծ սրահի մը մէջ. աշխարհիս վրայ գտնուած բոլոր կենդանիներուն և թռչուններուն նկարները գտնուէին, որոնց իւրաքանչիւրը նկար ըլլալով հանդերձ, իր բնական ձայնը ունենար և ուզուած ատեն խօսէր:

Սուլթանին այս անիրականալի փափաքը լսելով, արարողապետն ու ներքինապետը շուտօք, իրարու երես սկսան նայիլ, թէ ի՞նչպէս կարելի էր անշունչ նկարները խօսեցնել և բնական ձայներ հանել տալ անոնց:

Սուլթանը սակայն կռահեց անոնց շուտօք մին պատճառը և ժպտելով ըսաւ թէ՛ այդ բանը Գուբայան Յուսէփը միայն կրնար ընել, որով վարանելու հարկ չկար և պէտք էր անմիջապէս նկարները պատրաստել տալ ու մեծ սրահ մը այդ բանին յատկացնել:

Նորին վեհափառութեան հրամանը իսկոյն գործադրութեան դրուեցաւ: Աշխարհիս վրայ գտնուած վայրի թէ ընտանի բոլոր կենդանիներուն և թռչուններուն նկարները, իրենց բնական մեծութիւններով և փութով պատրաստուել սկսան և պալատին ամենաընդարձակ սրահներէն մին կենդանաբանական պարտէզի մը վերածուեցաւ:

Սրահը բաժնուեցաւ տասը մասերու. իւ-

րաքանչիւր մասը որահին երկայնութեամբը կտրուած էր, մասնաւոր որմերու միջոցաւ: Իւրաքանչիւր բաժանում իր գոնակը ունէր, ուրկէ կ'անցնուէր երկրորդ բաժանումը երթալու համար, և այսպէս յաջորդաբար: Այս բաժանումները իսկապէս հիւանալի ճարտարութեամբ կատարուած էին. սրահին որմերը իրենց մէջ մարդ մը ներփակելու չափ բացուածքներ ունէին, և հաղորդակցութեան մէջ էին իրարու հետ, առանց նշմարելի ըլլալու զուրսէն:

Կենդանեաց նկարները բաժանումներուն մէջ զետեղուեցան, իւրաքանչիւրը զատ զատ տեղերէ կախուած. վայրի կենդանիները ուրիշ սրահի մը մէջ, ընտանիները ուրիշ և թռչունները տարբեր սրահներու մէջ: Մէկ խօսքով, տասը խումբերու բաժնուեցան անոնք, տասը սրահներու մէջ տեղաւորուելով:

Այս բոլորը լրանալէ վերջ, Սուլթանին հաղորդուեցաւ թէ՛ իր հրամանները կէտ առ կէտ գործադրուած էին:

Նորին վեհափառութիւնը առանձինն առանձինն աչքէ անցուց սրահները, որ իրաւամբ կենդանաբանական պարտէզի մը մէջ գտնուած ըլլալու պատրանքը կուտային մարդուս, և իր գոհունակութիւնը յայտնեց զայն պատրաստողներուն, որ այնքան անթերի կ'ըսով գործադրած էին իր հրամանները:

Նոյն օրը, երեկոյին, պալատ կանչուեցաւ

Գուերպան Յուսէփ, որ Նորին Վեհափառութեան ներկայութեան ընդունուեցաւ: Սուլթանը Գուերպան Յուսէփը առաջնորդեց կենդանաբանական պարտէզը և իւրաքանչիւր կենդանիները զատ զատ ցոյց տալով ըսաւ թէ՛ կ'ուզէր որ անոնց ամէնքն ալ իրենց բնական ձայները հանէին:

Գուերպան Յուսէփ մի առ մի զիտելէ վերջ կենդանիներուն նկարները, ըսաւ Սուլթանին թէ երբ որ հրաման ընէր Ն. Վեհափառութիւնը, ինք պատրաստ էր զանոնք խօսեցնելու իրենց բնական ձայներովը:

Ասոր վրայ Գուերպան Յուսէփ Սուլթանին ներկայութեան փորձ մը կատարեց և Ն. Վեհափառութիւնը այնքան գոհ մնաց որ չի կրցաւ իր զքանչացումը ծածկել եւ գնահատական բաւերով շնորհաւորեց զինքը:

Երկու օր վերջ կայսերական մասնաւոր հըրաւէրի մը վրայ Լօրտ ձէյմս Սուլթանին ներկայութեան ընդունուեցաւ: Լօրտը իր մեծարանքները յոտս կայսերական գահոյից մատուցանելէ վերջ նստաւ իրեն յատկացուած թիկնաթոռին վրայ և Սուլթանը խիստ մտերմական խօսակցութեան մը սկսաւ իր արժէքաւոր հիւրին հետ:

Ինչպէս ըսինք, Սուլթանին մտադրութիւնն էր Լօրտ ձէյմսի սնակնկալ մը ընել, իր առեղծուածային կենդանաբանական պարտէզին մէջ, մայն հիացումի և միանգամայն ապշութեան զատնելով:

Առ այս, ամէն ինչ կարգադրուած էր արդէն: Գուերպան Յուսէփ կը գտնուէր կենդանաբանական սրահին որմերուն մէջ, և իր դերը պիտի կատարէր որոշեալ ժամուն, երբ Սուլթանը և իր հիւրը սրահ մտնէին, զիտելու համար կենդանիները:

Գէսօրուան ճաշի պատրաստութիւնները սեանուեցան և Նորին Վեհափառութիւնը Լօրտին ընկերակցութեամբ ճաշի նստաւ:

Կայսերական մասնաւոր հրամանով, նոյն օրուան ճաշին կը մասնակցէին նաև պալատան արարողապետ Թէվֆիք պէյ, աւագ քարտուղար Քէմալ պէյ և Մեծ Եպարքոս Սամի փաշա:

Ամէն ոք խիստ զուարթ տրամադրութեան մը տակ կը գտնուէր այդ օրը: Սուլթանը վերջին ծայր զուարթ երեւոյթ մը ունէր և միշտ կը ժպտէր:

Ճաշը վերջացաւ: Նորին Վեհափառութիւնը սկսաւ իր հիւրին հետ երոպական հրաշալիքներու մասին խօսիլ: Ի վերջոյ ծանրացաւ եւրոպական զանազան երկիրներու և ի մասնաւորի Անգլիոյ մէջ գտնուած կենդանաբանական պարտէզին վրայ խօսիլ և իր հիացումը ու ըսքանչացումը յոյտնեց անոր անթերի կազմակերպութեանը համար: Ըսաւ թէ՛ թէեւ թուրքիոյ մէջ կենդանաբանական պարտէզ գոյութիւն չունէր, և սակայն ինք, Սուլթանը, մասնաւոր սրահ մը յատկացուցած էր կենդանեաց

նկարներուն համար, որ նոյնպէս հրաշալիք մըն էր, ինչպէս Եւրոպայի կենդանաբանական պարտէզները:

Լօրտ ձէյմս, խնդրեց Սուլթանէն որ այց մը տան կենդանիներուն:

Ն. Վենափառութիւնը սիրով ընդունեց Լօրտին առաջարկը, և հրամայեց ներքինապետին որ զիրենք կենդանաբանական սրահը առաջնորդէ:

Ապտիւլ կանի աղա դահլիճին քովընտրի դուռնէն հիւրերը առաջնորդեց գէպի կենդանաբանական սրահ: Փոքր գաւիթէ մը անցնելէ վերջ հիւրասրահը մտան և անկէ ալ աջ կողմը բացուող մեծ դուռնէ մը առաջնորդուեցան կենդանաբանական սրահը: Սրահին դուռը հազիւ թէ բացուած էր Սուլթանը առաջ անցաւ և նախ ինք ներս մտաւ, որուն հետեւեցան Լօրտը եւ միւս հիւրերը:

Իրան ձիւղ քովը առաջին նշարը արու առիւծ մը ցոյց կուտար, իր բնական մեծութեամբ, այնքան ճարտարօրէն նկարուած էր որ իրական առիւծի մը պատրանքը կուտար զայն զիտողին:

Լօրտը չի կրցաւ իր հիացումը զսպել և ըսաւ Սուլթանին թէ առաջին անգամն էր որ այսքան բնական դեղեցկութեամբ նկարուած առիւծ մը կը տեսնէր:

Սուլթանը ժպտելով.

— Լօրտ, ըսաւ, թերեւս հիմա ձեր մտքէն կ'անցնէք որ մեր կենդանաբանական պարտէզին մէջ գտնուող կենդանիները իրական անասուններ չեն, ինչպէս ձեր կենդանաբանական պարտէզին մէջ եղածները, մինչդեռ կը հաւատարացնեմ ձեզ որ հոս ձեր տեսած բոլոր կենդանիներն ալ շնչաւոր էակներ են, եւ ուղուած ատեն կը հանեն իրենց ձայնը:

Սուլթանը այս ըսելով առիւծին նշան մը ըրաւ որ յանկարծ սկսաւ մռնչել սարսափեցնելով հիւրերը: Լօրտը ապշահար ետ քաշուեցաւ նկարին քովէն, վախնալով որ մի գուցէ իրական առիւծ մը ըլլար ան եւ է վրաս հասցնէր իրեն:

Սուլթանը ժպտելով հանդարտեցուց զայն, ըսելով թէ իրաւ է որ իր կենդանաբանական պարտէզին կենդանիները զառագեղներու մէջ չեն արգելափակուած, բայց ո եւ է վրաս չեն հասցներ մարգւց, յարձակում գործելով անոնց վրայ:

Առիւծին քով կար վագրի մը նկարը: Սա վայրի նայուածք մը կ'արձակէր զինքը զիտողին վրայ:

Սուլթանը անոր ալ նշան մը ըրաւ և ան ալ սկսաւ սաստիկ կերպով մռնչել:

Կարելի չէ նկարագրել հոս Լօրտին եւ հիւրերուն զգացած զարմանքը: Ոչ ոք կրնար մեկնութիւն մը տալ անոր: Ինչպէս կ'ըլլար որ նը-

կար մը ձայն կ'ունենար: Լօրտ ձէյմս քանիցս մօտեցաւ վազրին և առիւծին նկարներուն, տեսնելու համար թէ արդեօք իրապէս կեանք ունեցող կենդանինե՞ր ինն անոնք: Եւ սակայն անոնք նկարներ էին: Իր աչքերով կը տեսնէր և ձեռքով կը շօշափէր այդ նկարները: Ուրեմն ի՞նչպէս ահարկու կերպով կը մոնչէին անոնք:

Ն. Վեհափառութիւնը սակայն, առանց ո՛ր և է շփոթութիւն ցոյց տալու, կը յառաջանար և կանգ կ'առնէր ուրիշ կենդանիներու առջեւ:

Այս անգամ ճերմակ հսկայ արջ մը ցոյց կուտար նկարը: Հազիւ թէ մօտեցած էին անոր հրէշային ձայն մը սկսաւ արձակել:

Առաջին սրահին նկարները բոլորն ալ խօսեցնելէ վերջ Սուլթանը առաջնորդեց իր հիւրերը երկրորդ սրահը, որ եւս միեւնոյն ղէպքը տեղի ունեցաւ: Այս անգամ ընտանի կենդանիներն էին որ կ'սկսէին հանել իրենց ձայները:

Մատակ ձի մը իր բոլոր ուժովը կը վրնչէր, կարծես իր ձագը կորսնցուցած ըլլար:

Երբ կանգ առին իշու մը նկարին առջեւ, ան սկսաւ մեծ աղմուկով զուար:

Պուլտօք շունի մը հաչիւնը այնքան հաճելի թուեցաւ Լօրտին, որ անոր քով կեցած, ուշի ուշով կը քննէր զայն թէ՛ ձայնը ս՛ւրկէ կ'ելլէր. և սակայն շունը միշտ կը հաչէր:

Երբ հոլանտական կաթնտու կովի մը նկար

րին առջեւէն կ'անցնէին, կենդանին սկսաւ յուզիչ կերպով բառաչել, որպէս թէ անօթի եղած ըլլար և ուտելիք խնդրէր իրեն մօտեցողներէն:

Սուլթանը Լօրտին ցոյց տուաւ զառնուկներու խումբ մը, խիստ ճարտարօրէն նկարուած հրաշալիք մը, որ կը բաղկանար 50ի չափ հազիւ երկու ամսուան նորածիններէ: Անոնց քով կար պահապան շուն մը, ինչպէս նաև հովիւ մը, որ ծնօտը փայտի մը կրթնցուցած, կը հսկէր անոնց չ'րայ:

Սուլթանն ու Լօրտը այնինչ նկարին մօտեցած էին, երբ գառնուկները սկսան մայել, որոնց յաջորդեց շունին հաչիւնը: Սուլթանը, արդարեւ, ինքն ալ հիացած, սկսաւ խնդալ, ի տես Լօրտին զարմացական բացադանչութիւններուն: Յետոյ խօսքը ուղղելով անոր.

— Միլօրտ, ըսաւ, գիտէ՞ք թէ ո՛ւրկէ բերել տուած եմ այս կենդանիները:

— Ո՛ւրկէ բերել տուած էք, տէր արքայ, հարցուց Լօրտ ձէյմս, մեծապէս հետաքրքրուած:

Եւ բոլորովին նոր անակնկալ մը ըրած ըլլալու համար անոր, և միեւնոյն ատեն հասկցնելու համար իր նպատակը Գուրպան Յուսէփի, որ սրահին որմերուն մէջ անոնց կը հետեւէր:

— Այս գառնուկներու խումբը ուղղակի

Անգլիայէն բերել տուած եմ, ըսաւ. հովիւն ալ Անգլիացի է. եթէ կը փափաքիք, քանի մը խօսք փոխանակեցէք անոր հետ:

Սուլթանը հազիւ թէ իր խօսքը աւարտած էր, երբ հովիւը անգլիերէն լեզուով բարեւեց խօսքը և որպիսութիւնը հարցուց անոր:

Խօսքին զարմանքն ու հիացումը չափ չուէին այլեւս: Խելակորոյս վիճակ մը առած էր ան և մեծ յափշտակութեամբ կը զիտէր նըկարը:

Երկրորդ սրահին վերջին նկարն էր այս, որով անցան յարակից միւս սրահները:

Այն ինչ սրահէն ներս մտած էին, երբ հարիւրաւոր կապիկներու ձայնի աղմուկները լեցուցին սրահը:

Կապիկներու յատկացուած սրահն էր այս: Մարդակերպ կօրիչն ու Շըմբանդէն ամէնէն ահարկու ձայները կը հանէին. իսկ փոքր կապիկները, որոնք ծառերու վրայ մագլցած վիճակի մէջ նկարուած էին պատկերին վրայ, անվերջ կը շաղակրատէին:

Հարկ կա՞յ Միլօրտին ու հիւրերուն յուզումն ու միեւնոյն ատեն սքանչացումը նկարագրել հոս, երբ չափ ու սահման չունէին անոնք: Հետաքրքիր խումբը, արագ արագ, կ'անցնէր մէկ սրահէն միւսը, և մին քան զմիւսը գերազանց տեսարաններու ու անակնկալներու ականատես կ'ըլլար:

Վերջապէս իններորդ և տասներորդ սրահ-

ներն ալ աչքէ անցուցին: Իններորդ սրահին մէջ կային բազմազգի թռչուններ, Հնդկական թռածակ մը ապշեցուց հիւրերը: Քանի մը լեզուներով դանկեր սկսաւ թոթովել. հարցումները ընվօրինակելով կը վերադարձնէր զանոնք հարցումը սւղղողին: Մերթ թուրքերէն, մերթ անգլիերէն և մերթ Ֆրանսերէն բառեր կը թոթովեր, իբր թէ զայն այդ լեզուներուն վարժեցուցած ըլլային:

Սոխակներու գեղգեղը, գեղձանիկներու դայլայիկը պուրակի մը երեւոյթը կուտային սրահին:

Վերջին, այսինքն տասներորդ սրահը յատկացուած էր սողուններու նկարներուն:

Խումբը հոն առաջնորդուեցաւ և զարմացմամբ լսեց օձերու սուլումը: Ամէն տեսակ թունաւոր եւ անթոյն օձեր իրենց կարգին սուլումներ կ'արձակէին, սարսափ ազդելով հանդիսականներուն:

Օձերու սրահին տեսքը այնքան ախորժելի չըլլալուն համար, հիւրերը փափաք յայտնեցին շուտով հեռանալ անկէ և առաջնորդուեցան դարձեալ պալատին մեծ դահլիճը, ուրկէ եկած էին նախապէս կենդանաբաշական սրահը աչքէ անցնելու համար:

Մեր ընթերցողները անշուշտ չի զարմացան երբ վերեւ կարգացին բազմաթիւ կենդանեաց նկարներուն հանած բնական ձայները:

Գուրպան Յուսէփն էր որ իր համբաւաւոր որովայնախօսութեամբ իւրաքանչիւր կենդանիին բնական ձայնը կը հանէր, կարծեցնել տալով զանոնք ունկնդրողներուն թէ՛ կենդանին է որ կը խօսի:

Ինչպէս նախապէս ըսինք, Գուրպան Յուսէփ կը գտնուէր կենդանաբանական սրահի որմերուն մէջ, և ինք առանց ուրիշէն նշմարելի ըլլալու, կրնար տեսնել սրահին մէջ գտնուողները, այնպէս որ երբ Սուլթանը Լօրտին հետ կանգ կ'առնէր նկարի մը առջեւ, Գուրպան Յուսէփ անմիջապէս այդ կենդանիին ձայնը կը հանէր: Եւ այսպէս շարունակաբար, բոլոր կենդանիներուն ձայները ձիշդ իրենց բնական նմանութեամբ հանելով, ապշութեան ու սքանչացումի կը մատնէր սրահին մէջ գտնուողները:

Ն. Վեհափառութիւնն ու հետեւորդները երբ դահիճ վերագարձան, բացի Լօրտէն, միւս հիւրերը մեկնեցան կայսերական հրամանով: Սուլթանին մօտ մնաց միայն ներքինապետ Ապտիւլ Կանի աղա:

Բնականաբար Սուլթանին ու Լօրտին միջեւ խօսակցութիւնը միշտ կենդանաբանական սրահին շուրջ դարձաւ: Լօրտը դեռ չէր կրցած իր զարմանքը փարատել, չի կրնալով հետեւութիւն տալ այդ կատարուած իրողութիւններուն: Ան շարունակ կը կրկնէր թէ արգարեւ առեղծուածային կենդանաբանական պարտէզ մըն

էր Սուլթանին այդ սրահը, հրաշալիք մը, որուն նմանը կարելի չէր ուրիշ ոեւէ տեղ տեսնել:

Սուլթանը տեսնելով թէ Լօրտը իր ուղեղը կը չարչարէր ու և մեկնութիւն տալու համար իր այդ տեսածներուն նկատմամբ, ուզեց հանգարտեցնել զայն, ապահովցնելով թէ ամէն դաղտնիք պիտի պարզէր իրեն:

Հետեւաբար հրամայեց ներքինապետին որպէս զի Գուրպան Յուսէփը իր ներկայութեանը բերէ:

Գուրպան Յուսէփ, իր դերը կատարելէ վերջ, գոհունակ իր ձեռք բերած յաջողութեան համար, սրահին որմերէն դուրս ելած և արարողապետին հետ հիւրասրահին քովընտի դահլիճին մէջ սիկառէթ կը ծխէր:

Ապտիւլ Կանի աղա, երբ Գուրպան Յուսէփի հաղորդեց կայսերական հրամանը, այս վերջինը փութով սիկառը մէկ կողմ դրաւ և ինքնամփոփուելէ վերջ հետեւեցաւ ներքինապետին:

Երբ հիւրասրահ մտան, Սուլթանը Գուրպան Յուսէփը իր մօտ կանչեց և զայն Լօրտին ներկայացնելով ամէն ինչ պարզեց անոր, ըսելով թէ այդ հրաշալիքներուն ախտոյեանը այս որովայնախօս հայն էր:

Լօրտը անմիջապէս ոտքի ելլելով փութաց շնորհաւորել Գուրպան Յուսէփը, իր հիացումն

ու սքանչացումը յայտնելով, եւ միեւնոյն ատեն խոստացաւ անոր որ՝ երբ Անգլիա վերադառնայ, պատուոյ միտայլ մը զրկել տայ, Սնգլիոյ թագաւորին կողմէ: Թախանձանօք խնդրեց նաեւ Սուլթանէն, որ արտօնէ Գուրպան Յուսէփի Անգլիա այցելութիւնը, գոնէ կարճ ժամանակի մը համար, որպէս զի Անգլիացի ժողովուրդն ալ պատիւն ունենայ վայելելու այսքան ճարտար արուեստագէտի մը հրաշալիքները:

Գուրպան Յուսէփ արտօնուեցաւ մեկնելու, լիառատ կերպով վարձատրուելէ վերջ Սուլթանէն, նիւթապէս թէ բարոյապէս:

Գուրպան Յուսէփ, երբ պալատէն մեկնեցաւ, իրիկուն եղած էր: Կառք մը ցատկելով կամուրջ հասաւ և անկէ Սկիւտարի համար տոմսակ մը առնելով ուղղակի Իճատիէ ելաւ և հոն Անտոնի գինետան մէջ, գտաւ իր ընկերները, որոնք անհամբեր Գուրպան Յուսէփի կը սպասէին և ուշանալուն համար մտահոգութիւն կը յայտնէին:

Երբ Գուրպան Յուսէփ ներս մտաւ, զուարթութիւնը արեւոյ գինետան մէջ: Իր ընկերները անմիջապէս բոլորեցին զինքը և հարցումներ սկսան ուղղել անոր թէ՛ այդ օրը ի՞նչպէս անցուց և թէ ի՞նչ նորութիւններ ունէր իրենց հաղորդելիք:

Գուրպան Յուսէփ, արդէն առատաձեռն,

նոյն օրը պալատին մէջ ունեցած յաջողութիւններէն ուրախ, իր ստացած մեծագումար նուէրէն չուզեց անմասն թողուլ իր ընկերները, և աջին ձախին ապսպրանքներ սկսաւ ընել գինետանին:

Յետոյ պատմեց անոնց պալատին մէջ Սուլթանին հիւր եղող Անգլիացի Լորտի մը ներկայութեան իր կատարած որովայնախօսական փորձերուն մէջ ձեռք բերած յաջողութիւնները: Ի լուր Գուրպան Յուսէփի պատմութեան, գինետան մէջ անվերջ ծափահարութիւն մը ծայր տուաւ և ամէն ոք անոր կենացը պարպեց իր գաւաթը:

Գուրպան Յուսէփ երբ տուն վերադարձաւ կէս գիշերը անցած էր արդէն: Այնքան յոգնած էր ան որ անմիջապէս անկողին մտաւ հանգստանալու համար օրուան խոնջէնքէն:



**ԳՈՒՐՊԱՆ ՅՈՒՍԷՓ
ԵՒ ՂԱԼԱԹԻՈՅ ԻՇԿԷՄՊԷՃԻՆ**

ԻՇԿԷՄՊԷՃԻՒ ՄԸ ԿԱԹՍԱՅԻՆ ՄԷՋԷՆ
ՄԱՐԳՈՒ ՄԸ ՄԱՐՄՆՈՅՆ ԱՆԿԱՄՆԵՐԸ Կ'ԵԼԼԵՆ
ԳԼՈՒԽ, ԹԵՒԵՐ, ՈՏԲԵՐ, ԵՒԷՆ.

**ՇՈԳԵՆԱԿԱՅԻՆ ԴԷՊՔ ՄԸ
ՊԷՇԻԿԹԱՇԻ ԵՒ ՍԿԻՏԱՐԻ ՄԻՋԵԻ**

Աչնանային ամոռոյ մը մէջ էր. որը կիրակի
և տարածամեղու մօտ, երբ Գուրպան Յուսէփ
յանկարծ յիշեց թէ՛ Սկիւտար, Վանքին Պաղը,
Գրիգորի գինետան մէջ համախմբուելու համար
ժամադրութիւն տուած էր իր բարեկամներուն:
Մեր ընթերցողները գիտեն արդէն թէ հայ
որովայնախօսը իր բազմակողմանի յատկու-
թիւններուն կը միացնէր նաև Բագոսի տաճա-
րին ջերմեռանդ խնկարկու մը մը ըլլալու ա-
ռաւելութիւնը...: Եւ անոր այս մոլուկութիւնը իր
բարեկամներուն շատ հաճելի կը թուէր, որով-
հետեւ յաճախ զինքը գինարբուքի կը հրաւիրէին

և գինետան մէջ անոր կատարած որովայնախօ-
սական զանազան խաղերով կը զուարճանային:

Պէշիկթաշէն Սկիւտար յոգնեցուցիչ ճամ-
բորդութիւն մը չէր անոր համար: Ժամացոյցը
չոգենաւին տասը վայրկեան մնացած ըլլալը
ցոյց կուտար: Եւ նաւամատոյց հասնելով նեա-
ուեցաւ շոգենաւ: Մինչ շոգենաւը ճամբայ ելած
էր, Գուրպան Յուսէփ թէրասը ելաւ և նաւա-
պետին խոսցին մօտ բացօթեայ տեղ մը նստաւ:
Հարաւային գաղջ հով մը կը փչէր մեղմօրէն,
ջուրին մակերեսին վրայ փօքրիկ ու յարաշարժ
վէտովէտումներ յառաջ բերելով:

Նոյն ժամուն Վոսփորէն զէպի կամուրջ ե-
կող շոգենաւ մը զէմ առ զէմ գտնուեցաւ
Գուրպան Յուսէփը Սկիւտար տանող շոգենաւին
հետ:

Հոս, հարկ կը տեսնենք երկու բառով բա-
ցատրել մեր ընթերցողներուն թէ՛ ծովու վրայ
երբ երկու շոգենաւեր զէմ առ զէմ կուգան,
վտանգ մը չի պատահելու համար իրարու ճամ-
բայ ցոյց կուտան, մին ձախէն և միւսը աջէն
անցնելով: Աջէն կամ ձախէն անցնելու համար
երկու շոգենաւերու նաւապետները սուլիչի որոշ
ազգանշաններ ունին. զոր օրինակ, մին երբ
ձախ ճամբան կ'ընտրէ, մէկ անգամ կը սուլէ,
իսկ միւսը երկուք կը սուլէ և աջէն կ'անցնի,
որով բախուամի մը վտանգին առաջքը առնուած
կ'ըլլայ:

Երկու շոգենաւերը բաւական մօտեցած էին իրարու, երբ Գուրպան Յուսէփ ոտքի ելաւ դիտելու համար Վոսփօրէն կամուրջ դարձող ժողովուրդին հոծ բազմութիւնը շոգենաւին մէջ: Նոյն պահուն Սկիւտարի շոգենաւը ձախէն անցնելու ազդանշանը տուաւ մէկ անգամ սուլելով, որով Վոսփօրէն եկող շոգենաւին կը մնար աջէն անցնիլ, երկու սուլիւնով:

Գուրպան Յուսէփ ուզեց խաղ մը խաղալ երկու նաւապետներուն, վանոնք շփոթեցնելով, և կոչուած ըրաւ իր որովայնին: Սկիւտարի շոգենաւը երկու անգամ սուլեց, որ կը նշանակէր թէ աջէն անցնիլ կ'ուզէր փոխանակ ձախի, ինչպէս առաջին անգամ ազդարարած էր: Վոսփօրի շոգենաւին նաւապետը շփոթեցաւ, որովհետեւ երկու շոգենաւերը իրարու շատ մօտեցած էին և այլեւս կարելի չէր նախապէս որոշուած ուղղութիւնը փոխել: Սկիւտարի շոգենաւը վարող նաւապետն ալ այլայլեցաւ, տեսնելով որ հակառակ իր կամքին շոգենաւը կը սուլէր երկու անգամ: Ինք սուլիչին լարը չէր քաշած, հետեւաբար ինչպէս կարելի էր որ սուլէր շոգենաւը:

Նաւապետին ուրիշ բան ընել չէր մնար, բայց եթէ շոգենաւը կեցնել տեղն զտեղը, վրտանգի մը առաջքը առնելու համար:

Այս անգամ Վոսփօրի շոգենաւն էր որ երկու անգամ կը սուլէր, առանց նաւապետին

կամքին ու դիտակցութեան: Յայտնի կ'երեւէր թէ այդ շոգենաւին նաւապետն ալ ապշութեան մատնուած էր, որ առանց իր դիտակցութեան շոգենաւը ինքնաբերաբար կը սուլէր, սխալ ազդանշան տալով դիմացինին:

Վոսփօրի շոգենաւին նաւապետն ալ անմիջական վտանգը տեսնելով, յանկարծ կեցուց շոգենաւը: Երկու շոգենաւերը այնքան մօտեցած էին իրարու որ, եթէ քիչ մըն ալ յառաջանային բախումը տեղի պիտի ունենար անխուսափելիօրէն:

Շոգենաւերուն մէջ գտնուող ժողովուրդը, ի տես այս վտանգին, սարսափի մատնուած էր և խօլաբար ասդին անդին կը վազվզէր:

Եւ սակայն վտանգը անց սծ էր, որովհետեւ շոգենաւերը կեցած էին այլեւս, թէպէտեւ իրարու շատ մօտիկ:

Անոնց կենալէն վերջ սուլիչի ձայները երկու շոգենաւերէն ալ շարունակուեցան փոխն ի փոխ այնպէս որ կարծես թէ վտանգ մը պատահած ըլլար և օգնութիւն խնդրուէր դուրսէն:

Նաւապետները, արմանքի զարմանքի մատնուած, նաւաստիները կանչեցին իրենց մօտ, հետեւութիւն մը հանելու համար թէ առանց իրենց կամքին և միջամտութեան ինչպէս կ'ըլլար որ շոգենաւը անընդհատ կը սուլէր:

Ժողովուրդն ալ իր կարգին ապշահար, չէր կրնար երեւակայել թէ ինչի՞ արդիւնք էր այս

դէպքը: Ամէն ոք հետաքրքիր, հարցումներ կ'ուղղէին իրարու:

Եթէ կար մէկը, որ բնաւ չէր հետաքրքրուեր այս դէպքով, այն ալ Գուրպան Յուսէփն էր, որ շոգենաւին մէկ անկիւնը նստած, անտարբեր երեւոյթով մը իր սիկատը կը ծխէր, մերթ ընդ մերթ ահնարկներ ուղղելով իր շուրջէն անցնող դարձողներուն վրայ,

Գուրպան Յուսէփ բաւ համարեց այս միջանկեալ ժամանցը և նստած տեղէն ելլելով գնաց ուղղակի նաւապետին մօտ, և զայն ապահովեց ու շոգենաւերը այլեւս չպիտի սուլեն և կրնար վստահօրէն ճամբան շարունակել:

Նաւապետը չի ճանչնալուն համար Գուրպան Յուսէփը, հաւատք չընծայեց անոր խօսքերուն, և ըսաւ թէ՛ ինք ի՞նչպէս կրնար գուշակել այդ բանը:

Հայ որովայնախօսը ժպտեցաւ և ըսաւ թէ իր շոգենաւին մէջ կը գտնուէր Գուրպան Յուսէփը, որ կարող էր ուզած ատենը դադրեցնել շոգենաւին սուլիւնը:

Նաւապետը, իրաւ է թէ Գուրպան Յուսէփի համբաւը լսած էր թէեւ, ինչպէս նաեւ պալատին մէջ Սուլթանին ներկայութեան կատարած փորձերուն մասին տեղեկութիւններ ունէր, սակայն անձամբ չէր ճանչնար զայն: Եւ երբ իր դէմը գտաւ հայ որովայնախօսը, ամէն ինչ հասկցաւ և յարգանքով ու ակնածանքով ծեռքը

սեղմեց, հիացում ու սքանչացում յայտնելով անոր անզուգական կարողութեանը համար:

Շոգենաւերը շարունակեցին իրենց ճամբան: Գուրպան Յուսէփ Սկիւտարի նաւամատոյցը ելաւ և կառք մը ցատկելով ուղղուեցաւ շրտակ ժամադրավայր գինետունը:

Շոգենաւերու դէպքը ժամ մը ուշացուցած էր զինքը տուած ժամադրութենէն: Եւ սակայն իր ընկերները կ'սպասէին անոր: Գուրպան Յուսէփ երբ ներս մտաւ գինետունէն, զուարթութիւնը տիրեց հոն: Բարեկամները բոլորեցին զինքը և կուսնելով որ իր ուշացումը դէպքի մը արդիւնք էր, պատճառը հարցուցին: Գուրպան Յուսէփ ըսաւ թէ ծովու վրայ վտանգ մը անցուցած էր, և մանրամասնօրէն պատմեց անոնց տեղի ունեցած դէպքը: Հոն գտնուողները ամէնքն ալ սկսան խնդալ և հիացում յայտնել միանգամայն անոր ունեցած այս յաջողութեան համար:

Գինետան խրախճանութիւնը երկու ժամ տեւեց և բաժանման պահը եկաւ: Այդ զիշերուան հաւաքոյթին նպատակն էր խնդրել և համոզել Գուրպան Յուսէփը որ յաջորդ օրը, դէպի Պէյքօզ, Աբրահամ փաշայի փառքը, իրենց կատարելիք պտոյտին և սարքելիք խնջոյքին մասնակցէր:

Գուրպան Յուսէփ թէեւ նախ դժկամակեցաւ, և սակայն թախանձանքներու տեղի տա-

լով, ի վերջոյ ընդունեց հրաւերը, և բաժնուե-
լով անոնցմէ, տուն վերադարձաւ:

Գիշերուան այդ ժամուն, մայրը իրեն կը
սպասէր մտահոգ, երբ Գուրպան Յուսէփ գուռը
զարկաւ ուժգին:

Ի տես զաւկին, մօրը մտահոգութիւնը փա-
րատեցաւ և զայն ճաշասրահ առաջնորդել ու-
զեց, ճաշելու համար:

Գուրպան Յուսէփ սակայն, գինարբուքի
միջոցին այնքան աղանդեր կերած էր որ, ա-
խորժակ չունէր այլեւս ո և է բան ուտելու,
որով մերժեց մօրը առաջարկը և ուղղակի նըն-
ջասենեակ ելաւ պառկելու համար:



ԴԵՊԻ ՊԵՅՔՕՁ

ՄՇՈՒՇԸ ԿԸ ՊԱՏԷ ԾՈՎԸ

ԱՆԵՐԵՒՈՅԹ ԶԱՆԳԱԿԸ

ԱԶԱՏԱՐԱՐ ԳՕՏԻՆԵՐՈՒ ՎՐԱՅ ՅԱՐՁԱԿՈՒՄ

ԽՈՒՃԱՊ ԵՒ ՅՈՒՍԱԽԱՐՈՒԹԻՒՆ

Երկուշաբթի, արշալոյսը ծագելու մօտ էր
երբ Գուրպան Յուսէփ աչքերը բացաւ եւ յիշեց
առջի իրիկուն տուած ժամագրութիւնը, Պէյ-
քօզ երթալու համար ընկերներու հետ: Այդ
շաբթու քիչ մը տկար ըլլալուն, զղջաց իր տը-
ւած խոստումին համար: Եւ սակայն, խօսքը
յարգող մարդ, դժկամակութեամբ ելաւ ան-
կողնէն, հագուեցաւ, սուրճը խմեց, նախընթ-
րիքը ըրաւ և լոյս աչքով փողոց նետուե-
ցաւ:

Դեռ շատ կանուխ ըլլալուն, դժուարաւ
կառք մը կրցաւ գտնել զինքը կամուրջ տանող:
Կառապանին յանձնարարեց որ մտրակէ իր ձիե-
րը շողենաւին կարենալ հասնելու համար:

Որոշեալ ժամուն հասան կամուրջ: Հոն,
սրճարան մը հաւաքուած էին արդէն ժամադիր

բարեկամները: Գուրպան Յուսէփ ալ միացաւ անոնց:

Պէյքօղի շողենաւը քառորդ ժամէն պիտի մեկնէր նաւամատոյցէն: Իւրաքանչիւր ոք իր տոմսակը առաւ եւ շողենաւ մտան խմբովին:

Քառորդ ժամ վերջ, ճամբայ ելած էին նորէն դէպի Պէյքօղ: Թեթեւ մշուշ մը կար թէեւ ծովուն վրայ, բայց շողենաւին գնացքին արգելք ըլլալու շփ թանձր չէր, որով շողենաւը շարունակեց իր ճամբան մինչեւ Պէշիկթաշ: Երբ Պէշիկթաշի մօտեցան, մշուշը քիչ մը աւելի թանձրացաւ, բայց շողենաւը դարձեալ շարունակեց իր ճամբան մինչեւ: Այս անգամ Անատոլուի եզերքին պիտի մօտենար ան, եւ այդ կողմի նաւահագիստները հանգիպելով պիտի հասնէր Պէյքօղ:

Օրթագիւղի բացերէն դէպի Գանտիլլի ուղղուած պահուն, մշուշը այնքան թանձրացաւ որ, այլեւս կարելիութիւն չկար ճամբան շարունակելու, որով նաւապետը հրամայեց դանդաղեցնել գնացքը, արկածի մը տեղի չաւուր համար:

Գուրպան Յուսէփ եւ իր ընկերները շողենաւին թերասը ելած էին և հետաքրքրութեամբ չորս կողմերնին կը դիտէին, երբ յանկարծ զանգակի մը ձայնը սկսաւ լսուիլ հեռուէն: Այս կը նշանակէր թէ մօտերը նաւ մը կար որ կը յա-

ռաջանար, և առ ի զգուշութիւն զանգակ կը հնչեցնէր:

Ի լուր զանգակի կանչին, նաւապետը հրաման ըրաւ աւելի ևս զանգաղեցնել գնացքը, և ձայնին եկած հակառակ կողմը ուղղեց շողենաւին ցուռկը:

Եւ սակայն անտեսանելի նաւը հետզհետէ կը մօտենար շողենաւին ուղղութեամբ: Զանգակի ձայները շատ աւելի մօտեցած էին անոր, այնպէս որ նաւապետը խիստ մտահոգ, սկսաւ սուրբ անընդհատ, անտեսանելի նաւուն զգացնել տալու համար ուրիշ նաւու մը մօտաւորութիւնը և զայն զգուշացնելու համար պատահելիք հաւանական վտանգէ մը:

Այդ միջոցին Գուրպան Յուսէփ, օգտուելով իր ընրերներուն շփութենէն, անկիւն մը քաշուած էր եւ իր ակնարկը ուղղած հեռուն, մշուշին մէջ բան մը փնտոզիլ երեւոյթով:

Հակառակ շողենաւին սուրումներուն, մշուշին մէջէն եկող աննշմակելի նաւուն զանգակին ձայները այնքան մօտէն կը լսուէին սր, այլեւս վտանգէ խուսափիլը անկարելի կը թուէր:

Ծովուն վրայ ամէն զննութիւն օգուտ մը չունեցաւ, տեսնելու և զգուշանալու համար այդ հետզհետէ յառաջացող նաւուն բախումէն, որով նաւապետը հրամայեց ժողովուրդին զգոյշ գտնուիլ հաւանական վտանգի մը դէմ:

Աննկարագրելի էր շողենաւին մէջ տեղի

ունեցող իրարանցումը: Ամէն ոք խելակորոյս նաւուն մէջ վեր վար կը վազվզէին, աղատարար գօտի մը ձեռք ձգելու համար:

Շոգենաւին ազատարար նաւակները անմիջապէս ծով իջուցուեցան. որպէս զի կարելի ըլլար վտանգի պահուն, ճամբորդներէն գոնէ մաս մը անոնցմով փրկել:

Աներեւոյթ նաւը շատ աւելի մօտեցած, շարունակ կը հնչեցնէր զանգակը, իսկ Պէյքօզ գացող շոգենաւը անընդհատ կը սուլէր:

Եւ սակայն երեւակայուած բախումը կ'ուշանար դեռ:

Այդ խառնաշփոթութեանց մէջ, Գուրպան Յուսէփի ընկերներէն մին յիշեց թէ մէջտեղ չի կար ան: Իր ընկերներուն ուշադրութիւնը հրաւիրեց եւ ըսաւ անոնց թէ՛ չըլլայ որ այս խաղը Գուրպան Յուսէփի գործը ըլլայ:

Ամէնքը մէկ ուշաբերեցան եւ այդ բանը հաւանական նկատեցին, մանաւանդ որ հակառակ զանգակին ձայնին խիստ մօտէն լսուելուն ո եւ է շոգենաւ չէր երեւեր ծովուն վրայ:

Փնտռտուքի ելան և անկիւն մը գտան զայն կծկտած, ամէնուն ուշադրութենէն հեռու: Մօտեցան անոր:

Գուրպան Յուսէփ երբ իր բարեկամները տեսաւ ժպտեցաւ և ըսաւ թէ՛ իրենք ալ վախ զգացի՞ն այդ երեւակայական շոգենաւին մօտեւալուն վրայ:

Ամէնքը մէկ սկսան խնդալ և անոնցմէ մէկ քանին նաւապետին քով փութացին, իմաց տալու համար անոր եղելութիւնը, որպէս զի հանգարտի ան:

Չանգակի ձայնը արդէն դադրած էր և ժողովուրդը հանգարած:

Շոգենաւին մէջ բերնէ բերան սկսաւ տարածուիլ թէ այս զաւեշտին դերակատարն էր Գուրպան Յուսէփ անունով հայ որովայնախօս մը:

Շատեր արդէն լսած էին անոր համբաւը եւ սակայն գործնապէս ալ տեսած ըլլալով անոր որովայնախօսական կարողութիւնը, մեռցան իրենց զգացած վախն ու սարսափը, և փութացին շնորհաւորել զայն:

Նաւապետն ալ եկաւ Գուրպան Յուսէփի մօտ և իր հիացումը յայտնեց անոր, միեւնոյն ատեն իր խուցը հրաւիրելով զինքը և սուրճ ու սիկարէթ հրամցնելով:

Այս դէպքը այնքան հետաքրքրութիւն արթնցուցած էր ճամբորդներուն մէջ որ, անոնք շրջապատեցին հայ որովայնախօսը և թախանձագին խնդրեցին որ քանի մը փորձեր ևս կատարէ, երբ դեռ բաւական հեռու էին Պէյքօզի նաւամատոյցէն:

Գուրպան Յուսէփ տեղի տալով ժողովրդային այս թախանձանգին, զանգակի սարսափեցնող փորձէն ետք, քանի մը զուարճալի

խաղեր կատարեց և այսպէսով օձիքը ազատեց անոնց ձեռքէն: Մինչ շոգեհաւը Պէյքօղի նաւամատոյցը հասած էր արդէն:

Գուրպան Յուսէփ և իր բարեկամները ուղղուեցան գէպի Աբրահամ փաշայի բառքը: Հոն մինչեւ իրիկուն զուարճացան և վերջին շոգեհաւով դարձեալ կամուրջ վերադարձան: Գուրպան Յուսէփ բաժնուելով անոնցմէ, երկու հսգիի ընկերակցութեամբ ուղղուեցաւ Ղալաթիա, և հոն զբօսորան մը մտնելով քանի մը գաւաթ գարեջուր խմելէ ետք, առաջարկեց անոնց իշկէմպէճիի մը խանութ երթալ և մէյմէկ պնակ տաք ապուր խմել:

Անոնք սիրով ընդունեցին հայ որովայնախօսին առաջարկը և իրենց ճամբուն վրայ գլտնուող առաջին խանութը մտան:

Գուրպան Յուսէփ, իր ընկերներուն հետ, իշկէմպէճիին կաթսային առջեւ կեցած, խանութպանին յանձնարարեց իրենց համար երեք պնակ ապուր պատրաստել, որոնք իւղոտ ըլլային:

Այս ըսելով, հայ որովայնախօսը, կաթսային առջեւ կեցած, իր ընկերներուն հետ խօսակցութեան մը բռնուեցաւ, երբ նոյն միջոցին իշկէմպէճին իր ձեռքի երկաթէ կեռը կաթսային մէջ կը մխէր, իւղոտ կտոր մը հանելու համար:

Գուրպան Յուսէփ թէեւ մէկ կողմէ իր ըն-

կերներուն հետ կը խօսէր, միւս կողմէ սակայն աչքին ծայրովը, իշկէմպէճիին շարժուածները կը քննէր:

Այս վերջինը երբ կեռը գուրս քաշեց կաթսային մէջէն, ի՞նչ տեսնէ. մարդկային գլուխ մը անցած էր կեռին ծայրը:

Ի տես այս կարուած գլուխին, խեղճ մարդուն զգացած սարսափը չափ չունէր: Անմիջապէս, իր մօտ գտնուող յաճախորդներուն վրայ ակնարկ մը նետեց՝ հասկնալու համար թէ՞ անոնք արգեօք տեսած էին կաթսային մէջէն ելլող գլուխը:

Եւ երբ վստահ եղաւ թէ՞ ոչ ոք տեսած էր զայն, կաթսային խորը հրեց գլուխը և կեռով ուրիշ կտոր մը հանել շտապեց:

Այս անգամ ալ մարդկային սրունք մը անցած էր կեռին ծայրը: Խեղճ մարդուն գոյնը դեփ դեղին դարձաւ. երբ կեռին ծայրը նշմարեց սրունքը: Եւ սակայն պէտք չէր որ մարդ տեսնէր զայն. հետեւաբար երկաթեայ կեռովը կաթսային ջուրին մէջ մխրճեց սրունքը:

Կացութիւնը պէտք էր փրկել սակայն. երեք յաճախորդները կաթսային քով խօսակցութեան բռնուած, կ'սպասէին իրենց ապուրին պատրաստութեան:

Հետեւաբար, իշկէմպէճին, երրորդ անգամ ըլլալով, կեռը երկարեց կաթսային մէջ, ուրկէ գուրս ելաւ մարդու կարուած թեւ մը:

Գուրպան Յուսէփ իր ակնարկը գաղտագողի սեւեռած էր իշկէմպէճիին վրայ, որուն ձեռքերը սկսած էին գողգղալ:

Ալ դիմանալու կարողութիւն չէր ֆնացած անոր վրայ: Մէկ կողմ նետեց ձեռքի երկաթէ կեռը և ոստիկանատուն վազեց, եղելութիւնը իմացնելու համար ոստիկանութեան:

Ի լուր այս զարհուրելի դէպքին, ոստիկան մը փութաց իշկէմպէճիին խանութը, տեղւոյն վրայ քննութիւն կատարելու և երեւան հանելու համար այդ զազրելի ոճիրին հեղինակները:

Ոստիկանը, իշկէմպէճիին ընկերակցութեամբ, երբ ներս մտաւ խանութէն, առաջին դէմը ելլալն էր Գուրպան Յուսէփ, որ բողոքեց ոստիկանին, ըսելով թէ՛ խանութպանը ժամէ մը ի վեր զիրենք հոն սպասցուցած էր և յանձնարարութիւննին չէր կատարած:

Այս ըսելէ վերջ, հայ որովայնախօսը, իր ընկերներուն հետ միասին, իբր թէ խանութէն դուրս ելլելով մեկնելու ձեռք մը ըրաւ:

Ոստիկանը սակայն կեցուց զանոնց, ըսելով թէ՛ խանութին մէջ ոճիր մը գործուած էր և մինչեւ որ ոճրագործը երեւան չեկէր, անկարելի էր մեկնելը:

Գուրպան Յուսէփ բողոքեց այդ ամբաստանութեան դէմ և բացատրութիւն պահանջեց ոստիկանէն թէ՛ ի՞նչ տեսակ ոճիրի մը մասնակից

կը նկատէր զիրենք, երբ իրենք այդ տեսակ բանէ մը տեղութիւն չունէին:

Նոյն պահուն, Գուրպան Յուսէփի երկու ընկերները, սարսափահար, իրարու երես կը նայէին, և չէին կրնար ուէ մեկնութիւն տալ իրենց շուրջ անցած դարձածներուն:

Ոստիկանը խօսքը Գուրպան Յուսէփի ուղղելով.

— Այս խանութին մէջ ոճիր մը գործուած է այսօր, ըսաւ. մարդ մը սպաննուած է: Մարդասպանները ոճիրը գործելէ յետոյ, զիսկը կտոր կտոր ըրած և այս կաթսային մէջ նետած են: Խանութին տէրը ոստիկանութեան իմաց տուած ըլլալով դէպքը, եկած էմ քննութեամբ երեւան հանելու համար ոճիրին հեղինակները և զանոնք ձերբակալելով ոստիկանատու առաջնորդելու:

— Կրնայ ոճիր մը գործուած ըլլալ հոս, սակայն այդ ոճիրին իբրև մեղսակից, ի՞նչ ապացուցներու վրայ յենլով կը ձերբակալէք մեզ, պատասխանեց Գուրպան Յուսէփ ոստիկանին:

— Սա ապացուցներով որ, ձեր գալէն առաջ իշկէմպէճիին՝ խանութին մէջ գտնուող ուրիշ յաճախորդներու ապուր պատրաստած ատեն կաթսային մէջ այդպիսի բանի մը չէ հանդիպած, և ձեր խանութ մտնելէն վերջն է որ՝ սպաննուած և կտոր կտոր եղած մարդու մը անդամները տեսնուած են կաթսային մէջ:

— Ուրեմն, կը խնդրենք որ, նախ և ա-

ուջ դուք, անձամբ մեր ներկայութեան, քրն-
նէք կաթսային մէջ զտնուած զոհին անդամնե-
րը, և ձեր համոզումը դոյացնելէ վերջ միայն,
իբրեւ մեղսակից մեզ ձերբակալէք, յարեց
Գուրգան Յուսէփ:

— Անշուշտ այդպէս պիտի ըլլայ, ըսաւ ոս-
տիկանը:

Եւ խանութին տիրոջը դառնալով, որ սար-
սափահար կեցած էր ոստիկանին ետեւը, ըսաւ
որ իր կեռովը հանէ մարդկային անդամները
կաթսային մէջէն:

Խնդճ մարդը դողդղալով մօտեցաւ կաթ-
սային և կեռը մէջը խոթելով կտոր մը վեր ա-
ռաւ, և սակայն անիկա ոչխարի աղիքի կտոր
մըն էր: Խանութպանը կեռը կրկին անգամ եր-
կարեց և այս անգամ դարձեալ աղիքի կտոր մը
դուրս եկաւ կաթսայէն:

Գուրգան Յուսէփ սկսաւ խնդալ և հարցը-
նել թէ ո՞ր են սպաննուած մարդու մը երե-
ւակայական անդամները:

Իշկէմպէճին ինքն ալ զարհուրած և ապ-
եղած էր այս դէպքին առջեւ:

Կաթսային մէջ քիչ առաջ տեսնուած մարդ-
կային անդամները անհետացած էին այս ան-
գամ: Ի՞նչ մեկնութիւն կարելի էր տալ ասոր:

Ոստիկանը, որ ուշիմ մարդ մըն էր, կուս-
հեց թէ զաւեշտ մը կար այս գործին մէջ: Ուս-
տի հայ ուղվայնախօսին անունն ու մականունը

հարցուց: Եւ երբ իմացաւ թէ Գուրգան Յու-
սէփ էր անունը, հասկցաւ թէ որո՞ւ հետ էր
իշկէմպէճին գործը:

Այն ատեն ոստիկանն ալ խնդաց:

Գուրգան Յուսէփի կատարած որովայնա-
խօսական և ալլ յաջողութիւնները ամէնուն ծա-
նօթ էր, ուստի խանութին տիրոջ ըսաւ թէ
վախնալիք բան մը չկար և պէտք էր լաւ վե-
րաբերում ունենար այս թանկագին յաճախորդ-
ներուն հանդէպ:

Ու բազմիցս ներողութիւն խնդրելով հայ
որովայնախօսէն, ոստիկանը մեկնեցաւ իր պաշ-
տօնատեղին, և դէպքն ալ ամէն կողմ տարած-
ուեցաւ ընդհուպ:

Ժամանակը բաւական ուշ ըլլալուն, Գուր-
գան Յուսէփ բաժնուեցաւ իր բարեկամներէն և
ուղղակի մեկնեցաւ տուն ուր հանգուտացաւ
մինչեւ յաջորդէ կէս օր:



ԽՐԻՄԵԱՆ, ԱՐՐԱՀԱՄ ՓԱՅԱ ԵՒ ԳՈՒՐՊԱՆ ՅՈՒՍԷՓ

Ա.Լ.ԵՄՏԱՂԻԻ ԶՈՒՍՐՃԱԼԻ ԶԲՈՍԱՊՅՈՅՏԸ

Ինչպէս գիտենք, Գուրպան Յուսէփ ուէ արհեստով կամ գործով չէր պարապեր, ու միմիայն որովայնախօսական փորձերու շնորհիւ էր որ կը ճարէր իր ապրուստը, և երբեմն այնքան առատաձեռնօրէն կը վարձատրուէր որ, ամիս մը կամ երկուք պէտքը չէր զգար իր փորձերը ի գործ գնելու, մինչեւ որ շահած գրամներէն սանդիմ մը չմնար քովը:

Ծերունի մայրը գիտնալով իր զաւակին խիստ շուսլ ըլլալը, ամէն գիշեր, օգտուելով անոր անոյշ բնաւորութենէն, գրգռանքները կը խուզարկէր և շահած գրամներուն կարեւոր մէկ առնելով կը պահէր, խորհելով իր զաւակին ապագան:

Եւ այսպէս, շարունակելով խուզարկութիւնները, եկաւ օր մը որ, մայրը, կ'որիկ գուժար մը հաւաքեց և Պէշիկթաշի մէջ տուն մը առնելով նուիրեց իր զաւակին:

* * *

Յունիսի գեղեցիկ առաւօտ մըն էր. ժամը 10 կը հնչէր և Գուրպան Յուսէփ դեռ կը քնանար, Պէշիկթաշի Հայոց Թաղի իր տան վերնաշարկի ննջասենեակին մէջ, երբ ձայն մը զինքը արթնցուց, խանգարելով անոր անուշ երազները:

Իր ձերունի մօրը մեղմ ձայնն էր այդ, որ կ'ըսէր.

— Տղա՛ս, ցորեկ եղաւ, ել որ ճաշես, սեղանը պատրաստան եմ և քեզի կ'սպասեմ որ ես ալ նախաճաշեմ:

Գուրպան Յուսէփ, որ շատ կը սիրէր ու միանգամայն կը յարգէր իր մայրը, երբ իմացաւ թէ ան չէր նախաճաշած դեռ ու իրեն կը սպասէր, անմիջապէս ցատկեց անկողնէն ու լուացուելով նստաւ սեղան:

Մայր ու զաւակ հագիւ թէ մէկ երկու պատառ բան դրած էին բերանին, երբ յանկարծ տան դրան զանգակը ուժգին կերպով քանի մը անգամ շարունակաբար զարնուեցաւ:

Գուրպան Յուսէփ ձգելով ձեռքէն պատառաքաղը, իսկոյն ցատկեց տեղէն և արագ քայլերով իջնելով սանդուխներէն, բացաւ դուռը:

— Ներեցէք որ ձեզ անհանդիստ ըրի, կ'երեւի թէ կը ճաշէիք, ըսաւ անծանօթը խնդալով, տեսնելով որ Գուրպան Յուսէփի վկայէն

կրծկալ մը կախուած էր և որ աճապարանքով մոռցած էր հանել, ու ահռաներուն տակ մնացած հացի պատառ մը կը ծամէր:

— Քա՛ւ լիցի, ըսելով Գուրպան Յուսէփ անծանօթը հրամցուց զբան քովի հիւրասրահը, և հարցուց թէ կրնա՞յ համարձակիլ հարցնելու թէ ո՞վ էր և ի՞նչ կը փափաքէր:

Անծանօթը որ մաքուր չազուած, թուխ դէմքով, կարճահասակ ու գէր անձ մըն էր, ըսաւ թէ ինք, Պէյքօղէն կուզայ, Աբրահամ փաշայի ազարակապանն է, և ըսելիքներ ունի իրեն, միեւնոյն ատեն խնդրեց Գուրպան Յուսէփէ որ ճաշը շարունակէ, քանի որ ինք զեռբաւական միջոց ունէր սպասելու:

Հայ որովայնախօսը ներողութիւն խնդրելով այցելուէն վեր ելաւ կիսատ թողած նախաճաշը շարունակելու համար:

Եւ երբ փորը լաւ մը կշտացուց ու սուրճն ալ խմեց, իր արգուզարդը տալով եկաւ հիւրին քով ու շտաւ.

— Է՛. ըսէ տեսնենք, ի՞նչ կ'ուզէ ինչ տէրք, որ առաւօտուն կանուխ քեզի մինչեւ հոս ղրկելու յողնութիւնը պատճառեր է, կ'երեւի թէ շատ կարեւոր գործի մը համար է:

Նոյն միջոցին Գուրպան Յուսէփի մայրը այցելուին կը հրամցնէր եփած սուրճը, որ շընորհակալութիւն յայտնեց և ըսաւ.

— Այո՛, կ'երեւի թէ կարեւոր գործի մը

համար ըլլալու է, քանի որ Խրիմեան հայրիկ երէկ զիշեր մեր տունն էր և այս առաւօտ կանուխ պիտի մեկնէր Գուրպարուի Մայր եկեղեցին պատարագելու համար, սակայն տիրոջս ըստիպումներուն վրայ չի մեկնեցաւ ու այսօր ալ մեզի հիւր պիտի մնայ: Կարճեմ թէ Սրբազանը և անեցիները Ալէմտաղի պտոյտ մը պիտի ընեն և այդ առթիւ արդէն ամէն պատրաստութիւն զիշերուընէ իսկ լրացած է:

Գուրպան Յուսէփ անմիջապէս հասկցաւ թէ Աբրահամ փաշա կ'ուզէր զինքը մասնակից ընել զբօսապտոյտին, զուարճացնելու համար Խրիմեանն ու անոր ընկերացող հիւրերը:

Եւ ինչո՞ւ չէ, քանի որ ինք վերջին ծայր կը սիրէր իր Հայրիկը, Խրիմեանը: Եւ իսկոյն ցատկելով տեղէն, ըսաւ չիւրին որ անմիջապէս պատրաստ է մեկնելու, քանի որ ատենն ալ ուշ է:

Ու երկուքը միասին ուղղուեցան Պէշիկ-Թաշի նաւամատոյցը՝ կամուրջէն եկող շողենաւով Պէյքօղ մեկնելու համար:

Մինչ այս, Պէյքօղ, Աբրահամ փաշայի քէօշկին մէջ ամէն բան իր կարգին, կ'սպասէին Գուրպան Յուսէփի գալուն, որպէս զի մեկնին Ալէմտաղի:

Խրիմեան, շաքաթ օր այցելած էր Պէյքօղի եկեղեցին, ուր նորոգութիւններ կ'ըլլային, եւ այդ պատճառաւ Թաղական Խորհուրդի անդամ-

ներուն միջև պղտիկ անհամաձայնութիւն մը
ու վէճ մը ծագած ըլլալով, ուզած իր միջա-
մտութեամբ հարթել անհամաձայնութիւնը ու
բառնալ վէճը:

Եւ իրաւ ալ Խրիմեանի միջամտութեամբ
երկու հակառակորդ կողմերը հաշտուած էին:
Պատրիարքը այցելած էր նաև ազգային վար-
ժարանը, ուրկէ վերագարծին հանդիպած էր Աբ-
րահամ փաշայի ամառանոց վիլլան, և փաշային
ստիպումներուն վրայ գիշերած էր հոն:

Փաշան այնպէս փոփաքած էր որ ցերեկ-
ուան ճաշէն վերջ անմիջապէս մեկնէին Ալէմ-
տաղի, ուր պիտի գիշերէին իր անձնական
քէօշկը:

Օրը կիրակի ըլլալով, Խրիմեան Պատրիարք
և փաշան ներկայ եղան Պէյքօզի եկեղեցիին
կիսակնօրեայ արարողութեանց՝ որ խիստ փայ-
լուն ու շքեղ կերպով տեղի ունեցաւ գիւղին
դպրաց դահուն կողմէ:

Եկեղեցական արարողութեանց աւարտու-
մէն ետք, Խրիմեան և Աբրահամ փաշա երկծի
շքեղ կառքով մը վերագարծան վիլլա, ուր ցե-
րեկուան ճաշը ընելով, Պատրիարքին փախաքին
վրայ պտոյտ մը ըրին Աբրահամ փաշայի Պէյքօ-
զի բարքին մէջ, ու երբ աւագանի մը քով նըս-
տած կը կատակէին: ու կը հիանային բնութեան
ստեղծագործութիւններուն ու հրաշայիքներուն
վրայ, սպասաւոր մը եկաւ եւ ծանօցց փաշային

թէ ազարակապանը վերագարծած է:

Փաշան, որուն կ'ընկերակցէին իր տիկինն-
ու դուստրը, առանձին թողլով Խրիմեանի հետ,
ներողութիոն խնդրեց վայրկեան մը բացակայե-
լու համար:

Ու արագ քայլերով եկաւ Գուրպան Յու-
սէփի մօտ որ կ'սպասէր վիլլային հիւրասրահը և
բազմած էր թիկնաթռուի մը մէջ:

Անմիջապէս որ Աբրահամ փաշա ներս մը-
տաւ հիւրասրահէն, Գուրպան Յուսէփ ճանչցաւ
զայն, զգաց թէ կը գտնուէր այն մեծ Հայուն
դնմ, որուն վրայ շատ կը խօսէին և կ'ըսէին
թէ Սուլթան Աղիզի սիրելին ու մտերիմն էր
միանգամայն:

Հայ որովայնախօսը իսկոյն ոտքի ելլելով
ու յարգանքով բարեւելով զայն ըսաւ թէ
պատրաստ էր Նորին Վսեմութեան տրամադրու-
թեան տակ դնելու ինքզինքը:

Փաշան, որ խիստ զուարթ բնաւորութեան
տէր անձ մըն էր և միեւնոյն ատեն չափէ ա-
ւելի կատակասէր, ըսաւ Գուրպան Յուսէփի թէ
նոյնինքն Սուլթանէն իսացած ըլլալով իր զոր-
ծած որովայնախօսական հրաշքները, փափաքած
էր որ ինքն ալ ականատես ըլլայ անոնց, ու այդ
պատճառաւ էր որ զինքը անհանգիստ ըրած էր
մինչև և Պէյքօզ հրաւիրելով:

Ու այսպէս մտերմական խօսակցութիւննե-
րէ վերջ, անմիջապէս պատրաստուեցաւ ծրա-

գերը Ալէմտաղիի զբօսապտոյտի ընթացքին տեղի ունենալիք փորձերուն, որոնց, և ոչ մէկը տեղեակ պիտի ըլլար բացի իրենցմէ, այսինքն փաշայէն և Գուրպան Յուսէփէն:

Ուստի որոշեցին իսկոյն ճամբայ ելլել զէպի Ալէմտաղի:


Ժամը ճիշդ 2ը կը զարնէր երբ երկու կառքեր ճամբայ կ'ելլէին Պէյքօզէն զէպի Ալէմտաղի: Առաջին կառքին մէջ կը գտնուէին Խրիմեան Պատրիարք և Աբրահամ փաշա իր ընտանեօք, իսկ երկրորդ կառքին մէջ կային Գուրպան Յուսէփ, ագարակապանը և երկու ծառաներ:

Երկու կառքերուն ալ լծուած էին խիոտ առօյգ և հուժկու արաբական զօյգ ձիեր, որոնք Աբրահամ փաշա բերել տուած էր ուղղակի Արաբիայէն:

Երկու կառքերն ալ սկսան սրարշաւ ընթանալ, միշտ զիրար հետապնդելով անցան մեծ պողոտայէն: Ճամբորդներ՝ որոնք հայ ըլլալ կը թուէին, կառքերու անցքին պահուն կը կենային ի յարգանս Խրիմեանի և կը բարեւէին իրենց Հայրիկ:

Խրիմեան, միշտ կը խօսէր օրուան ազգային հարցերու շուրջ: Իսկ երկրորդ կառքին մէջ Գուրպան Յուսէփ կը կատակէր ագարակապանին և երկու ծառաներուն հետ, խնդացնելով զանոնք:

Ժամը ճիշդ չորսուկէսն էր երբ կառքերը հասան Չամլըճա, ուր ձիերուն կեր և ջուր տրուելու համար քառորդ ժամու չափ զադարի մը պէտքը զգացուցին կառապանները:



ՇՈԳԵՎԱՌՔԻ ԵՒ ՇՈԳԵՆԱԿԻ ՅԱԶՈՐԴԱԿԱՆ ՍՈՒԼՈՒՄՆԵՐ ՇՈՒԱՐՈՒՄԻ ԿՐ ՄԱՏՆԵՆ ՃԱՄԲՈՐԴՆԵՐԸ

Երբ ձիերը իրենց ծարաւը յագեցուցին, կառաւանը ճամբայ ելաւ ուղղակի Ալէմտաղի ուր պիտի հասնէին երեք ժամուայ անընդհատ ճամբորդութենէ մը յետոյ:

Կառքերուն վրայ թէեւ խոշոր արեւարգելներ շինուած էին, սակայն արեւու կիզիչ ճառագայթները քիչ մը կը նեղէին ճամբորդները, սակայն բարեբախտաբար հովը այնքան սաստկօրէն կը փչէր որ զգալի չէր ընդ տար տաքութիւնը:

Կէս ժամ այսպէս ընթանալէ յետոյ, ի մեծ զարմացում ճամբորդներուն քիչ մը հեռուէն

լսուեցաւ շոգեկառքի զօրաւոր սուլիչի ձայն մը եւ անիւններու թաւալման ձայները ու վայրաշարժի Ֆշֆշուքը:

Ճամբորդները ու կառապանները շուարած չբոս կողմերնին սկսան նայիլ թէ արդեօք շոգեկառքի զի՞ծ մը շինուած էր, ու կառախո՞ւմբ մը կ'անցնէր իրենց քովէն, սակայն ո՛չ այն կար եւ ո՛չ միւսը, բացարձակ կերպով ամայութիւն կը տիրէր իրենց չորս դին:

Աբրահամ փաշա որ տեղեակ էր անցուգարձին եւ գիտէր թէ Գուրպան Յուսէփի մէկ խաղն է, հրամայեց կառապաններուն որպէս զի կենան եւ չըլլայ թէ վտանգ մը պատահի այդքան արագ ընթանալնուն պատճառաւ:

Շոգեկառքի սուլիչին, վայրաշարժի Ֆըշֆըշուքին, ինչպէս նաեւ վակօններու իրարու բաղխելու ձայները հետզհետէ աւելնալուն՝ կառապանները բոլորովին շուարեցան, որովհետեւ անոնք լաւ գիտէին թէ այդ կողմերը, եւ նոյնիսկ իրենց գտնուած տեղէն ժամ մը հեռու իսկ կառախումբ եւայլն գոյութիւն չունէր, սակայն պէտք էր որ կենային; որովհետեւ հրամանը բարձրէն կուգար:

Խրիմեան եւ Աբրահամ փաշայի Տիկինը զարմացած կը հարցնէին իրարու թէ միթէ երա՞զ կը տեսնէին, արդեօք կառապանները սըլսալ ճամբու հեռեւելով եկած էին երկաթուղագծի՞ն մօտ: Եւ սակայն փոքրիկ քննութեան մը

հետեւանքով սա եզրակացութեան յանդեցան թէ իրենց զացած ճամբան միակ զիծն էր որ նիրենք կ'առաջնորդէր Ալէմտաղի, այդ կողմէն ուրիշ ճամբայ չկար:

Երեք ճամբորդները այսպէս շուարած կը խորհրդակցէին, յանկարծ դադրեցաւ սուլիչի եւնի ձայները, եւ այս անգամ յաջորդաբար իրարու ետեւէ լսուեցան շոգեկառքին խաղուցիչ սուսուսներ, սարսափած ճամբորդներուն այն պատրանքը տալով թէ կարծես ծովու վըրայ ըլլային:

Կառապանները, որոնք այս անգամ այլեւս բոլորովին սարսափած էին, ձգելով երասանակները կառքերէն վար իջան ու եկան Աբրահամ փաշայի մօտ որ չէր կրնար իր խնդուքը զսպել: Իսկ Տիկին Աբրահամ փաշա, որ թէեւ սրտոտ կին մըն էր, յուզուած կ'երեւէր եւ չէր կրնար մեկնութիւն մը տալ այդ կատակերգութեան, մօտենալով իր ամուսնոյն ըսաւ թէ պէտք էին շուտով մեկիլ այդ տեղէն, որովհետեւ իրեն այնպէս կը թուէր թէ հոն սատանաներու թագըստոց մը գոյութիւն ունէր եւ խաղի ելած էին իրենց հետ:

Այս բացատրութեան վրայ Խրիմեան քահ քահ մը արձակելով ըսաւ թէ իրաւունք չունէր Տիկինը, եւ պէտք էին անմիջապէս մեկնիլ այդ վայրէն:

Նոյն պահուն Գուրպան Յուսէփ միջամտե-

լով աւելցուց թէ ինք մէկ քանի անգամ ընկեր-
ներով անցած էր այդ վայրէն ու այսպէս տարօ-
րինակ ձայներ լսած էին հոն, և սակայն իրենք
երեք անգամ խաչակնքելով կրցած էին պրծիլ
սատանաներէն:

Հազիւ թէ Գուրպան Յուսէփ այս նախա-
գասուածութիւնը արտասանած էր, Տիկին Աբրահամ
փաշա երեք անգամ խաչակնքեց որուն իբր հե-
տեւանք ձայները անմիջապէս դադրեցան եւ
կատարեալ հանգարտութիւն տիրեց:

Գուրպան Յուսէփի որովայնը դադրած էր
գործելէ, ան կը ժպտէր, իսկ փաշային վրայ
կարողութիւն չէր մնացած, և շունչը բռնուե-
աստիճան կը խնդար:

Ամէն ոք տեղաւորուած ըլլալով իրենց տե-
ղերը, կառքերը ճամբայ ելան: Սարսափահար
կառապանները մտրակի սոսկալի հարուածներ
կուտային ձիերուն որոնք քիչ կը մնար որ
խրտչէին, և նոյն իսկ վտանգ պատահէր, սա-
կայն փաշային խիստ մէկ ազդարարութիւնը
զանոնք ուշքի բերաւ:

Խեղճ կառապանները կ'ուզէին որ վայր-
կեան մը առաջ հեռանային այդ անիծեալ վայ-
րէն որ զիրենք այդքան սարսափեցուցած էր,
իսկ նոյն միջոցին ծառաներուն լեզուն բռնուած
էր և մինչև որ կատարելապէս համոզում չգո-
յացուցին թէ վտանգը հեռացած էր, չկրցին
բառ մը արտասանել:

Ժամ մը վերջ այլեւս ամէն բան մոռցուած
էր և երկու կառքերը կանոնաւորաբար կը շա-
րունակէին իրենց գնացքը: Գուրպան Յուսէփ
միշտ կը կատակէր փաշային ագարակապանին
ու ծառաներուն հետ:

Փաշան կը խօսէր Խրիմեանի հետ, բացատ-
րելով անոր Ալէմտաղի բնական գեղեցկութիւն-
ները. կ'ըսէր Սրբազանին թէ ի՞նչ լաւ կ'ըլլար
եթէ այդ ջուրը ուէ միջոցով Պոլիս իջուցուէր,
ձրիօրէն ժողովուրդին տրամադրուելու համար:
Եւ այսպէս, ասկէ անկէ խօսակցութիւններ մէջ
բերելով, կ'սպաննէին իրենց ձանձրոյթի ժա-
մերը:

Խրիմեան հայրիկ վանական առածներ կը
պատմէր և կ'զբաղեցնէր ու կը խնդացնէր զա-
նոնք: Կը պատմէր Այգեստանի մէջ մէջ իր ան-
ցուցած փառաւոր կեանքը, կը բացատրէր անոր
առաւելութիւնները և կ'ըսէր թէ իրեն համար
աշխարհի վրայ չկար Այգեստանէն աւելի հրա-
շալի վայր մը ուր ինք կարենար հաճոյալի պա-
հեր անցնել:

Մինչ այս, ձիերը սրարշաւ կ'ընթանային ու
հետզհետէ կը մօտենային Ալէմտաղի. այդ ա-
ռոյդ կենդանիները յոգնութեան նշան ցոյց չէին
տար բնաւ և կը սուրային միօրինակ թափով,
առանց խարազանի միջնորդութեան:

Ժամը ճիշդ վեցն էր, երբ Գուրպան Յուսէփ
ձայնեց թէ մօտեցած էին և մէկուկէս ժամուան

ճամբայ մը ունէին կտրելիք: Արեւը քիչ մը ևս պիտի նեղէր զիրենք, սակայն ան հետզհետէ կորսնցուցած էր իր զօրութիւնը: Հովը դազրած էր և երեկոյեան մեղմ զեփիւռ մը սկսած էր փչել: Դաշտային վայրի ծաղիկներու զօրաւոր ու կենսատու հոտը կը գրգռէր ճամբորդներու քիմքը և անոնք լայն շունչ մը կ'առնէին, խորհելով թէ քիչ վերջ Ալէմտաղի անուշ ու վճիտ ջուրը և մեծով պիտի մոռնային ճամբու ընթացքին իրենց կրած յոգնութիւնը: Յիրաւի պահ մը Խրամեան պապակ կ'զգար, և սակայն չէր ուզած իր ծարաւը յազեցնել, սպասելով որ ջուրը ուղղակի իր ակէն խմէ:

Գուրպան Յուսէփ կանուխ ճաշած ըլլալով, սոսկալի կերպով անօթեցած էր և սակայն բնաւ յայտնի չէր ընել. երբեմն երբեմն աղիքի գալարումներու ձայներ կը լսուէին իր մէջ: Բարեբախտաբար շատ ճամբայ չունէին և կէս ժամ ետք գոհացում պիտի ապրէին քիչերու բողոքի ձայներուն:

Նոյն միջոցին հեռուէն երեւցան Ալէմտաղի անտառին բարձրաբերձ ծառերը, ի մեծ ուրախութիւն զբօսաշրջիկներուն:

Ձիերը բաւական յոգնած ըլլալով, կառապանները գնացքը դանդաղեցուցին. խեղճ կենդանիները՝ հրաբուխ ժայթքող լավայի պէս, ձերմակ փրփուրներ կ'արձակէին իրենց բերնէն:

Անոնք այլեւս այնքան մօտեցած էին անտա-

ռին որ Խրիմեան փափաք յայտնեց իջնել կառքերէն և այդ պզտիկ միջոցը հետիոտն քալել, որովհետեւ արեւը մարը մօտած ըլլալով, այդ կարճ ճամբորդութիւնը խիստ հաճոյալի պիտի ըլլար. Խրիմեանի փափաքը խկոյն գործադրուեցաւ: Կառքերը կեցան և ամէնքն ալ վար իջնելով սկսան քալել:

Գուրպան Յուսէփի կառքին մէջ կը գըտնուէր միմիայն ազարակապանը: Այս վերջինը, չիջաւ կառքէն և մօտակայ սրճարան մը առաջնորդել տուաւ զայն, հարկ եղած պատրաստութիւնները տեսնելու համար, որպէսզի հիւրերուն նախ քան Աբրահամ փաշայի քէօշկը հասնիլը, քիչ մը հանգչէին հոն, ինչու որ անոնք կառքի ցոցումներէն ու սատանաներու խաղերէն բաւական նեղուած էին:

Երբ հիւրերը անտառ մտան, գացին ուղղակի Թաշտէլէնի ջուրին ակը և Խրիմեան ու Տիկին Աբրահամ փաշա, որ խիստ ծարաւի էին, յազեցուցին իրենց պապակը, խմելով Թաշտէլէնի պաղ ու վճիտ ջուրէն:

Ազարակապանն ու սրճարարը զիմաւորելով հիւրերը, առաջնորդեցին զանոնք իրենց յատկացուած մասնաւոր վայրը, ուր գետինը փրուուած էին երկու խոշոր փսիաթներ և հանգստաւէտ օթոցներ:

Խրիմեան շատ կ'ախորժէր դաշտային գուարճութիւններէ և կ'ըսէր թէ ինք վան գտնուած

միջոցին, ամէն իրիկուն, Այգեստանի մեծ ծառին տակ, այսպէս, փսիաթի ու օթոցի վրայ գիշերային ընթրիքը կ'ընէր:

Անհրաժեշտ սպասարկութիւնները հիւրերը սկսան շամբանիայի գաւաթները պարպել, զորս իրենց հետ բերած էին Պէյքօզէն:

Աբրահամ փաշա իր գաւաթը խրիմեան հայրիկի կենացը պարպելով ըսաւ թէ՛ մօտ ատենէն խրիմեան հայրիկը կաթողիկոսական աթոռին վրայ տեսնելու մաղթանքը ըրաւ:

խրիմեան հայրիկ շնորհակալութիւն յայտնեց և օրհնեց Աբրահամ փաշան ու իր ընտանիքը:

Գուրպան Յուսէփ, որ սոսկալի կերպով աւնօթեցած էր և աչքին ոչինչ կ'երեւէր նոյն վայրկեանին իր աչքին, անընդհատ վառեակի կտորներ կը նետէր բերանը, որոնք հետզհետէ կը բերուէին ծառաներուն կողմէ:

Գուրպան Յուսէփ, որ ականջ իսկ չէր կախեր պարպուած գաւաթներուն ու խօսուած բաժակաճառերուն, լաւ մը կշտանալէ յետոյ ոտքի ելաւ և կերածը մարսելու համար երկու գաւաթ ջուր խմեց և ուզեց պզտիկ պտոյտ մը կատարել:

Դէպի աջ քիչ մը յառաջանալով, նշմարեց ձեր կին մը որ ձեռքը կուժ մը բռնած դէպի աղբիւրը կուգար. կնոջ զիմագիծէն այնպէս կ'երե-

ւէր թէ հայ էր, ուստի Գուրպան Յուսէփ ըսաւ անոր:

— Մայրի՛կ, ո՞ւր կ'երթաս այգպէս, աղբիւրը ետիդ մնաց, սխալ ճամբայ կ'երթաս:

Իրաւամբ ալ աղբիւրին ջուրի ձայնը կնոջ ետեւի կողմէն կուգար: Ծերունի կինը, շնորհակալ ըլլալով Գուրպան Յուսէփի, ըսաւ թէ տարիքը առած ըլլալուն համար ցնդեր էր և ականջները լաւ չի լսելուն համար էր որ այգպէս սխալ ուղղութեամբ կ'երթար, ու բաղմիցս շնորհակալութիւն յայտնելով, ետ դարձաւ որպէսզի իր կուժը լեցնէ:

Կինը քանի ետ կ'երթար, ջուրին վազելու ձայնը այնքան կը մօտենար իրեն, և սակայն աղբիւրը չէր երեւէր, այսպէս կինը միշտ ետ կ'երթար և իրեն այնպէս կուգար թէ եթէ երկու քայլ ևս առնէր, աղբիւրին առջիւ պիտի գտնէր ինքզինքը, այնքան յտակ ու որոշ կուգար ջուրին ձայնը որ հետզհետէ կը բարձրանար:

Չի մոռնանք ըսելու որ Գուրպան Յուսէփ ալ կը հետեւէր անոր, իր կերածը մարսելու համար:

Կինը որ այլեւս քալելէ յոգնած էր, պահ մը կեցաւ ու իրեն հետեւող մարդուն գառնալով ըսաւ:

— Տղա՛ս, այս ի՞նչ հրաշք է, ջուրին ձայնը կայ ինքը չկայ. շիտակը ես յոգնեցայ, ալ չպի-

տի կրնամ առաջ երթալ. ինչ ընեմ, երիտա-
սարգ չեմ. երիտասարգութեանս Գուժաբուէն
մինչեւ Ղալաթիա, Ամենափրկիչ եկեղեցին քա-
լելով կ'երթայի կուգայի. ա՛խ, երանի՛ այն օ-
րերուն, հիմա քիչ մը տեղ իսկ չեմ կրնար
քալել:

Գուշպան Յուսէփ խորհելով թէ այս ան-
գամ իր որովայնախօսական փորձով անքաւելի
մեղք մը գործած կ'ըլլար աւելի յոգնեցնելով
խեղճ ծերունին, անոր ձեռքէն առաւ կուժը և
վերադառնալով աղբիւր, ուրկէ բաւական հե-
ռացած էին, լեցուց զայն ու բերաւ յանձնեց
կնոջ, որ հազարումէկ շնորհակալութիւն յայա-
նելով Գուշպան Յուսէփի, օրհնեց զայն մա-
տուցած ծառայութեանը համար:

Գուշպան Յուսէփ վերադարձաւ իր խում-
բին մօտ: Անոնք իրենց ճաշը աւարտելէ ու
բաւական յոգնութիւն առնելէ վերջ, մեկնումի
պատրաստութիւն կը տեսնէին դէպի Էրմէնի
քէօյ: Այս գիւղը կէս ժամուան հեռաւորութիւն
ունէր Թաշտէլէն:

Էրմէնի քէօյ քանի մը հարիւր տուննոց
գիւղ մըն էր, որուն բնակչութեան գրէթէ մե-
ծագոյն մասը հայ էր:

Կուրը անմիջապէս գիւղին մէջ տարածուաջ
էր թէ՛ Խրիմեան հայրիկ և Աբրահամ փաշա իր
կնոջ հետ հոն կուգային: Ամէն ոք ուրախու-
թեան մէջ էր և գիւղէն դէպի Թաշտէլէն ճամ-

բայ ելած էին զիմաւորելու համար իրենց սի-
րելի Հայրիկը և անոր ընկերացող հիւրերը:

Մինչ այս կառաղանները պատրաստեցին
կառքերը որպէս զի մեկնին, Խրիմեան Ս. ըսաւ
թէ շատ կ'ախորժէր այդ ճամբան հետիտն եր-
թալէ, սակայն Աբրահամ փաշա առարկեց թէ
ատենը ուշ էր և արդէն իսկ մութը կոխել սկը-
սած էր, որով յարմար դատուեցաւ կառքով
երթալ Էրմէնի քէօյ:

Ձիերը, որ կատարելապէս կազդուրուած
էին ժամուան մը դադարէն, ճամբայ ելան դէ-
պի հոն ուր պիտի իջեւանէին ու գիշերէին Աբ-
րահամ փաշա եւ իր հիւրերը: Երկնային մեծ
կանթեղը որ հետզհետէ կը բարձրանար դէպի
եթերը կը լուսաւորէր անտառը, և կառապան-
ները զժուարութեան չէին մատնուէր լուսնի
լոյսին տակ շարունակելով իրենց ճամբան: Երբ
այսպէս քառորդ ժամու չափ յառաջացած էին
դէպի Էրմէնի քէօյ, յանկարծ հեռուէն լսուե-
ցան տարօրինակ ձայներ, սոսկալի ժխոր մը ու
իրարանցում մը կը լսուէր մութին մէջ և ճամ-
բորդները յիշելով նախորդ դէպքը, որ տեղի ու-
նեցած էր Չամլըճա-Թաշտէլէն ճամբուն վրայ,
ոարսափած կ'ըսէին իրարու թէ արդեօք դարձ-
եա՞լ սատանաները գիրենք կը հետապնդէին և
միեւնոյն դէ՞պքը պիտի կրկնուէր:

Այս անգամ այնպէս խորհողներուն մէջ
Գուշպան Յուսէփն ալ կար որովհետեւ ինք

լաւ գիտեր թէ հիմակուռնը որովայնխօսական
փորձ մը չէր այլ իրականութիւն:

Երբ այսպէս սարսափահար իրարու երես
կը նայէին, կառքի ճրագներու լոյսին տակ ա-
մէն ոք իր քովինին գէմքը կը տեսնէր դեփ դե-
ղին կտրած վախի ազդեցութեան տակ:

Ձայները ու աղաղակները հետզհետէ կը
մօտենային, անոնք այնքան մօտեցած էին ի-
րենց որ ծափահարութիւններն իսկ լսելի կ'ըլ-
լային, միջոց մը լուռեցաւ ձայն մը որ կ'ըսէր
«կեցցէ՛ Խրիմեաե»:

Իրչերային այս ցոյցերը որոնք աներեւոյթ
անձերու կողմէ կ'ըլլային և հետզհետէ կը մօ-
տենային, քիչ մը տարօրինակ թուեցան Աբրա-
համ փաշային՝ որ հրամայեց կեցնել կառքե-
րը:

Հրամանը իսկոյն գործադրուեցաւ և ձիերը
կեցուցին իրենց գնացքը: Նոյն միջոցին փաշան
մօտենալով Գուրպան Յուսէփի քովիններէն ան-
լսելի կերպով մը հարցուց անոր թէ արդեօք
խա՞ղ մը կ'ընէր:

Գուրպան Յուսէփի «բացարձակապէս ո՛չ»
պատասխանին վրայ փաշան եկաւ իրեններուն
քով:

Նոյն միջոցին ձայները այնքան մօտեցած
էին որ զբօսաշրջիկներուն կը մնար միայն իրենց
տեղը անշարժ մնալ, յանկարծ ծառերուն մէջէն
դուրս եկան ձեռքերնին լապաերաւոր խուճբ մը

որոնք շարունակ կ'աղաղակէին «կեցցէ՛ Խրիմ-
եան Հայրիկը»:

Այլեւս ամէն բան պարզուած էր: Գուրպան
Յուսէփ որ իր կարգին բաւական վախցած էր,
լայն շունչ մը առաւ տեսնելով երիտասարդներ
ու աղջիկներ որոնք ուրախութեան ցոյցերով
զիրենք կը շրջապատէին ու կ'ըսէին «բարի՛ եկան
մեր հիւրերը»:

Գուրպան Յուսէփ ըսաւ մտովի. «հազար
բարով, սակայն ձեր առնելիքը ըլլայ, ինչպէս
որ դուք մեզի վախցուցիք, ես ալ ձեր քիթէն
բերնէն կը բերեմ քիչ մը վերջը»:

Այսպէս, ընդհանուր խրախճանքներու թոհ-
ուբոհին մէջ գիւղին հիւրերը ժամը ձիշո Գին
հասան էրմէնի քէօյ, ուր իջեւանեցան Աբրա-
համ փաշայի քէօշկը:

ՈՍՏԻԿԱՆ ԶՕՐԱՅ ՊԱՅԱԿԱՆՈՑԻՆ ԴԵՊՔԸ

ՀՐԱՋԷՆԻ ԶԱՅՆԵՐ

ԽՈՒՃԱՊ ԵՒ ԻՐԱՐԱՆՅՈՒՄ

Հիւրերը հազիւ թէ էրմէնի քէօյ հասած էին ու իջեւանած Աբրահամ փաշայի քէօշկը, յանկարծ հրազէնի ձայներ լսուեցան դուրսը և ահուելի իրարանցում մը ծայր տուաւ: Ամէն ոք խելակորոյս փախուստ կուտար կարծելով թէ աւազակներու յարձակման ենթարկուած էր, լացուկոծի ձայներ կը լսուէին ամէն կողմ գիշերային խաւարին մէջ: Սակայն այդ ձայները միմիայն դուսը գտնուող ժողովուրդն էր որ կը լսէր: Մօտակայ ոստիկան զօրաց պահակսնոցը որ ո եւ է բանէ տեղեկութիւն չունէր և միայն գիտէր որ Աբրահամ փաշա հիւրերով կուգար գիւղ, երբ տեսաւ խուճապը եւ ժողովուրդին փախուստը, անոնք ալ կարծեցին թէ աւազակներու կողմէ յարձակման կ'ենթարկուին և խուկոյն գիւղին ոստիկան զօրաց հրամանար Քէնան պէյի գլխաւորութեամբ պատրաստուեցան

աւազակներուն դիմագրելու և զանոնք հետապնդելու, սակայն երբ գործի գլուխ եկաւ, տեսաւ որ ոչ աւազակ կար եւ ոչ յելուզակ, ու հանդարտեցնելով ժողովուրդը, ազգարարեցին անոնց որ ամէն ոք իր տունը քաշուի և փողոցները ո՛ր եւ է մէկը չի մնաց: Քէնան պէյ որ խիստ զարգացած ոստիկան զօրաց յիսնապետ մըն էր, չէր կրցած հետեւութիւն մը հանել գիշերային այդ դէպքէն դուրստուն կանուխ կանչած էր գիւղին հայերէն մէկ քանին բացատրութիւն պահանջելու համար անոնցմէ գիշերուան խուճապին մասին:

Անոնք ըսած էին թէ լսեցին հրազէնի ձայներ և կարծելով թէ աւազակներէ յարձակում կը կրէին, խուճապի մատնուած էին:

Ոստիկան զօրաց հրամանատարը բաւական համարելով անոնց տուած բացատրութիւնը ուղղակի Աբրահամ փաշայի քէօշկը դացած և նախ և առաջ բարի բարի գալուստ մաղթած եւ յետոյ փաշային հարցուցած էր թէ ո եւ է գիտուութիւն կամ գանգատ ունէր գիշերուան դէպքին մասին:

Փաշային «ո՛չ» պատասխանին վրայ, ոստիկան զօրաց հրամանատարը մեկնած էր:

Երբ առաւօտեան նախաճաշը տեղի պիտի ունենար էրմէնի քէօյի Աբրահամ փաշայի քէօշկին յարակից պարտէզին մէջ, ու այդ առթիւ պատրաստութիւններ կը տեսնուէին, Գուրպան

Յուրպան Յուսէփ դուրս ելած էր գիւղին մէջ պտոյտ մը կատարելու և մէկ քանի՞ գաւաթ օղի ձընկելու համար, որովհետեւ 24 ժամէ ի վեր բերանը օղի դրած չէր, և ինք առա՛, ատոր չէր կրնար ըլլալ, միեւնոյն ատեն քաջ գիտեր որ այդ գիւղին մարդիկը խաղողի անարատ օղի կը պատրաստէին և մինչեւ Պոլիս բերելով շատ աժան գինով կը ծախէին:

Գուրպան Յուսէփ երբ այսպէս առտուն կանուխ ժուռ կուզար թրքական թաղին մէջ, ժանտարմայի տասնապետ մը եկաւ և ըսաւ իրեն թէ ո՞վ էր ինք:

Գուրպան Յուսէփ անմիջապէս կռահելով կացութիւնը ուզեց քիչ մը զուարճանալ ժանտարմային հետ և ըսաւ որ աւազակ է: Ասոր վրայ ժանտարման իսկոյն բռնելով անոր թեւերէն, պահականոց տարաւ զայն ու ժանտարմըրի հրամանատարին ներկայացնելով, ըսաւ թէ աւազակ մըն է իր առջեւ գտնուողը:

Քէնան պէյ, ինչպէս ըսինք, ուշիմ սպայ մը, կռահելով Գուրպան Յուսէփի աւազակ մը չըլլալը, ըսաւ անոր որ նստի իր զիմացը գտնուող աթոռին վրայ, սակայն հայ որովայնախօսը առարկեց թէ բնական պէտք ունէր և խիստ նեղուած էր, այնպէս որ անկարելի էր համբերելը:

Քէնան պէյ հրամայեց զայն ձերբակալող ժանտարմային որ Գուրպան Յուսէփը պէտքարան առաջնորդէ և լաւ հսկողութիւն կատարէ

որպէսզի ճամբան ձեռքէն չի փախցնէ:

Պահականոցին մէջ պէտքարան չգտնուելուն համար, ժանտարման զայն տարաւ մօտակայ գիւղական դպրոցի մը ձէմիշը, ուր Գուրպան Յուսէփ իր բնական պէտքը պիտի գոհացնէր:

Պէտքարանը խցիկներու բաժնուած էր, որոնցմէ մէկուն մէջ մտաւ Գուրպան Յուսէփ:

Ժանտարման, գուրսի դրան առջեւ, աչքը չորս բացած կ'սպասէր, որպէսզի աւազակը չի փախցնէ:

Հայ որովայնախօսը, պէտքարանին մէջ անմիջապէս կերպարանափոխուելով, առաւ կաղի և կոյրի այնպիսի կերպարանք մը, որ նոյն միջոցին եթէ իր մայրն իսկ քովը ըլլար, չպիտի ճանչնար զայն, ու կամաց մը խցիկէն դուրս ելլելով ժանտարմային առջեւէն անցաւ ու նոյն իսկ անկէ ողորմութիւն մըն ալ խնդրելով աներեւութացաւ:

Հայ որովայնախօսը անմիջապէս որ հեռացաւ ժանտարմային քովէն, ստացաւ իր բնական վիճակը և գնաց ուղղակի հրամանատար Քէնան պէյի մօտ, ուր նստելով սկսաւ բացատրել անոր թէ՛ ինք Աբրահամ փաշայի հետ միասին իբր հիւր եկած էր Թաշտէլէն ու յետոյ էրմէնի քէօյ:

Մինչ այս, երբ Գուրպան Յուսէփ բացատրութիւն կուտար սպային, անդին ժանտարման, սպասելէն համբերութիւնը սպառած, կ'երթայ

աւազակ Գուրպան Յուսէփի գտնուած ճէմիչին գուռը կը բաղխէ, և երբ կը տեսնէ որ հոն մարդ չկայ, սարսափահար ու լեղապատառ դուրս կ'ելլէ ու ասգին անդին հապճեպ փնտուտուքներէ վերջ երբ չի գտներ զայն, սոսկալի դրութեան մը կը մատնուի. վախը կը պատէ զինքը ու կը շուարի. ի՞նչ ընէ հիմա. իր հսկողութեան յանձնուած աւազակը փախցուցած է և ատոր պատիժը բանտարկութեամբ պիտի քաւէ:

Ոստիկան զինուորը այս մտածումներով ընկճուած, դանգաղ քայլերով կը յառաջանար պահականոց: Ի՞նչ պատասխան պիտի տար հրամանատարին, չէր գիտեր:

Երբ դրան մօտեցաւ, այլեւս ոտքերը առաջ չէին երթար: Նոյն միջոցին, իր ընկերներէն մին որ մօտակայ զիւղէ մը կը վերագառնար, տեսնելով անոր ընկճուած վիճակը, հարցուց թէ ի՞նչ ունէր, հիւանդ էր:

Խեղճ զինուորը պատասխան չկրցաւ տալ և գնաց հրամանատարին սենեակին դրան մօտ կեցաւ, մէկը պէտք էր որ գուռը բանար, այնքան ուժաթափ եղած էր:

Վերջապէ՛ս բացաւ գուռը:

Սրահին մէջտեղը դրուած էր փարաւան մը, որուն ետին գնաց կծկուել, որովհետեւ հրամանատարը կը խօսէր օտարականի մը հետ:

Այդ օտարականին ձայնը կարծես իրեն ծա-

նօթ թուեցաւ երբ գլուխը փարաւանին քովէն դէպի առաջ երկարեց, անմիջապէս ոտքի ցատկելով սոսկալի բացագանչութիւն մը արձակեց և մոռնալով որ իր հրամատարին ներկայութեան կը գտնուէր «բռնեցի» ըսելով Գուրպան Յուսէփի օձիքէն ուժով մը քաշեց:

Գուրպան Յուսէփ անմիջապէս գուշակեց, սակայն հրամանատար Քէնան պէյ անակնկալի եկած ոստիկան զինուորին այս համարձակութեանէն, յօնքերը պռստելով ըսաւ խիստ ձայնով մը.

— Տո՛ւրմուշ, (այս էր ոստիկան զիւորին անունը) ետ քաշուէ՛, ապա թէ ոչ հիմա քեզ կը խարաղանեմ և կը բանտարկեմ:

Ժանտարման ուշքի գալով Քէնան պէյի սաստէն, ձգեց Գուրպան Յուսէփի օձիքը, քայլ առ քայլ ետ քաշուեցաւ ու գնաց մինչեւ սենեակին դուռը, առանց սակայն աչքերը հեռացնելու հայ որովայնախօսին վրայէն:

Քէնան պէյ որ բարկութենէն կաս կարմիր կտրած էր, հարցուց Գուրպան Յուսէփի թէ ի՞նչ կը նշանակէր ասիկա:

Գուրպան Յուսէփ դէպքը մանրամասնօրէն պատմելով ըսաւ Քէնան պէյի թէ՛ եթէ արտօնէր զինքը, իր ներկայութեան խսկ պզտիկ խաղ մը պիտի խաղար կրակուբոց կտրած ժանտարմային, որ եթէ հրամանատարը թող տար, զայն պիտի բզքտէր:

Քէնան պէյ տեղեկանալով մանրամասնութեան, չի կրցաւ իր քրքիչները զսպել ու բարձրաձայն քահքահներ արձակելով ըսաւ Փռւրպան Յուսէփի թէ ազատ էր ուզածին պէս շարժելու:

Քէնան պէյ հազիւ թէ այս խօսքերը արտասանած էր, երբ յանկարծ ոստիկան զինուորը կեցած տեղէն վեր ցատկեց, որովհետեւ կատղած շուն մը սոսկալի հաչիւններով ետեւի կողմէն իր վրայ կը յարձակէր: Տուրմուշ, սարսափահար, փախուստ տուաւ գէպի պահակահողմին արտաքին գուռը, ուր խոշոր փայտ մը ձեռք անցնելով, ետին դարձաւ որպէսզի իր վրայ յարձակող շան գլխուն իջեցնէ, սակայն մեծ եղաւ զարմանքը երբ տեսաւ թէ իր ետեւը ո՛չ շուն կար և ո՛չ գազան, բայց և այնպէս կատղած կենդանիին հաչիւնները կը լսուէին միշտ:

Քէնան պէյ կը մարէր խնդալէն, որովհետեւ Փռւրպան Յուսէփ տեղէն ելած կը հետապնդէր Տուրմուշը:

Հայ որովայնախօսը բաւ համարելով այսքանը, վերադարձաւ ժանտարմըրիի հրամանատարին քով, որ իր եզական կարողութեանցը համար շնորհաւորեց Փռւրպան Յուսէփը և ներողութիւն խնդրելով անկէ, հրամայեց իր ծառային որ երթայ զբացի Օսմանի տունը և շիշ մը օղի բերէ իրեն համար:

Քէնան պէյի հրամանը իսկոյն գործադրուեցաւ և Փռւրպան Յուսէփ զրպանելով շիշը, որ անարատ օղիով լեցուած էր, շնորհակալութիւն յայտնեց Քէնան պէյի ու մեկնեցաւ:

Հայ որովայնախօսը երբ քէօշկ վերադարձաւ, տնեցիները ճաշի նստած ըլլալով, ինքն ալ մասնակցեցաւ սեղանին:



ԺԱՄԱՅՈՅՑԻՆ ԳԱՂՏՆԻՔԸ

ԳՈՒՐԿԱՆ ՅՈՒՍԷՓԻ ՈՐՈՎԱՅՆԸ ԿԸ ԳՈՐԾԷ:

Դիւղին բովանդակ ընակչութիւնը իմացած էր թէ այդ օրը Խրիմեան Սրբազան հիւր պիտի մնար իրենց մօտ, որով ամէն կողմէ գիւղացիներ ափ կ'առնէին քէօշկին դուռը, և ազարակապանին կը յանձնէին սիրելի Հայրիկին համար իրենց բերած անարատ կարագը, վառեակները, զինին, մեղրը և շն. և շն., այնպէս որ այլեւս պէտք տեսնուեցաւ մերժել զանոնք, այնքան շատ էին բերուած ընծաները:

Մինչ այս, Աբրահամ փաշա և Գուրպան Յուսէփ գաղտնօրէն կը տեսակցէին պարտէզին յարակից փօքր սրահին մէջ: Գուրպան Յուսէփ կը վստահացնէր փաշան թէ, ինչպէս միշտ այս անգամ ալ պիտի իրականացնէր իր վրայ դըրուած յոյսերը: Ու այսպէս, մէկ քանի վայրկեսնի տեսակցութենէ մը վերջ, փօշան հրաւիրեց Խրիմեանը որպէսզի սուրճերնին առնեն

և նախ քան իրենց մեկնումը պզտիկ պտոյտ մը կատարեն:

Փաշային փափաքին համամիտ գտնուեցան նաև տիկինն ու աղջիկը և ամէնքը միասին ելան հիւրասրահ, ուր պիտի խմէին իրենց սուրճը:

Փաշան Պատրիարքին ներկայացուց Գուրպան Յուսէփը և ըսաւ թէ իր ծանօթներէն մին է և մասնաւոր կերպով հրաւիրած է զինքը նոյն օրուան զբօսապտոյտին:

Նոյն միջոցին ծառան սուրճը բերաւ և հրամացուց հիւրերուն:

Ժամացոյցը տասը զարկաւ, և երբ վերջին հարուածը լրացած էր, յանկարծ ժամացոյցին մէջէն եղանակաւոր ձայն մը լսուեցաւ, որ ներկաներուն կ'ըսէր.


— Բարի՛ եկաք, Սրբազան հայր:

Խրիմեան, որ նոյն միջոցին սիկաուր կը վառէր, շուարած, սիկաուին փուփը ձեռքէն ձգեց և դէպի ձայնը եկած կողմը նայեցաւ, այսինքն ժամացոյցին:

Ժամացոյցին մէջէն եկող ձայնը միեւնոյն եղանակաւ կը շարունակէր խնդալով.

— Մի՛ զարմանաք, Սրբազան հայր, ես ալ ձեզի պէս մարդ եմ, ձայն ունիմ:

Այս անգամ սրահին մէջ գտնուողները սարսափած ու աչքերնին պատին յառած ծակ մը կը



ԽՐԻՄԵԱՆ ՀԱՅՐԻԿ

փնտոէին տեսնելու համար թէ արդեօք մէկը պահուըտա՞ծ էր ժամացոյցին ետին:

Ամէնուն սարսափին ու զարմացման մէջ ժամացոյցը կը շարունակէր անընդհատ խօսիլ, խնդալ ու երգել:

Տիկին Աբրահամ փաշա ոտքի ելաւ սրահէն մեկնելու համար, սակայն ամուսինը ժպտելով արգիլեց անոր մեկնումը և ըսաւ.

— Մի՛ վախնար սիրելի տիկին, կարծեմ թէ դարձեալ մտքիդ առջեւ պատկերացան սատանաները: Սակայն գիտցած եղևր որ Սրբազանին գտնուած տեղը սատանաները մուտ չեն կրնար գործել:

Փաշան մէկ կողմէ աիկինը կը համոզէր և միւս կողմէ Գուրպան Յուսէփի նշանացի ազդարարութիւն մը ընելով՝ կ'ըսէր թէ փորձը դադրեցնէ:

Ժամացոյցը յանկարծ լռեց ու ձայները դադրեցան:

Աբրահամ փաշայի կինը, որ իր ամուսնոյն հաւաստիքներուն ու ձայնին դադրելուն վրայ քիչ մը հանդարտած էր, իր քով գտնուած թիկնաթողին վրայ նստաւ:

Նոյն միջոցին փաշան, որ շարունակ կը խնդար, երկու քայլ յառաջանալով ըսաւ թէ՛ սատանաները բացարձակապէս գոյութիւն չունէին և մինչեւ հիմա իրենց անցուցած բոլոր վտանգներուն և սարսափներուն պատասխանատուն ինքն էր որ յատկապէս Պէշիկթաշէն Պէյքօզ հրաւիրած է նշանաւոր հայ որովայնախօս Գուրպան Յուսէփը, որ այդ վայրկեանին իրենց քով կը գտնուէր: Փաշան երկու քայլ ևս յառաջանալով, սեղմեց Գուրպան Յուսէփի ձեռքը և շնորհակալութիւն յայտնեց անոր, կատարած յաջող փորձերուն համար:

Ներկաները զարմանքով ու հիացումով լ-

ըենց ակնարկները ուղղեցին հայ որովայնախօսին վրայ և շնորհաւորեցին զայն իր եզական կարողութեանը համար:

Այսպէսով վերջացաւ ժամացոյցին խօսելու ու երգելու խաղը:



ԵԳԻՊՏԱՅԻ ԲՐԷՆՍ ՍԱՅԻՏ ՀԱԼԻՄ ՓԱՅԱ

ՊՈԼԻՍ ԿՈՒԳԱՅ

ԵՒ ԿԸ ՀԻՒՐԸՆԿԱԼՈՒԻ

Մ. ԵՐԱՄԵԱՆ ՊԷՅԻ ԿՈՂՄԷ

ԳՈՒՐՊԱՆ ՅՈՒՍԷՓ ՔԱԶ ՈՐՍՈՐԴ

Եգիպտացի Բրէս Սայիտ փաշա, քաղաքական խնդրոյ մը պատճառաւ, Պոլիս կուգայ եւ կը հիւրընկալուի իր վաղեմի բարեկամ Երամեան պէյի կողմէ, Բերայի իր բնակարանին մէջ:

Բրէնսը, կառավարութեան հետ ունեցած իր գործերը կարգադրելէ վերջ, կ'որոշէ մեկնիլ Եգիպտոս:

Եւ սակայն, Երամեան պէյ, չուզեր որ իր հիւրը այսչափ փութով մեկնի, առանց անոր հետ զուարճալի ժամանց մը ըրած ըլլալու: Որով կ'ստիպէ զայն որ շաբաթ մը եւս զինքը պատուէ իր ներկայութեամբ:

Բրէնսը սիրով կ'ընդունի Երամեան պէյի

առաջարկը և շարաթ մը եւս կ'որոշէ մնալ Պո-
լիս:

Եղանակը ձմեռ էր: Յունուար ամսոյ վեր-
ջին շարաթը լրացած և Փետրուարը թեւակո-
խած ըլլալով, սաստիկ ցուրտ մը կը տիրէր:
Ձիւնը պատած էր ամէն կողմ: Եւ այդ եղա-
նակին ամէնէն հաճոյալի զբօսանքն էր որսոր-
դոնթիւնը, որուն սիրահար էր թէ՛ Բրէնս Սա-
յիտ և թէ՛ Երամեան պէյ,

Սակայն չոր ու ցամաք որսորդութիւնը
այնքան ալ զուարճալի չպիտի թուէր Բրէնսին,
մտածեց Երամեան պէյ, որով պէտք էր զայն
զուարճալի եւս դարձնել:

Շատ երկար մտածելու պէտք չունեցաւ Ե-
րամեան այդ բանը գտնելու համար, իսկոյն յի-
շեց Գուրպան Յուսէփը, որ կարող էր այդ որ-
սորդութիւնը խիստ հաճոյալի ու միանգամայն
զուարճալի դարձնել:

Պէտք չէր սակայն Գուրպան Յուսէփ՝ որ-
սորդութեան մասնակցութեամբ՝ ո եւ է կաս-
կած հրաւիրել տալ բրէնսին, և խալը ի դերեւ
հանել, հետեւաբար Երամեան պէյ խորհեցաւ
որ առաջ Հայ որովայնախօսը իրրեւ հիւր հրա-
ւիրել իր տունը, և զիպուածի արդիւնքով զայն
ալ մասնակից ընել որսորդութեան:

Լաւ խորհո՞րած հնարք մըն էր այս: Ուս-
տի Երամեան պէյ, կանչեց իր հաւատարիմ ծա-
ռան և նամակ մը յանձնեց անոր, յանձնարա-

րելով որ փութով և առանց ո եւ է մէկէն նըշ-
մարրելու, Պէշիկթաշ, Գուրպան Յուսէփի
տունը երթար և զայն յանձնէր անոր:

Ծառան, նամակը առնելով, անմիջապէս
զործադրեց իր տիրոջ հրամանը, եւ տարաւ
զայն յանձնեց հայ որովայնախօսին:

Գուրպան Յուսէփ երբ նամակը ստացաւ
այս անձանօթ մարդէն, առանց բանալու զայն,
հարցուց անոր թէ ի՞նչ էր անոր պարունակու-
թիւնը:

Եւ սակայն ծառան, իր առած հրահանգին
համաձայն, առանց պատասխանելու. հեռացաւ
անկէ, և շտապով անհետացաւ քովընտի փո-
ղոցին մէջ:

Հայ որովայնախօսը չի շփոթեցաւ բնաւ ան-
ձանօթ մարդուն բռնած ընթացքին համար, ա-
ռաջին անգամը չէր որ այդպիսի բանի մը կը
հանգիպէր ան:

Իրեն եղած հրաւերները, ընդհանրապէս
անխօս մարդոց ձեռքով կը կատարուէին, հե-
տեւաբար զուրը գոցեց եւ ուղղակի իր սեն-
եակը ելլելով բացաւ նամակը ու սկսաւ կար-
դալ հետեւեալը.

«Սիրելի Գուրպան Յուսէփ,

«Շարաթէ մը ի վեր ինձ մօտ հիւր ունիմ
Եգիպտացի բրէնս Սայիտ փաշան: Ամենամտե-

րիմ բարեկամս է ան որ Պոլիս եկած է կառավարութեան հետ ունեցած իր մէկ գործը կարգադրելու համար: Իմ ստիպումներուս վրայ չի կրցաւ մերժել զիս և պատիւը ըրաւ շաբաթ մը ևս մեզ մօտ, հակառակ անոր որ անցեալ օր պիտի մեկնէր Եգիպտոս:

«Կ'ուզեմ հաճոյալի զբօսանք մը ստեղծել, բրէնսը զուարճացնելու համար: Գիտեմ որ շատ հաճոյք կ'զգայ ան, որսորդութենէն: Հետեւաբար խորհեցայ որսի հրաւիրել զայն: Եւ սակայն որսորդութիւնը առանձինն այնքան ալ հաճոյալի բան մը չէ. պէտք էր անակնկալ մը ընել անոր:

Յանկարծ քեզ յիշեցի: Քու կարողութեանդ վրայ ամենամեծ վստահութիւն ու հաւատք ունենալով և գիտնալով որ ուրիշ ատեններ սուլթանական որսորդութիւններու մասնակցած և խիստ հաճոյալի ու զուարճալի դարձուցած ես զանոնք, քեզի կը դիմեմ և կը խնդրեմ որ ամենաթակազին հիւրս եղող բրէնս Սայիտ փաշային հետ կատարելիք որսորդութեանս զուն ալ մասնակից ըլլաս և քանի մը անակնկալներով զայն զուարճացնես ու հիացնես, առիթ ընծայելով ինձ որ քեզ անոր ներկայացնեմ ու քեզմով պարծենամ թէ՛ մեր մէջ ունինք հայ որովայնախօս մը, որ կարող է աշխարհիս հիացումը իր վրայ հրաւիրել:

«Եւ որպէսզի քու կատարելիք որովայնա-

խօսական փորձերուդ մասին բրէնսը ուէ կասկած չունենայ, խորհեցայ օր առաջ քեզ հրաւիրել մեր տունը իբրեւ հիւր, և օր մը վերջ իբր թէ գիպուածով, քեզ մասնակից ընել որսորդութեան: Դուն ալ մեր թախանձանքին իբրեւ թէ դժուարաւ տեղի կուտաս, և այսպէսով բրէնսը ուէ կասկած չունենար:

«Ուրեմն, այսօր իսկ, հեռաւոր տեղէ մը եկողի պէս, լաւ մը ծպտուած, մեզի կուգաս և գիշերը մեր տունը մնալէ վերջ յաջորդ առտու կանուխ որսի կ'ելլենք: Հոն կատարելիք անակնկալներուդ մասին հարկ չի կայ կարծեմ խօսելու: Քու վրագ ամէն վստահութիւն ու հաւատք ունիմ, գիտեմ թէ պզտիկ չես ձգեր զիս:

Բերա

Բարեկամդ

ԵՐԱՄԵՅՆ ՊԷՅ

Գուրպան Յուսէփ երբ նամակը վերջացուց, դէմքի ծամածուծութիւն մը ունեցաւ: Այդ օրը իր մէկ քանի բարեկամներուն խօսք տուած էր հարսնիքի մը ներկայ գտնուելու համար: Ամուսնացող երիտասարդը խիստ մտերիմ բարեկամը ըլլալով, չէր կրցած մերժել հրաւերը:

Ինչ ընել հիմա. երամեան պէյի խնդրանքը կարելի չէր մերժել. հետեւաբար երկու չարեաց

փոքրագոյնը ընտրեց: Լուր չըկեւ հարսնիքի տունը որ անակնկալ մը և բարձրագոյն հրաւերի մը վրայ պարտաւոր էր բացակայիլ հարսնիքէն և այս առթիւ ներողամտութիւն խնդրել:

Քառուի մը վրայ ամփոփեց իր պատճառաբանութիւնները և բօսթին յանձնեց զայն: Յետոյ ան վերադառնալով սկսաւ պատրաստութիւններ տեսնել, մեծապատիւ հիւր մը դառնալու համար:

Հագաւ սեւ ուղտնիկօթ մը, լուսթրին կօշիկներ և ձեռքը անցուց ձեռնոցները: Գիմազծի փոփոխութեամբ մըն ալ բոլորովին տարբեր մարդ մը եղաւ ամէնուն ծանօթ Գուրպան Յուսէփը և ճամբայ ելաւ գէպի Երամեան պէյի տունը:

Կէս օրը անցած էր, երբ փառաւոր երկծի կողք մը կառաւ Բերայի շիտակը Երամեան պէյի տան դրան առջեւ:

Կառապանը անմիջապէս վար իջնելով իր տեղէն, բացաւ կառքին դուռը: Խիստ մաքուր հագուած ազնուական մը վար իջաւ կառքէն և ներս մտաւ տան գոնէն, որ կառքին կանգ առնելուն վրայ բացուած էր:

Տան ծառաներէն մին յարգական խոնարհութիւն մը ընելով ազնուական հիւրին, առաջնորդեց զայն հիւրասրահ:

Նորեկը անմիջապէս իր այցաքարտը տուաւ

ծառային, որպէս զի իր տիրոջը յանձնէ զայն:

Նոյն միջոցին Երամեան պէյ եւ Բրէնսը պարտէզին վրայ նայող մեծ սրահը նստած սուրճ կը խմէին, երբ ծառան ներս մտաւ սենեակէն եւ այցաքարտը տուաւ պէյին:

Այս վերջինը քարզը կարգալէ յետոյ, ժըպտեցաւ, եւ բրէնսին դառնալով ըսաւ.

— Այսօր շատ ախտաւոր կ'զգամ ինքզինքս որ ձեզ նման թանկագին հիւրի մը ներկայութիւնը կը վայելեմ տանս մէջ, նոյնքան բախտաւոր կ'զգամ ինքզինքս որ իմ մտերիմ մէկ բարեկամս ալ այս ժամուս կուգայ պատուել զիս, բաւական երկար ատենէ ի վեր չէի տեսած զայն, և այսօր, ձեզ նման անոր ալ ներկայութիւնը պիտի վայելեմ:

— Պատիւ ունիմ ձանձնալու ձեր նոր հիւրը, հարցուց բրէնսը:

— Ձեմ կարծեր. բայց անշուշտ հիմա պիտի ծանօթացնեմ զայն ձեզի:

Երամեան պէյ այս ըսելով ոտքի ելաւ նըստած տեղէն և բրէնսը առանձին թողելուն համար ներողութիւն խնդրելէ վերջ, դուրս ելաւ սենեակէն, իր նոր հիւրը յիմաւորելու համար:

Մեր ընթերցողները գուշակեցին անշուշտ թէ նորեկ ազնուականը ուրիշ մէկը չէր բայց եթէ Գուրպան Յուսէփը, որ անթերի կերպով ծպտուած ըլլալով, ոչ ոք կրնար ձանձնալ զայն:

Յրամեան պէյ երբ ներս մտաւ հիւրասրահէն, իր դէմ բոլորովին անձանօթ մը գտնելով նախ զարմացաւ, բայց երբ Գուրպան Յուսէփին քղինքը յայտնեց, պէյը խնդալէն մարեցաւ, և շնորհաւորեց զայն որ այնքան կատարեալ կերպով ծպտուած էր:

Երամեան պէյ համառօտակի բացատրեց անոր զինքը հրաւիրելուն դրդապատճառը, ինչպէս նամակին մէջ ալ ըսած էր արդէն. կ'ուզէր Գուրպան Յուսէփի միջոցաւ անակնկալ զբօսանք մը հայթայթել և զարմացնել բրէնսը:

Գուրպան Յուսէփ խոստացաւ իր ձեռքէն եկածը ընել, պէյը պզտի չի ձգելու համար իր հիւրին քով, և զիատ որ Երամեան պէյը խիստ առատաձեռնօրէն վարձատրելու յատկութիւնն ալ ունէր:

Երամեան պէյ խօսքը Գուրպան Յուսէփի ուղղելով.

— Հիմա գիտե՞ս թէ ինչ պիտի ընենք, ըսաւ. քեզի պիտի ներկայացնեմ բրէնսին՝ իբրեւ թանկագին մէկ բարեկամս, որ զիպուածաւ այսօր ինձ հիւր եկած ես. հեռաւոր ճամբորդութիւն մը կատարած ըլլալդ կը յայտնես և վաղն առտու մեր կատարելիք օրսօրդութեան մասնակցելու առաջարկը կը մերժես: Եւ սակայն մեր պնդութիւններուն վրայ կ'ընդունիս և անկից վերջ ա'լ քեզի կը մնայ պէտք եղածը ընել եւ

ցոյց տալ բրէնսին թէ հայ մը իր օրովայնախօսական կարողութիւններով ի՞նչ հրաշքներ կը գործէ:

— Սիրով և հաճութեամբ պիտի փատարեմ ձեր հրամանները, պէյս, ըսաւ Գուրպան Յուսէփ, վստահ կրնաք ըլլալ որ ձեզ պզտիկ չպիտի ձգեմ բրէնսին մօտ:

— Ատոր տարակոյս չունիմ, Գուրպան, յայտնեց Երամեան պէյ, միայն թէ կը խնդրեմ որ քու խաղերդ կատարած ատեն զգուշութեամբ ընես զանոնք, որպէսզի չըլլայ թէ բրէնսը յանկարծակիի գայ և չափազանց վախէ մը հիւանդանայ:

— Այդ մասին ալ անհոգ կրնաք ըլլալ, պատասխանեց հայ օրովայնախօսը. Մինչ զգուշութիւն ի գործ կը դնէր չափէն աւելի չվախցնելու համար զայն: Թեթեւ փորձեր միայն կը կատարեմ:

— Շատ լաւ ուրեմն, հիմա քեզի առաջնորդեմ բրէնսին գտնուած սրահը, և հոն ներկայացնեմ ձեզ իրարու, ըսաւ Մանուկ պէյ:

Եւ Գուրպան Յուսէփ հետեւեցաւ անոր, որ ուղղակի բրէնսին գտնուած սենեակը տարաւ զայն: Երբ ներս մտան, բրէնսը ոտքի ելաւ նստած տեղէն և Երամեան պէյ իրարու ներկայացուց երկու հիւրերը: Չեռքի սեղմուսներէ վերջ երեքն ալ նստան թիկնաթոռներու մէջ և սիրալիր ու մտերմական խօսակցութիւն մը սկըսաւ տնոնց միջեւ:

Գուրպան Յուսէփ այն քան վարպետութեամբ կը կեղծէր իր ինքնութիւնը որ կը հետեւէր Երամեան պէյը, որ երբեմն, առանց նշմարելի ընելու բրէնսին, քթին տակէն կը խնդար:

Գուրպան Յուսէփ իրական ազնուականի մը հնչիւններով կը խօսէր բրէնսին հետ: Այս վերջինն ալ մեծ յարգանքով կը վերաբերուէր անոր հանդէպ:

Այս սիրալիբ խօսակցութիւնը քանի մը ժամ տեւեց, ուրկէ վերջ ծառան իմաց տուաւ հիւրերուն թէ ճաշասեղանը պատրաստ էր:

Երամեան պէյ այդ օրերը առանձին էր տանը մէջ: Իր կիներն ու երէց որդին շաբաթէ մը ի վեր Բարիզ կը գտնուէին: Սոուպոնի համալսարանը յաճախող իրենց կրտսեր գաւկիին այց մը տալու գացած էին անոնք, որովհետեւ համալսարանի տնօրէնութենէն նամակ մը եկած էր ծնողքին թէ իրենց զաւակը, Սահակ Երամեան, աղետապէ կը տառապէր և թէ տասը օրէ ի վեր հիւանդանոց զրկուած էր, դարմանուելու համար:

Մանուկ պէյի կիներն ու զաւակը անմիջապէս ճեպընթացով փութացած էին Բարիզ և հազիւ թէ հոն հասած, արդէն գրեթէ բժշկուած էր իրենց որդին, որով հեռագրած էին Երամեան պէյի թէ մտահոգուելու տեղի չկար, որովհետեւ առողջացած էր Սահակ:

Այս լուրին վրայ արդէն Մանուկ պէյ քանի օրէ ի վեր ուրախ, առիթ մը կը փնտռէր զուար-

ճանալու: Եւ այդ առիթն ալ կը ներկայանար Բրէնս Սայիտ փաշայի յանկարծ Պոլիս գալովը:

Երբ ծառան ճաշասեղանին պատրաստ ըլլալը իմացուց, երեքը միասին ոտքի ելան և Երամեան պէյի առաջնորդութեամբ ուղղուեցան ճաշասրահ:

Սեղանը զարդարուած էր խիստ ճոխ համադամներով ու խորտիկներով: Եւ սակայն Երամեան պէյ, նկատելով որ բրէնսը եգիպտացի է, պատրաստել տուած էր Եգիպտացիներու ազգային կերակուրը նկատուող Ֆուլը: Սոհարարը իր բոլոր ճարտարութիւնը ի սպաս դրած էր զայն համեղ կերպով պատրաստելու համար:

Բրէնսը հազիւ թէ նստած, նշմարեց սեղանին վրայ դրուած Ֆուլը, և խնդալով, շնորհակալութիւն յայտնեց Մանուկ պէյի, որ զինքը պատուելու համար խորհած էր Եգիպտացիներու յատուկ այս ճաշն ալ պատրաստելու:

Ճաշը շատ զուարթ անցաւ: Շամբանեան առատօրէն կը սպասէր սեղանին վրայ: Երեք բարեկամները զանազան նիւթերու վրայ կը խօսակցէին խիստ մտերմօրէն:

Գուրպան Յուսէփ ճաշասեղանին վրայ ալ իր կատարեալ ազնուականի թիփը կը պահէր, ամենափոքր կասկած մը իսկ չի ներշնչելով բրէնսին ին ժպտումի մասին:

Երբ ճաշը աւարտուելու մօտ էր Երամեան պէյ որսորդութեան վրայ սկսաւ խօսիլ, և ըսաւ թէ

ինչպէս իր հայրը, նոյնպէս և ինք որսորդութեան շատ փափաք ունէր և մեծ հաճոյք կը զգար այդ ժամանցէն: Իր կատարած որսորդութեանց միջոցին պատահած զանազան դէպքեր պատմեց իր հիւրերուն, որոնք մեծ հետաքրքրութեամբ մտիկ կ'ընէին զայն:

Բլէնսն ալ իր կարգին որսորդութեան համար ունեցած փափաքը յայտնեց անոնց, և միմիայն այդ զբօսանքէն մեծ հաճոյք զգալը Եսաւ: Երբ բրէնսը իր խօսքը աւարտեց Երամեան պէյ խօսքը ուղղելով Սայիտ փաշայի.

— Բրէնս, ըսաւ, կը տեսնեմ որ երկուքս ալ ջերմ փափաք ունինք որսորդութեան, ըսաւ: Պոլսոյ մօտակայ գիւղերը որսորդութեան յարմար շրջանակ մը կը կազմեն: Եթէ կը փափաքիք վաղը առտու իսկ որսի ելլելու պատիւնը բէք մեզի:

— Շատ սիրով կ'ընդունիմ ձեր առաջարկը: Եղանակը շատ յարմար է որսի համար: Մանաւանդ եթէ մեր երրորդ բարեկամն ալ մեզի ընկերանայ, շատ հաճոյալի պիտի ըլլայ մեր կատարելիք որսորդութիւնը:

— Իմ ալ միակ հաճոյալի ժամանցս որսորդութիւնն է, պատասխանեց Գուրպան Յուսէփ և սակայն, դժբախտաբար չպիտի կրնամ ձեր հրաւերը ընդունիլ վաղը կատարուելիք որսորդութեան համար, շատ կարեւոր զբաղումներ ունիմ և պարտաւոր եմ այս իրիկուրնէ իսկ

մեկնիլ: Եթէ ուրիշ առթիւ կրկին որսի ելլելու փափաք մը ունինք, այն ատեն սիրով կ'ընդունիմ ձեր հրաւերը:

— Եւ սակայն մէկ քանի օրէն ստիպուած է Եգիպտոս մեկնելու բրէնսը, միջամտեց Երամեան պէյ. հետեւաբար կը խնդրեմ որ չի մերժէք Սայիտ փաշայի հրաւերը, մանաւանդ որ քաջ գիտեմ թէ մեզմէ աւելի փորձառութիւն ունիք որսորդութեան մէջ: Հաւատացէք որ շատ հաճոյալի պիտի ըլլայ երեքիս ընկերակցութեամբ կատարուած որսորդութեան զբօսանք մը:

Բրէնսն ալ կրկին ու կրկին թախանձեց որ զիրենք չի մերժէ, մանաւանդ երբ իմացաւ որ քաջ որսորդ մըն էր Գուրպան Յուսէփ:

Հայ որովայնախօսը քիչ մը եւս զժկամակելէ վերջ, ընդունեց անոնց հրաւերը և այդ գիշեր որոշեց չի մեկնիլ ու մնալ Երամեան պէյի բնակարանը, յաջորդ առտու կանուխ որսի ելլելու համար: Ճաշը աւարտած և հիւրերը առաջնորդուած էին հիւրասրահ, ուր սուրճ և Կիկառէթ հրամցուեցաւ անոնց:

Այդ գիշեր թատերական ներկայացոյցում մը ըլլալով, Մանուկ պէյ զանոնք թատրոն հրաւերեց: Բրէնսն ու Գուրպան Յուսէփ սիրով ընդունեցին պէյին առաջարկը և այդ գիշեր թատերական ներկայացման երթալով անցուցին իրենց ժամանակը:

Յաջորդ առտու լուսնալու մօտ էր, երբ,

ըստ յանձնարարութեան, տան ծառան ձայնեց հիւրերուն թէ ժամանակը հասած էր որսի երթալու: Ամէն պատրաստութիւն տեսնուած էր արդէն: Բրէնսին, Գուրպան Յուսէփի և Երամեան պէյի համար երեք ձիեր թամբուած կ'ըսպասէին: Երկու ծառաներ եւս պիտի ընկերակցին անոնց:

Երբ Բրէնսն ու Գուրպան Յուսէփի լրացուցին որսորդութեան պատրաստութիւնները, երեքը մէկ ցատկեցին ձիերուն վրայ և ճամբայ ելան:

Երամեան պէյ Գուրպան Յուսէփի ուղղելով խօսքը ըսաւ.

— Սիրելի բարեկամս, զուք մեզմէ շատ աւելի վարժ ըլլալով որսորդութեան, պատրաստ ենք ձեզի հետեւելու: Դուք մեր առաջնորդը պիտի ըլլաք, և ո՛ր կողմը որ փափաք յայտնէք երթալու, մենք սիրով պիտի հետեւինք ձեզի: Վստահ եմ թէ զուք իբրեւ քաջ որսորդ, մեզմէ շատ աւելի լաւ ուսումնասիրած էք որսորդութեան յարմար վայրերը:

Գուրպան Յուսէփի իր հասցէին շոյալուած այս գովեստներուն համար շնորհակալութիւն յայտնելէ վերջ, սիրով ընդունեց պէյին առաջարկը և իր ձին յառաջացուց, առաջնորդելու համար զանոնք իր ընտրած վայրը:

Շիշլին անցած ու Գեաղըտհանէ իջած էին: Եւ սակայն նախորդ գիշեր առաւօտէն ձիւնած

ըլլալով, դժուարութեամբ կը յառաջանային: Գուրպան Յուսէփի գէպի Գեաղըտհանէ քէօյ ուղղեց իր ձին:

Երբ գիւղ հասան, հոն ուղեցին կանգ առնել, քիչ մը կազգուրուելու համար, որովհետեւ սաստիկ ցուրտ մը կը տիրէր այդ առտու: Գիւղը չէր արթնցած տակաւին, շատ կանուխ էր դեռ, սրճարան մը միայն բացուած էր, որով կանգ առին անոր առջև, և վար իջնելով ձիերէն ներս մտան խանութէն: Գեղջկական համեստ սրճարան մըն էր այս: Սրճարտորը անմիջապէս անթոռներ ներկայացուց անոնց: Եւ սակայն անոնք չուղեցին նստիլ: Երամեան պէյ հրամայեց ծառային որ քոնեաքի շիշ մը բանայ: Իրարու վրայ քանի մը գաւաթ քօնիաք խմելէ վերջ, արդէն կազգուրուած ու տաքցած էին անոնք, որով դարձեալ հեծնելով իրենց ձիերը շարունակեցին ճամբան:

Գիւղէն ելլելէ վերջ ժամու մը չափ եւս առաջանալով հասած էին որսորդութեան վայրերը:

Այդ կողմերը ընդհանրապէս որսորդները շատ կը նախընտրեն, որովհետեւ նապաստակ և երէ կը գտնուի, որսի թուռներու ալ ամենաառատ տեղն է: Այս պատճառաւ որսորդներու յատուկ սրճարան մը կայ, որուն կից աստու մը կը գտնուի, անոնց ձիերուն պատսպարան ըլլալու համար:

Երբ Գուրպան Յուսէփ այդ սրճարանին առջև հասաւ, կեցուց իր ձին և վար իջաւ անկէ: Անոր հետեւեցան բրէնսը, Մանուկ պէյ և ծառաները:

Սրճարանին աշկերտը անմիջապէս ղիմաւորեց զանոնք և ձիերը ախոռ առաջնորդեց:

Գուրպան Յուսէփ ըսաւ իրենց հետեւող ծառաներուն որ սրճարան մանեն և հոն սպասեն:

Յետոյ երեք բարեկամները գարձեալ քանի մը գաւաթ քօնեաք խմելէ վերջ, որսի նրացանները ի ձեռին՝ Գուրպան Յուսէփի հետեւեցան:

Որսորդներու իբր կայան ծառայող այս սրճարանը կը գտնուի բլուրի մը տակ, որուն առջև կ'երկարէր ընդարձակ և տափարակ դաշտ մը, որ ծածկուած էր ձիւնի սպիտակ սաւանով մը: Իսկ աջակողմէն քիչ մը յառաջանալով կուգայ մացառախիտ պուրակ մը, իսկ ձախակողմը կայ ժայռուտ բարձր լեռ մը, որ բլուրներու շարք մը ունի իր ետեւը:

Որսորդները, երէի և նապաստակի որսորդութեան համար ձախակողմի լեռնային բլուրները կ'ընտրեն, ուր կարելի կ'ըլլայ առատ որս գտնել, իրաւ է թէ այդ լեռնային մասը քիչ մը ցիւց ըլլալուն, որսորդը դժուարութիւն ու յոգնութիւն կը կրէ անոնց կատարը ելլելու համար:

Աջակողմի մացառախիտ անտառին մէջ ալ կարելի է որսալ թռչնազգիներ, որոնց մէջ նշանաւոր է Բոււմէլի կաքաւը, շիկահաւն ու վայրի հաւը:

Իսկ սրճարանին յառաջակողմի տափարակ դաշտը կէս ժամու հեռաւորութեամբ շրջագիծ մը ունի, և անոր մէջ կան ճահճային մասեր, որոնք եղեգներով զանազան կողմերէ շրջապատուած են. այս ճահիճներուն մէջ կը գրտնուին վայրի բաղեր եւ սագեր, որոնք մութը պատելուն, անոնց եղերքները կը գիշերեն: Յանդուզն որսորդներ, ճամբաներուն եղերքները մացառներով խցիկներ շինած են, և շատ անգամ հոն կը գիշերեն, առաւօտուն շատ կանուխ, բազերու ու սագերու շահակտ որս մը ընելու համար, երբ անոնք դեռ հեռացած չեն ըլլար եղերքներէն:

Եւ սակայն այդ խստաշունչ օգերուն կարելի չէ հոն գիշերել, որով այդ օրը ոչ սք կար խցիկներուն մէջ:

Գուրպան Յուսէփ Երամեան պէյին ու բըրէնային ըսաւ թէ առանձին առանձին ուղիներ պէտք է ընտրել, ինչպէս սովոր են ընել որսորդները, և այնպէս կատարել որսորդութիւնը:

Բրէնսը այդ տեղերուն վարժ չըլլալուն համար, հարցուց Երամեան պէյին թէ՛ ո՞ր կողմը պէտք էր ընտրել լաւ որս մը ընելու համար:

Երամեան պէյ այդ կողմերը շատ անգամ-
ներ որսի եկած ըլլալով, ըսաւ բրէնսին թէ նաեւ
և առաջ մացառախիտ անտառներու մէջ պէտք
էր կատարել որսորդութիւնը, ու յետոյ դաշ-
տային ու լեռնային մասերուն մէջ. որովհետեւ,
ըսաւ պէյը, ընդհանրապէս թռչնազգիները մա-
ցառախիտ տեղերը գտնուելուն համար, պէտք
էր շատ կանուխ որսալ զանոնք, եթէ աւելի
ուշ որսալ ուզէին, թռչունները ցրուած կ'ըլ-
լային և կարելի չէր ըլլար փափաքուած նը-
պաստաւոր արդիւնքը ձեռք բերել:

Գուրպան Յուսէփ ևս հաստատեց պէյին
խօսքերը, եւ երեքն ալ տարբեր ուղղութիւն-
ներով մտան անտառին մէջ:

Հայ որովայնախօսը նեղ արահետ մը ընտ-
րեց իրեն իբր ուղի եւ անկէ սկսաւ յառաջա-
նալ: Բրէնսն ալ անտառին գլխաւոր ճամբայէն
ուղեց երթալ. իսկ Երամեան պէյ ծառախիտ
մասի մը մէջ մտաւ:

Պահ մը ետք, երեք որսորդները անյայտա-
ցան անտառին մէջ:

Գուրպան Յուսէփ թէեւ բոլորովին տարբեր
ուղիէ մը կը յառաջանար, և սակայն գիտէր թէ
բրէնսին ընտրած ճամբան յառաջակողմէն կու-
գար կը միանար իր արահետին: Այդ ճամբաները
ինքն արդէն գոց զիտէր:

Բրէնսն ու Գուրպան Յուսէփ գրէթէ տասը
վայրկեան յառաջացած էին, երբ արգարեւ, հայ

որովայնախօսը մացառներուն ետեւէն նշմարեց
Այլիտ փաշայի ստուերը եւ լսեց անոր ոտնա-
ձայնը:

Իր գտնուած տեղւոյն մացառները բաւա-
կան խիտ ըլլալով, կարելի չէր որ տեսնուէր
բրէնսին կողմէ, ուստի անշշուկ հոն սպասեց,
որպէսզի բրէնսը յառաջանայ ու զինքը անցնի:

Հայ որովայնախօսը ժամանակը եկած նկա-
տեց քանի մը զուարճալի անակնկալներ ընելու
բրէնսին:

Փաշան Գուրպան Յուսէփի քովէն անցաւ
առանց զայն նշմարելու. երկու հարիւր քայլի
չափ հազիւ թէ յառաջացած էր, երբ յանկարծ
կազաւներու խուճիւ մը կռկռոցին աղմուկը
լսեց: Կանգ առաւ, ստուգելու համար թէ ո՞ր
կողմէն կուգար ձայնը: Այս անգամ կազաւնե-
րուն ձայնը աւելի որոշ ու յստակ կերպով սկը-
սաւ լսուիլ ձախակողմէն: Շատ մօտէն կուգար
անոնց ձայնը: Անմիջապէս հրացանը պատրաս-
տեց: Ահաւասիկ առատ որս ունեցող անտառ
մը, մտածեց իւրովի. լաւ որս մը պիտի կըր-
նանք ձեռք ձգել այսօր, ըսաւ, և սկսաւ ուշի
ուշով զննել ձայնին եկած կողմը, հրացանը
պարպելու համար: Եւ սակայն կազաւները չէին
երեւեր: Կ'երևի թէ մացառներու տակ պահ-
ուած են անոնք, ըսաւ. եւ դէպի ձայնը եկած
կողմը քանի մը քայլ յառաջացաւ: Բրէնսը քաջ
նշանառու մը ըլլալով, չէր վախնար որ իր ոտ-

քի աղմուկէն կաքաւները կը փախչէին, որովհետեւ թուչելու պահուն ալ կրնար որսալ զանոնք:

Կազաւներուն ձայնը ալ աւելի մօտեցաւ բըրէնսին: Եւ սակայն հակառակ անոր կատարած մանրազնին խուզարկութեան, կարելի չեղաւ անոնցմէ հատ մը իսկ տեսնել: Պահ մը այնպէս կարծեց թէ իր ոտքերուն տակ գտնուած մացառներուն մէջէն կուգար ձայնը, և սկսաւ հրացանին փողովը խառնչտկել զանոնք. սակայն անօգուտ. ամէն փնտռուող ի դերեւ ելաւ:

Շատ զարմանալի թուեցաւ այս բանը բրէնսին. բազմաթիւ կազաւներու ձայները կը լլսուէին և սակայն անոնցմէ հատ մը իսկ կարելի չէր եղած նշմարել: Կեանքին մէջ այս տեսակ զարմանալի դէպքի մը չէր պատահած տակաւին: Թերեւս, մտածեց իւրովի, կազաւները աւելի հեռուն գտնուէին և ինք այնպէս կարծէր թէ իրեն մօտ ըլլային անոնք: Այս մտածուածով սխաւ յառաջանալ անտառին մէջ:

Բրէնսը քանի կը յառաջանար, կազաւի ձայներն ալ այնքան կը հեռանային իրմէ: Քայլերը արագացուց անոնց հասնելու համար, բայց իրօր անոնք աւելի եւս կը հեռանայից և կարծես թէ հետզհետէ կը կորսուէին անտառին խորութեան մէջ:

Սայլտ փաշա չի կրցաւ ոեւէ մեկնութիւն տալ այս երեւոյթին: Ինք բազմաթիւ որսոր-

դութիւններ կատարած և երբեք այսպիսի զարմանալի պատահարի մը չէր հանդիպած: Ինչ կը նշանակէր այս: Պէտք էր լուսաբանել սակայն այս առեղծուածը: Ուստի խոհեմութիւն համարեց փոխանակ աւելի եւս յառաջանալու այս ծառախիտ անտառին մէջ, ետ դառնալ և իր բարեկամներուն իմացնել եղելութիւնը, թերեւս անոնք զինքը լուսաբանէին այս մասին. քանի որ յաճախ որսորդութիւններ կատարած էին այդ անտառին մէջ և անշուշտ անոնց ալ պատահած էր այդ երեւոյթը:

Ինչպէս նախապէս ըսինք, Գուրպան Յուսէփ բրէնսին անտառին մէջ յառաջացած ճամբուն զուգահեռակտն արահետէ մը կը հետեւէր անոր, թէև բրէնսը չէր կրնար նշմարել զայն, որովհետեւ անտառը մացառուտ ու ծառախիտ էր եւ Գուրպան Յուսէփ ալ իր կարգին խիստ զգուշութեամբ կը շարժէր բրէնսէն չի նշմարուելու համար:

Գուրպան Յուսէփ քտեսնելով որ բրէնսը մեծ շփոթութիւն մը ցոյց կուտայ ի լուր անտեսանելի կաքաւներու ձայնին, և հեազհետէ անտառին մէջ աւելի կը յառաջանայ առանց նըպատակի մը հասնելու, պահ մը դադրեցուց կաքաւներու ձայնը:

Սայլտ փաշա արդէն կանգ առած էր: Երբ տեսաւ որ կազաւներու ձայնը դադրած էր, ետ դառնալ սկսաւ: Հրացանը միշտ պատրաստ ու-

ներ իր ձեռքին մէջ, ինչպէս սովոր են ընել ոչ-
սորգները, երբ որսին վայրը կը գտնուին:

Մայրիներու հսկայ շարք մը բրէնսին ըն-
թաց ճամբուն երկու եզերքներուն վրայ կը
բարձրանար սլացիկ: Ձիւնը բաւական մը ծած-
կած էր գետինը, և սակայն պաշտառ էր օդը,
չոր ցուրտ մը կը տիրապետէր ամենուրեք:

Բրէնսը երբ յիսուն քայլի չափ յառաջա-
ցած էր դէպի ետ, շիկահաւ մը սկսաւ երգել
մայրիի մը կատարին վրայ: Է՛հ, ըսաւ ան ինք-
նիրեն, երբ կազաւներու ձայնին հտեւէն գացի
ընդունայն և չի կրցի անոնցմէ հատ մը իսկ
որսալ, գէթ շիկահաւ մը ունենամ պայուսակիս
մէջ:

Իր ձախակողմը գտնուող մայրիի կատարէն
էր որ կուզար ձանը: Բազեղներ ու վայրի
վարդի ոստեր, մայրիի ծառերուն վրայ մագլ-
ցած, դժուարաւ տեսանելի կ'ընէին անոնց կա-
տարը: Բրէնսը կանգ առած էր ծառին տակ և
և հրացան ի ձեռին՝ շիկահաւը տեսնել կը ջա-
նար ծառին կատարը, որսալու համար դայն:

Յուցամատը հրացանին բլթակին անցուցած
և անոր փողը դէպի վեր ուղղած էր թէեւ, սա-
կայն թռչունը չէր երեւէր ծառին վրայ: Ուղիղ
ճամբան թողուց և ծառին աջակողմը անցաւ
մեծ դժուարութեամբ, բազեղներն ու վայրի
վարդերու փշալից ոստերը ձեռքերովը մէկ կողմ
ընելով, որպէսզի ճամբայ բացուի, սակայն չի-

կահաւն ալ, կազաւներուն նման, անտեսանելի
կը մնար ծառին վրայ, հակառակ անոր որ շա-
րունակ կ'երգէր ան:

Ծառին կատարը տեսնելու արգելք հանդի-
սանցող բոլոր ոստերը մի առ մի կտրեց ան, ամէն
կողմէն ուշի ուշով դիտեց կատարը և սակայն
իր այս բոլոր աշխատութիւններն ու յոգնու-
թիւնները ի դերիւ ելան: Ծառին վրայ թռչուն
չէր երեւեր:

Բրէնսը յուսախար, վճռաբար որոշեց ետ
դառնալ, մտածելով որ վհուկներու անտառի
մը մէջ կը գտնուէր, և կարելի չէր հոն օ եւէ
որս գտնել: Քայլերը արագացուց և վերջապէս
հասաւ որսորդներու սրճարանը: Ծառաները, որ
հոն կը սպասէին, անմիջապէս դիմաւորեցին
բրէնսը, և անոր հրացանն ու որսի պայուսակը
առին: Բրէնսը կրակարանին մօտ աթոռի վրայ
նստաւ քիչ մը հանգստանալու համար:

Երամեան պէյ և Գուրպան Յուսէփ չէին
վերադարձած սակայն: Երամեան պէյ կրցած էր
քանի մը պէքաս որսալ, այն ալ մեծ դժուար-
ութեամբ, որովհետեւ անտառին մէջ, ճամբա-
ները ձիւնալից ըլլալով, կարելի չէր շատ պրպը-
տում կատարել:

Իսկ Գուրպան Յուսէփ, իր խաղը վերջա-
ցնելէ ետք, տեսնելով որ բրէնսը վերադարձաւ
սրճարան, ինքն ալ իր կարգին, երկու կազաւ
և մի քանի շիկահաւ որսալով վերադարձաւ
սրճարան:

Քառորդ ժամ վերջ Երամեան պէյ ալ եկաւ միացաւ իր բարեկամներուն:

Բրէնսը երբ տեսաւ իր երկու բարեկամներուն բերած որսերը, զարմացաւ. ու ըսաւ թէ ինք չէր կրցած բան մը որսալ:

Յետոյ մանրամասն կերպով պատմեց անոնց իր գլխուն եկածները անտառին մէջ: Աներեւոյթ կազաւներու ձայներ լսելը և անոնց ետեւէն ժամերով պառտիլը, մայրիի մը կատարը շիկահաւին երգելը և հակառակ իր թափած բոլոր ջանքերուն, զայն չի կրնալ նշմարելը բոլորովին զարմացուցած և ապշեցուցած էին զինքը: Ըսաւ թէ պահ մը ինքզինքը վհուկներու անտառի մը մէջ կրցած էր և վախցած, ու անմիջապէս սրճարան վերադարձած էր:

Բրէնսը երբ իր պատմութիւնը աւարտեց, Երամեան պէյ և Գուրպան Յուսէփ, առանց կասկած մը ներշնչելու անոր, զարմանք կը յայտնէին և այդ պատահարներուն տեւէ մեկնութիւն չի կրնալ տալու երեւոյթը կը ստանային: Ըսին թէ իրենք ալ այդ միեւնոյն անտառին մէջ էր որ կատարած էին իրենց որսորդութիւնը և այդ տեսակ պատահար մը չէին անցուցած:

Ի վերջոյ Երամեան պէյ և Գուրպան Յուսէփ լսողական պատրանքի մը ուզեցին վերագրել բրէնսին ըսածները, և սակայն ան շարունակ կը պնդէր թէ իրողութիւն էին իր պատ-

մութիւնները և կասկածելի և յաւելուածական տեւէ բան չկար անոնց մէջ:

Բայց խնդրոյն վրայ քիչ մը եւս վիճաբանելէ ետք զգացին որ անօթի էին: Երամեան պէյ հրամայեց ծառաներուն որ սեղան մը պատրաստեն ճաշելու համար:

Երեք բարեկամները բոլորուեցան գեղջկական սեղանին շուրջ և մեծ ախորժակով ճաշեցին: Ճաշը կը բաղկանար չոր միսէ ու աղանդերներէ: Մալակայի ընտիր գլինին ալ կը տիրապետէր սեղանին: Գուրպան Յուսէփ բաւական մը մսած ըլլալով անտառին մէջ, — որովհետև ծառերու տակ և մացառներու ետին կանգ առած էր ստէպ, իր որովայնախօսական փորձերը կատարելու համար, — ետեւէ ետեւ քանի մը գաւաթ պարպեց գլինիէն և տաքցաւ:

Ճաշը աւարտեցաւ: Երեք բարեկամները իրենց սուրճերն ալ խմելէ վերջ որոշեցին իրենց որսորդական արշաւները:

Այս անգամ կարգը եկած էր երէի և նապաստակի որսորդութեան: Սայիտ փաշա, Երամեան պէյ և Գուրպան Յուսէփ հրացանները անցընելով իրենց ուսին, դուրս ելան սրճարանէն:

Երէի ու նապաստակի որսորդութիւնը կը կատարուէր սրճարանին ձախակողմը բարձրացող լեռնային մասերուն մէջ: Գուրպան Յուսէփ քաջ ծանօթ էր այդ տեղերուն, որով

սկսաւ առաջնորդել իր բարեկամները: Ընդար-
ձակ լեռնաշղթայ մը կը տարածուէր այդ կող-
մը, որուն ծայրը կը հասնէր դէպի Լիթրոս,
փոքր գիւղ մը, տարածուած դաշտագետնի մը
վրայ, խիստ բարեբեր ու մշակուած հողերովը
ծանօթ է այս գիւղը, որ կ'արտադրէ առաա-
բանջարեղէն և մանաւանդ կեռաս: Լիթիօս
թէ՛ Թօփգաբուի և թէ՛ Քեաղըտհանէի կողմէն
երկու ժամուան հեռաւորութեան մը վրայ կը
գտնուի Պոլսոյ հետ: Գիւղացիք իրենց արտադ-
րութիւնները կառքերով կամ ձիերու վրայ բեռ-
ցուցած, երբեմն Քեաղըտհանէի և երբեմն ալ
Թօփգաբուի ճամբով կը փոխադրեն Պոլսո:
Կառքով կատարուած փոխադրութիւնները ընդ-
հանրապէս կը կատարուին Թօփգաբուէն, որով-
հետեւ այդ ճամբան թէեւ քիչ մը երկար և
սակայն աւելի նախընտրելի է կառքերուն հա-
մար: Իսկ ձիով կատարուած փոխադրութիւն-
ները կ'ըլլան Քեաղըտհանէի լեռնային ճամբով,
որովհետեւ բաւական կտրուկ է այդ ճամբան,
Պոլսոյ շուկան հանելու համար:

Երեք որսորդները առաջին բլուրը անցնելէ
վերջ, որոշեցին լեռան եզերքներէն բաժնուիլ
իրարմէ և շրջանակի մը մէջ առնել զայն, որ-
պէսզի որսի մը եթէ կարելի ըլլար հանդիպիլ,
պաշարման շրջանակը հետզհետէ երեք կողմէ
սեղմելով, կենդանին ի յայտ բերելու և յաջո-
ղապէս ձեռք անցնելու համար զայն:

Այս նպատակաւ իրարմէ բաժնուեցան և
առանձինն առանձինն սկսան յառաջանալ: Գուր-
պան Յուսէփ միշտ բրէնսին կը հետեւէր ա-
ռանց բան մը դգացնելու անոր:

Բրէնսին հետ ձորին մէջէն բաւական յա-
ռաջացած էր, երբ հայ որովայնախօսը ժամա-
նակը յարմար նկատեց խօսք մը եւս ընելու ա-
նոր:

Այս անգամ սակայն կազաւներու ախորժելի
ձայնը չէր որ կը լսուէր, ոչ ալ շիկահաւինը:

Բրէնսը սարսափով լսեց գայլերու վոհմակի
մը դէպի իր կողմը յառաջանալու աղմուկը:
Անոնց ձայնը հետզհետէ աւելի յստակ կերպով
կուգար իր ականջին:

Յանկարծ կանգ առաւ և ականջ տուաւ:
Արգարեւ չէր սխալած բրէնսը, անոնց աղմուկը
որոշ կերպով կը լսուէր: Նախ սարսափեցաւ և
շուարեցաւ: Եւ սակայն կարելի չէր փախչիլ:
Ինքնապաշտպանութեան համար դիրք բռնեց և
հրացանին փողը ուղղեց ձայնին եկած կողմը:
Այդ պահուն, ինչպէս գիտէ ընթերցողը, Գուր-
պան Յուսէփ կը գտնուէր բրէնսին շատ մօտը,
ժայռի մը մէջ: Տեսնելով որ մի գուցէ բրէնսին
չափազանց վախնալուն հետեւանքով վտանգ
մը պատահի, դուրս ելաւ իր թաքստոցէն և
ուղղուեցաւ դէպի բրէնսը:

Փայլերու աղմուկը դադրած էր թէեւ, սա-
կայն բրէնսը դեռ անշարժ, հրացան ի ձեռին

պատրաստ կը սպասէր, հաւանական յարձակումի մը դէմ ինքզինքը պաշտպանելու համար: Գուրպան Յուսէփ մօտեցաւ անոր և ժպտելով հարցուց թէ՛ արդեօք երէ՞ մը տեսած էր իշխանը:

Սայիտ փաշա զգուշացուց Գուրպան Յուսէփը, որ աւելի չյառաջանայ, գայլերու կեր չըլլալու համար: Եւ պատմեց անոր իր լսած աղմուկները:

Հայ որովայնախօսը ապահովցուց բրէնսը որ այդ լեռներուն մէջ շատ հազուադէպ էր գայլերու հանդիպիլ, որով վտանգ չկար և պէտք էր յառաջանալ որս մը կատարելու համար:

Բրէնսը և Գուրպան Յուսէփ շարունակեցին իրենց ճամբան, առանց իրարմէ բաժնուելու:

Հազիւ թէ քանի մը հարիւր քայլ առած էին, երբ որոտումի ձայներ լսուեցան: Բրէնսը ապշահար, չէր կրնար մեկնութիւն մը տալ այս երեւոյթին: Չմբան մէջտեղ, ձիւնաբեր օր մը, ի՞նչպէս կ'ըլլար որ երկինք կ'որոտար:

Հայ որովայնախօսը շարունակ կը ժպտէր, բրէնսին հարցումներուն ի պատասխան:

Սայիտ փաշա, քիչ մը աւելորդապաշտ, չուզեց աւելի յառաջանալ և խնդրեց Գուրպան Յուսէփէն որ վերադառնային սրճարան:

Քիչ յետոյ անոնց միացաւ նաև Երամեան պէյ:

Բրէնսը երբ իրեն գլխուն եկածները պատմեց Երամեան պէյի, այս վերջինը խնդարէն չէր կրնար ինքզինքը զսպել:

Կ'երեւի թէ, ըսաւ բրէնսը, ձեր բոլոր անտառներուն ու լեռներուն մէջ վհուկներ կան, որոնք այսպէս ձայներ հանելով, կը սոսկացնեն որսորդները:

Երամեան պէյ, ի վերջոյ աւէն ինչ պարզեց բրէնսին, ըսելով թէ այդ բոլոր պատահարներուն հեղինակը Գուրպան Յուսէփն էր: Անոր կատարած զանազան ուրովայնախօսական փորձերուն վրայ աւելի ընդարձակ տեղեկութիւններ տուաւ: Եւ այն օրը բրէնսին անակընկայ մը ընելու համար յատկապէս կատակած ըլլալը ըսաւ անոր:

Բրէնսը հիացում յայտնեց Գուրպան Յուսէփի անզուգական կարողութեանը համար և շնորհաւորեց զայն:

Երամեան պէյ հրամայեց իր ծառաներուն որ մեկնումի պատրաստութիւնները տեսնեն, և երբ բարեկամները իրենց ձիերուն վրայ հեծած մեկնեցան Երամեան պէյի բնակարանը:

ԵՒԻՔՍԷՔ ԳԱՏՆՈՐՈՍԻ ՊԱՆԴՈՎԸ

ԳՈՒՐՊԱՆ ՅՈՒՍԷՓ

ԵՒ

ՊԱՐՏԻԶԱԿՑԻ ՎԱՐԴԱՊԵՏԻՆ

ՍԱՍՍԱՓԸ

Կէս գիշեր էր: Դալաթիոյ գարեջրատուն-
ներն ու սրճարանները հետզհետէ կը պարպուէին
չըջուն ոտտիկան պահակներու կրկնակ ազգա-
բարութեանց վրայ: Փողոցներու եռուզեռը
զազրած էր և Դալաթիոյ մեծ փողոտային
Կողմնակի փողոցները գրեթէ ամալացած էին:

Նոյն միջոցին Այնալը գարեջրատան մէջ
մէկ քանի հոգի սեղանի մը շուրջ բոլորուած
կ'երկրպագէին Բագոսի տաճարին, հակառակ
խանութիւն տիրոջ յայտարարութեան թէ մեկ-
նելու ժամը եկած էր, հակառակ պարագային
տուգանքի պիտի գատապարտուէր:

Բագոսի խնկարկունները երբեք կարեւորու-
թիւն չէին տար գարեջրատան տիրոջ ազգարա-

բութիւններուն և կը շարունակէին պարպել
օղիի գաւաթները:

Բանտէլի, — այս էր գարեջրատան տիրոջ
անունը, — գէր, կլոր և կարճասակ, համակ-
րելի զիմազիծով անձ մը, չուզելով վշտացնել
իր ամենօրեայ ու պարարտ յաճախողները՝
կամաց մը մօտեցաւ անոնցմէ ամէնէն տարե-
ցին ու անոր ականջին բաներ մը փսփսաց
ժպտելով:

Այդ անձը որ նոյնինքն Գուրպան Յուսէփն
էր, անմիջապէս ոտքի ելլելով հրաւիրեց իր ըն-
կերները որ պատրաստուին մեկնել, քանի որ
կէս գիշեր էր և գարեջրատան տէրը իրենց
պատճառաւ տուգա քի պիտի գատապար-
տուէր:

Հայ որովայնախօսին յայտարարութիւնները
իբր պատգամ ընդունուելով Բագոսի երկրպա-
գոսի երկրպագոններէն՝ անմիջապէս ոտքի ե-
լան ու հաշիւնին մաքրելով մեկնեցան գարե-
ջրատունէն:

Գուրպան Յուսէփի եւ իր չորս ընկերները
երբ մեծ պողոտան ելան, հրաժեշտ առին իրար-
մէ և յաջորդ օրուան համար խոստումներ
տալով մեկնեցան իրենց տունները:

Դալով Գուրպան Յուսէփի, որ բաւական
արբած էր, և նոյն օրուան երկար ճամբորդու-
թեանէ մը յոգնած, որոշեց այդ գիշեր տուն չեր-
թալ և հանգիստ ընել մօտակայ պանդոկ մը:

Այս մտածումներով Գուրպան Յուսէփ ուզուեցաւ զէպի եիւքսէք գալտըրըմ, Պարտիզակցի Օննիկի պանդոկը, որ իր մտերինն էր եւ շատ գիշեր իբր հիւր կ'ընդունէր զինքը, միշտ ուշատենն:

Գուրպան Յուսէփ երբ պանդոկին զբան առջև ըստաւ, դուռը գոց էր, քանի մը անգամ ուժգին կերպով բազխելէ յետոյ, պանդոկին սպասաւորը որ երկրորդ յարկին մէջ յաճախորդ մը տեղաւորցնելու գործով զբաղած էր, եկաւ անմիջապէս դուռը բացաւ և ներողութիւն Գուրպան Յուսէփէն, զինքը սպասցուցած ըլլալուն համար:

Հայ որովայնախօսը նստելով զբան քով գտնուող աթոռի մը վրայ, պատուիրեց սպասաւորին որ իրեն առանց շաքարի սուրճ մը եփէ:

Սպասաւորը, որ գիտէր թէ այցելուին իր տիրոջ մտերիմ բարեկամն էր, առանց կրկնել տալու Գուրպան Յուսէփի հրամանը, անմիջապէս պատրաստեց անշաքար սուրճը և հրամայեց իր հայ որովայնախօսին, ըսաւ թէ անկողինը պատրաստ էր երկրորդ յարկի տասերեք թիւ սենեակը, և երբ որ ուզէր կրնար հանգիստ ընել:

Պանդոկապետ Օննիկ աղա, որ քիչ մը տըկար էր, ժամ մը առաջ հանգստացած էր քաշուելով իր մասնաւոր յարկաբաժինը, ուր կը բը-

նակէր իր կնոջ և երկու զաւակներով, գրեթէ 12 տարիէ ի վեր:

Գուրպան Յուսէփ սուրճը խմելով «գիշեր բարի» ըսաւ սպասաւորին ու ելաւ երկրորդ յարկի 13 թիւ սենեակը պառկելու:

Տասներեք թիւը ամէնէն մաքուր սենեակն էր և կը տրամադրուէր միմիայն պանդոկապետին հիւրերուն, հաշառակ պարագային պարագայ կը մնար, եթէ նոյն իսկ միւս սրահները լեցուած ըլլային և տեղ չմնար:

Գուրպան յուսէփ բացաւ սրահին դուռը, և մեծ զարմացմամբ տեսաւ որ իր պառկած անկողինին ճիշդ դիմացը գտնուող մահճակալին քով զրուած սեղանին վրայ վարդապետի գտակ մը կար:

Աչքերը շփելով և ոտքին մասներուն վըրայ կոխելով, մօտեցաւ իր զրացի անկողինին բեռը դիտելու և հասկնալու համար թէ ո՞վ էր այդ վարդապետը, որ կը համարձակէր պանդոկի մը մէջ գիշերել, առանց վախնալու ժողուէրդային ըսի ըսաւներէ և լրագրական դատափետուաճերէ:

Գուրպան Յուսէփ երբ աչք մը նետեց իր զրացիին վրայ, չկրցաւ իր քրքիչը զոպել տեսնելով ամէնուն ծանօթ Պարտիզակցի հայ վարդապետը, որ միեւնոյն ատեն Բագոսի նշանաւոր խնկարկու մըն էր:

Գուրպան Յուսէփ այնպէս եզրակացուց թէ

վարդապետը Բագոսի տաճարին բաւական խընկարկելէ վերջ յոգնած , ու ինքզինքը իր հայրենակիցին պանդոսկը նետած էր ճիշդ իրեն պէս :

Հայ որովայնախօսը հետացաւ քովէն ու հանուելով մտաւ իր անկողինը :

Վարդապետը այն աստիճան ուժգնօրէն կը խռկար որ Գուրպան Յուսէփ քանի մը անգամ փորձուեցաւ ելլել ու արթնցնել զայն , սակայն խորհելով որ անքաղաքավարութիւն մը ըրած պիտի ըլլար իր գրացիին հանդէպ , հրաժարեցաւ իր ծրագրէն :

Հայր Սուրբը շարունակ կը խռկար : Գուրպան Յուսէփ անկարելի էր որ քնանար այդ աղմուկին մէջ , և քանի մը անգամ ասդին անդին դառնալէ վերջ , ելաւ նստեցաւ անկողնին մէջ , սիկառ մը վառեց ու ըսաւ իւրովի .

— Հասկցուեցաւ , այս ցնդածը թող չպիտի տայ որ հանգիստ քնանամ , ուստի պէտք է ճար մը խորհիլ իմինիս հետ իր հանգիստն ալ խռովելու համար :

Գուրպան Յուսէփ այս ըսելոո սոսկալի կերպով փոգտաց ու քովի սեղանին վրայ գլտնուած արոյրէ սիկառի ամանը մեծ աղմուկով գետինը ձգեց և միեւնոյն ատեն անմիջապէս վերմակին տակ մտնելով այնպիսի դիրք մը առաւ որ դիտող մը պիտի կարծէր թէ առաստաղէն մէկը կախուած էր ոտքերէն , գլուխը դէպի վար :

Հայ որովայնախօսը այդ դիրքին մէջ , աչքերը յառած էր իր գրացի անկողնի հիւրին՝ որ աղմուկին հետեւանքով գաղբեցուցած էր իր խռկալը ու աչքերը բանալով ուզած էր յանդիմանել զինքը անհանգիստ ընողը :

Պարտիզակցի վարդապետը հազիւ թէ աչքերը բացած , սարսափելի տեսարանի մը ակաշատես եղաւ , իր դիմացի անկողնին վրայ մէկը կախուած էր գլխիվայր :

Ան սարսափի աղաղակ մը արձակելով , վերմակը գլխուն վրայ քաշեց , սիրտը սոսկալի կերպով կը արփէր զգացած վախէն :

Գուրպան Յուսէփ , որ գաղտագողի ակնարկը չէր վրիպեցներ՝ վարդապետէն , լսեց անոր անուզողի աղաղակը և տեսաւ վերմակին տակ ծածկուելը , իսկոյն իր բնական վիճակը ստացաւ և սկսաւ խռկալ քուն ձեւացնելով :

Պարտիզակցի վարդապետը լսելով խռկալու ձայնը և քիչ մը սփոփուելով խորհեցաւ իւրովի թէ արդեօք տեսածը երա՞զ էր և իրեն իրակա՞ն թուած էր քունէն յանկարծակի արթնցած ըլլալուն պատճառաւ :

Եւ կամաց կամաց գլուխը վերմակէն դուրս հանելով տեսաւ թէ ամէն ինչ իր բնական վիճակին մէջ էր և կախուող եւայլն չկար , որով հետեւեցուց թէ իրօք երազ էր տեսած :

Հայր Սուրբը հանդարտելով կոնակը դրացիին դարձուց ու փորձեց քնանալ:

Հազիւ թէ աչքերը փակելու վրայ էր երբ յանկարծ իր ետեւէն, այսինքն միւս անկողնէն խոռուռքի մը ձայնը լսուեցաւ և ընդոստ տեղէն ցատկելով դէմ առ դէմ գտաւ. ինքզինքը քիչ առաջ իրեն երազ թուած և այժմ բացարձակ իրականութիւն եղող կախաղանի կենդանի պատկերին:

Վարդապետը սարսափահար, առանց սըքեմի, վարտիկով շապիկով ու դէմքը երկու ձեռքերուն մէջ ծածկուած սենեակէն դուրս խոյացաւ պոռալով.

— Օգնու՛թի՛ւն, մարդ մը ինքզինքը կախեց...:

Գուրպան Յուսէփ որ այս անգամ իր վրէժը լուծած էր վարդապետէն, դարձեալ իր բնական գիւրքը ստացաւ ու անձկանօք սպասեց անակնակին:

Դիշերային այդ ժամուն, ընդհանուր լուսթեան մէջ, սարսափահար վարդապետին օգնութեան խելայեղ աղաղակներէն, պանդոկին բու՛լանդակ բնակչութիւնը արթնցած իրենց քուներէն, հապճեպով դուրս կը փութային սենեակներէն, կարծելով թէ կրակ կար:

Պանդոկապետը, Օննիկ աղա, որ 40 տարեկան հուժկու ու սրտոտ մարդ մըն էր, խսկոյն փութաց օգնութեան աղաղակներուն եկած կող-

մը և տեսաւ որ իր հայրենակից Պարտիզակցի վարդապետը վարտիկով շապիկով կը վազէր առաջին յարկի սանդէլներէն վար:

Անմիջապէս վազելով անոր քով կեցուց զայն և հարցուց թէ ի՞նչ էր պատահած, կրա՞կ կար:

Վարդապետին «ո՛չ» պատասխանին վրայ, Օննիկ աղա քիչ մը հանդարտեցաւ, որովհետեւ պանդոկը թէև ապահովագրուած, սակայն գոյշեբը որ իրն էին և քանի մը հազար ոսկիի արժէք կը ներկայացնէին, ապահովագրուած չէին:

Պարտիզակցի վարդապետը, որուն շուրջ բոլորուած էին զրեթէ պանդոկին բոլոր բնակչութիւնը, ցոյց կուտար այն սենեակը ուր ինքը կը պառկէր և ուր մարդ մը կախուած ըլլալ կը կարծէր:

Ամէն ոք ինչպէս նաեւ պանդոկապետը մինակ ձգելով սարսափած վարդապետը, փութացին դէպի այն սենեակը որ կը մատնանշէր անրկա:

Երբ սենեակէն ներս մտան, ոչինչ գտան վախնալիք ու սարսափելիք, տեսան մէկը որ իր անկողնին մէջ հանդարտօրէն կը քնանար և չուզէցին անհանդիստ ընել զայն ու գուռը գոցելով դուրս ելան:

Վարդապետը որ աչքերը խոշոր խոշոր բացած կը ղիաէր անոնց սենեակ մուտքը, տեսաւ

որ խնդարով դուրս կ'ելլէին սենեակէն ու իր կողմը կուգային, որով բոլորովին շփոթեցաւ ու հարցուց.

— Ինչո՞ւ կախեր է ինքզինքը, ո՞վ է հասկցա՞ք արդեօք ո՞վ ըլլաւ խեղճ մարդուն:

Պանդոկին յաճախորդները, ինչպէս նաեւ պանդոկսպետ Օննիկ աղա, որ բոլորուած էին վարդապետին շուրջը կարծելով թէ անոր խնդրին եկած է. նստեցուցին զայն աթոռի մը վըրայ և սկսան համոզել զայն թէ բան մը չկար, ինք երազ տեսած ըլլալով վախցած էր, միեւնոյն ատեն քիչ մը ջուր տուին որպէս զի խմէ ու հանգարաի:

Պարտիզակցի Հայր Սուրբը իրեն ներկայացուած գաւաթը բարկութեամբ մերժելով ստիկելաւ ու գնաց դէպի իր սենեակը ուր իր դրացին կախուած էր, եւ երբ տեսաւ որ ամէն բան իր բնական վիճակին մէջ կը գտնուէր ու անկողնին մէջ մարդուկը հանգարտօրէն կը խռկար, մօտեցաւ անոր որ քիչ առաջ օդին մէջ կը ճօճէր գլխիվայր, ու ըսաւ իւրովի խաչակնքելով.

— Տէ՛ր Աստուած, արդեօք այս անգամ ալ երազ էր տեսածս, ու երբ սենեակին դրան առջեւ հաւաքուող հետաքրքիր յաճախորդներուն դառնալով ներողութիւն կը խնդրէր աւոնցմէ, յանկարծ գուրպան Յուսէփ անկողնին

մէջ նստելով ըսաւ վարդապետին.

— Ճանչցա՞ր զիս...

Պանդոկապետը, Օննիկ աղա, երբ տեսաւ Գուրպան Յուսէփը չկրցաւ իր քահքահը զսպել ու ըսաւ.

— Գո՛ւրպան, քիչ մնաց որ մեր բարեկամ Հայր Սուրբը պիտի խենթեցնէիր, այնքան վախցուցեր ես:

Վարդապետը որ թէեւ անձամբ չէր ճանչնար հայ որովայնախօսը, սակայն անոր համբաւը լսած ու կարգացած էր, խնդարով ու իր սովորական ոճով ըսաւ.

— Պէ՛ մա՛րդ Աստուծոյ, խաղ խաղալիք ատե՞նը գտար, քիչ մնաց որ զիս վախէս կաթուածահար ընէիր:

Գուրպան Յուսէփ ներողութիւն խնդրելով Հայր Սուրբէն, ինչպէս նաեւ պանդոկին յաճախորդներէն, որոնք անհանգիստ ըրած էր, ըսաւ որ կրնային հանգիստ սրտով քնանալ այլեւս որովհետեւ իրեն ալ քունը եկած էր:

Ու այսպէս ամէն ոք քաջուեցաւ իր սենեակը, առանձին թողլով վարդապետն ու Գուրպան Յուսէփը, որոնք իրենց կարգին անկողնի մտան ու քնացաց:

ՊԼՊԻ ԱՐՄԱՇ ՈՒԽՏԱԳՆԱՑՈՒԹԻՒՆ

ԶԷՐՔԷԶ ԱԻԱԶԱԿՆԵՐՈՒ ՅԱՐՉԱԿՈՒՄԸ
ԳՈՒՐՊՍԵՆ ՅՈՒԱԷՓ ԵՒ ԻՐ ԸՆԿԵՐՆԵՐԸ

ԱԻԱԶԱԿԱՊԵՏԻՆ ՄՕՏ

ՀԱՅ ՈՐՈՎԱՅՆԱԽՕՍԻՆ ԱՊՇԵՅՈՒՅԻՉ ՓՈՐՁԵՐԸ

ԱԻԱԶԱԿԱՊԵՏ ԶԷՐՔԷԶ ՀԱՍԱՆ

ՈՍԿԻ ԺԱՄԱՑՈՅՑ ՄԸ ԿԸ ՆՈՒԻՐԷ

ՀԱՅ ՈՐՈՎԱՅՆԱԽՕՍԻՆ

Օրը կիրակի էր, Յգոստոսի գեղեցիկ առաւօտ մը, Զամբաւի կատարէն հետզհետէ բարձրացող նորածագ արեւու կենսատու ճառագայթները կը տարածուէին բովանդակ տիեզերքի վրայ:

Պաղար պաշի, Ֆըստըլի ծառը կոչուած համբաւաւոր սրճարանին առջեւէն կառք մը ճամբայ կ'ելլէր որուն մէջ կը գտնուէին Գուրպան Յուսէփ ու իր երեք բարեկամները որոնք առջի իրիկուընէ ամէն պատրաստութիւն եւ առաւօտեան ժամը 5ին ժամադրութիւն տուած

էին իրարու, որպէս զի սրճարանը հաւաքուին և գէպի Արմաշ պոռոյտ մը՝ և միեւնոյն ատեն ուխտագնացութիւն մը կատարեն:

Գուրպան Յուսէփ որպէս զի իր ժամադրութիւնը յարգէ և ատենին ներկայ գտնուի, նոյն գիշերը հիւր ճացած էր Սկիւտար, Իճատիէ, Զիֆթէ Պագայ անգլիաբան Աւետիս պատուելի Տէր Սահակեանի տունը, որ իր մտերիքն ու բարեկամն էր:

Ինչպէս ըսինք, ժամը 6ն էր երբ կառքը կառապանին ձիերուն տուած մտրակի առաջին հարուածին վրայ ճամբայ ելաւ Սկիւտարէն դէպի Արմաշ:

Խաչի ուխտագնացութեան գեռ բաւական ժամանակ կար, որով ճամբաներու անապահովութիւն կրնար ըլլալ. վասն զի կային չէրքէզ աւազակներ որոնք առիթէն օգտուելով կը յարձակէին ճամբորդներու վրայ և կը կողոպտէին գանոնք. մօրէ մերկ վիճակի մէջ ձգելով:

Այդ պատճառաւ Խաչի ուխտագնացութենէն շաբաթ մը եւ կամ երկու շաբաթ առաջ կառաւարութիւնը ճամբաներուն վրայ ոստիկան զինւորներ պահակ կ'օպասցնէր որպէս զի ուխտագնաց ժողովուրդին աւազակներու կողմէ վրտանգ մը չի պատահեր:

Ինչպէս ըսինք. Գուրպան Յուսէփ եւ իր երեք ընկերները, որոնք ամիս մը առաջ կ'երթային Արմաշ, վտանգաւոր ճամբորդութիւն մը

ըրած կ'ըլլային եւ յամենայն դէպս չէրքէզ ա-
ւազակներու յարձակման հաւանական վտանգ
մըն ալ կ'սպառնար իրենց:

Սակայն անոնք այդ վտանգը կանխագու-
շակելով որոշած էին իրենց հետ առնել չէրքէզ
ժը, որպէս զի յարձակման չենթարկուին:

Միջանկեալ կերպով ըսենք որ չէրքէզները
հակառակ աւարառու ցեղ մը ըլլալնուն, կը
յարգեն զիրար, նոյնիսկ ամենաարիւնարբու
չէրքէզ աւազակներ երբ տեսնեն թէ իրենց
յարձակումը չգործած կարաւանին մէջ պղտիկ
չէրքէզ տղայ մը կայ, առանց ու ե է վնաս
հասցնելու ճամբորդներուն, կը բարեւեն իրենց
ցեղակիցը ու կը մեկնին:

Ահա այդ պոտճառաւ էր որ Գուրպան Յու-
սէփ եւ իր ընկերները որոշած էին աւազակնե-
րու սահմանը չմտած՝ իրենց ընկերակից առնել
չէրքէզ մը:

Կառքը, այլեւս ապահով, կ'ընթանար իր
ճամբան: Գուրպան Յուսէփի բարեկամները կա-
տակալից խօսակցութիւններով կը զուարճանա-
յին ու հաճելի կը դարձնէին այդ երկարատեւ
ճամբորդութիւնը, որ ընդհանրապէս տաղտկալի
կ'ըլլայ ուխտագնացներու համար, երբ անոնք
առանձինն առանձինն կը ճամբորդեն:

Կէս օրը մօտեցած էր և արեւու ճառա-
գայթիները հետզհետէ աւելի կիզիչ դարձած էին:
Ճամբորդները կառքին յարտուել տատա-

նուճներէն ձանձրացած, ուզեցին վար իջնել ան-
կէ ու քիչ մըն ալ հետիոտն քալել: Կառքը պո-
ղոտայէն կը յառաջանար, մինչ անոնք անտա-
ռին մէջէն երկարող արահետէ մը սկսան եր-
թալ, ծառերու հովանիին տակ՝ արեւու տապէն
պաշտպանուելու նպատակաւ: Այս արահետը,
որ անտառին մէջէն բացուած ճամբայ մըն էր,
թէեւ զուգահեռական գիծի վրայ էր գլխաւոր
պողոտային հետ, ուրկէ կ'ընթանային կառքե-
րը, սակայն աւտառը ծառախիտ ըլլալով, ան-
տեսանելի էր պողոտայէն անցնողներուն:

Գուրպան Յուսէփի խումբը բաւական մը
յառաջացած էր այս արահետէն, երբ յանկարծ
ձիերու ոտնաձայներ լսուեցան անտառին մէջէն:
Ոտնաձայներուն յաջորդեց խիստ ու հրամայա-
կան ձայն մը որ կ'ըսէր. «Կեցէ՛ք, ապա թէ ոչ
կորսուած էք»:

Ի լուր այս ձայնին ամէնքը մէկ կանգ ա-
ռին սարսափած. ոչ ոք կը համարձակէր բառ
մը արտասանելու: Հասկցան թէ չէրքէզ աւա-
զակներու հետ էր իրենց գործը, և թէ պէտք էր
անշշուկ սպասել ու համակերպիլ անոնց կողո-
պուտին, հակառակ պարագային իրենց կեանքի
գնովը կը տուժէին:

Եւ սակայն այդ ազդարարութեան վրայ
հինգ վայրկեան անցած էր և տակաւին չէրքէզ
աւազակները մէջտեղ չէին ելած զիրենք կո-
ղոպտելու համար:

Գուրպան Յուսէփ խաղը բաւական համարեց և բարձրաձայն խնդալ սկսաւ: Ասոր վրայ իր բարեկամները հասկցան անմիջապէս թէ Գուրպան Յուսէփի որովայնն էր որ զիրենք սարսափեցուցած էր, եւ դարձեալ շարունակեցին իրենց ճամբան:

Գրեթէ ժամ մը քալած էին անտառին մէջէն: Արահետը հետզհետէ կը նեղնար և աւելի մացառախիտ կը դառնար, այնպէս որ այլ եւս այդ ճամբայէն յառաջանալը խոհեմութիւն չի համարեցին և գլխաւոր պողոտային միանալու համար փոխեցին իրենց ուղին:

Իէպի աջ դարձան ու սկսան յառաջանալ, կառքերուն հասնելու համար, և սակայն ո՛չ կառքերը տեսան և ոչ ալ պողոտան կրցան գտնել: Բայց պէտք պէտք էր գէպի աջ շարունակել ճամբան, կառքերը գտնելու համար: Այս ուղղութեամբ հազիւ թէ քառորդ ժամու չափ յառաջացած էին, երբ չորս զինեալ չէրքէզներ գիմաւորեցին զիրենք:

Իրական սարսափը այս անգամ պատեց զանոնք: Վտանգը մեծ էր: Անտառին մէջ այսպէս առանձին, պաշարուած չէրքէզ աւազակներէ, քնականաբար հաճելի բան մը չէր: Աւազակներուն ազդարարութեան վրայ իրենց գտնուած տեղը կանգ առին: Անոնք մօտեցան անոնց և իւրաքանչիւրը զատ զատ քննելէ վերջ, հրամայեցին որ իրենց հետեւին:

Գուրպան Յուսէփ ու ընկերները ա՛ շուկ հետեւեցան աւազակներուն: Աչտառին մէջ խորտ ու բորտ ճամբաներէ, բլորներէ ու մացառու ա գետիններէ անցնելէ վերջ լեռան մը կողքին կանգնած փոքր վրանի մը առջեւ հասան:

Աւազակները հոն կեցուցին զանոնք և իրենցմէ մին վրանը մտաւ: Վայրկեան մը վերջ վրանէն դուրս ելաւ բարձրահասակ, խոժոռադէմ չէրքէզ մը, ամբողջովին զինուած: Յայտնի էր թէ աւազակներուն պետն էր:

Իր ականարկը ուղղելով կայանաւորներուն վրայ, խիստ ձայնով մը ըսաւ թէ ի՞նչ գործ ունէին այդ կողմերը, իր սեփականութիւնը համարուող անտառին մէջ:

Այ՛ ոք համարձակեցաւ աւազակապետին պատասխանելու: Գուրպան Յուսէփ սակայն, տեսնելով որ աւազակները պիտի կողոպտէին զիրենք, ուզեց քանի մը անակնկալներով հաճելի դառնալ անոնց, և թերեւս այդպէսով կարենար փրկել իր եւ իրեններուն կեանքը, ուստի աւազակապետին հարցման պատասխանելով ըսաւ թէ իրենք Արմաշ ուխտագնացութեան կ'երթային եւ ճամբան առիւծի մը հանգիպեցան, որ զիրենք մինչև հոն հայածած էր: Բարեախտութեամբ իր մարդիկը վրայ հասնելով զիրենք ազատած և մինչև իր ներկայութեան առաջնորդած էին:

Չէրքէզ աւազակապետը զարմացու այս

խօսքերուն վրայ եւ հազիւ թէ իր ստորագաս-
ներուն հարցում պիտի ուզղէր, գէպքը ճշգրիտ
համար, երբ յանկարծ վրանին կողքին բարձրա-
ցող լեւրան գազաթէն առիւծի մը անեղ մոնչիւ-
նը լսուեցաւ:

Գուրպան Յուսէփի ընկերները անմիջապէս
կռահեցին եղելութիւնը և հանդարտօրէն կեցան
իրգնց տեղը, մինչդեռ աւազակները այս անեղ
մոեչիւնը լսելով գողահար սկսան փախչիլ:
Գուրպան Յուսէփ ալ անոնց կը հետեւէր: Ա-
ւազակները որքան կը փախչէին այնքան կը
հալածէր զիրենք առիւծը:

Գուրպան Յուսէփ խազը բաւ համարելով
գաղբեցուց սռիւծի մոնչիւնը և աւազակներուն
մօտենալով կեցուց զանոնք, մինչդեռ անոնք
կ'ուզէին դուրս ելլել անտառէն, այնքան սար-
սափած էին առիւծէն:

Ըայ որովայնախօսը մեծ գժուարութեամբ
համոզեց զիրենք որ վախու բան չկար, և
այսպէսով վերագարձան վրան, նւր կ'սպառէին
Գուրպան Զուսէփի ընկերները:

Երբ վրանը հասան Գուրպան Յուսէփ ինք-
զինքը ներկայացուց չէրքէզ աւազակապետին և
առիւծին երեւակայական ըլլալը բացատրեց ա-
նոր:

Աւազակապետը որ թերթերուն մէջ կար-
գացած ու լսած էր հայ որովայնախօսին համ-

բաւը, և այժմ իրեն մօտ տեսնելով զայն, մեծ
պատիւներ բրաւ անոր և ընկերներուն:

Ահմիջապէս լեռնային ճաչ մը պատրաստե-
ցին անոնց:

Ճաչի ընթացին Գուրպան Յուսէփ զանա-
զան փորձերով վարձացումի ու ապշութեան
մատնեց չէրքէզները, որոնք մեծ ու փոքր,
հաւաքուած էին իրեն շուրջը: Սիջոց մը այն
աստիճան սարսափած էին որ սատանայի ներ-
կայութիւն կ'երեւակայէին իրենց առջեւ և
խմբովին փախուտ պիտի տային, եթէ չէրքէզ
Հասան, իրենց պետը զիրենք ուշքի չի բե-
րեր:

Ճաչէն վերջ սուրճ եւ սիկառ հրամցուց
աւազակապետը անոնց, և իր գնահատութիւնը
յայտնելու համար ոսկի ժամացոյց մը նուիրեց
Գուրպան Յուսէփի:

Ան իր շնորհակալութիւնը յայտնեց,
չէրքէզ Հասանի և ապա մեկնեցան, միանալու
համար կառքին:

Այսպէսով վերջ կը գտնեն հուշակաւոր հայ
որովայնախօս Գուրպան Յուսէփի բազմաթիւ
փորձերը, որոնք զարմանք ու հիացում առ-
թեցին թէ՛ ազգային եւ թէ՛ օտար շրջանակնե-
րու:

ԾԱՆՈՒՑՈՒՄ ՄԻ՛ ԿԱՐԾԷՔ

Ա Յ Լ

ՁԵՐ ԶԱՅՈՒՆ ՀԱՄԱՐ

Ա՛ՆՊԱՏՃԱՌ ԿԱՐԴԱՑԷՔ

ԱՇԽԱՐԱՀՌԶԱԿ

Հնդիկ մեծ երազահանի

ՍՈՒՆՔԱՆ ՊՐԱՀՄԻՆԻ

Գ Ր Ա Ծ

Ը Ն Դ Ա Ր Ձ Ա Կ

Բաղդազու ճակ-երազահանի

անուն գիրքը որ մեծ զոհողութիւններով ձեռք
անցուած ու հայերէնի թարգմանուելով կը հրա-
տարակուի պրակ առ պրակ:

Մեծ Հնդիկ բաղդազուչակը աւելի քան

50000 ՍՈՒՐՃԻ ԳԱԽԱԹ ՆԱՅԱԾ Է

Գրքին բովանդակութիւնն է. —

1.—Սուրճի գաւաթ նայելու ամենաղիւրուստոյց
մեթոտը:

2.—Ո՞ր ամսուան ո՞ր օրը ծնար եւ ի՞նչ է հա-

կատագիրդ:

3.—Ծիանելիք երախան մա՞նչ է թէ աղջիկ,
փաստերով ապացուցուած:

4.—Այբուբէնական կարգով դասաւորուած ըն-
դարձակ Բաղդազոյց-երազահան:

5.—Բուի չարագոյշակ վայելնը եւ անոր դէմ
ձեռք առնուելիք միջոցները:

6.—Լուսնային ամիսներու գիշերները տեսնուած
երազները մինչեւ քանի՞ օր կ'եղեն:

ԱՅՍ ԽԻՍՏ ԶԱՅԵԿԱՆ ԳԻՐՔԸ

Կ'ԱՄԲՈՂՋԱՆԱՅ

40 պրակն երով

ԱՄԷՆ ՊՐԱԿ ԱՌՆՈՂ ԱՆԽՏԻՐ ՆՈՒԷՐ ՊԻՏԻ ՄՏԱՆԱՅ

գիրքին աւատելէն անմի-
ջապէս վերջ

ՆՈՒԷՐՆԵՐՈՒՆ ՅԱՆԿՈՒ
ՅԱԶՈՐԴ ԷԶՐ



Վ Ի Ճ Ա Կ Ա Ն Ա Ն Ո Ւ Թ Ե Ն Է

**Ճ Ա Յ Ո Ւ Ե Լ Ի Ք
Պ Ա Ր Գ Ե Ի Ն Ե Ր Ո Ւ Ն Ց Ա Ն Կ Ը**

2 Պ Ի Ս Ի Ք Լ Է Ք ՀԱՅԿ ՄԷՔԻՔՅԻ ՎԱՀԱՌԱՍՈՒՆԵՆ ՆՈՐ ՆԱՄԿՏՆ. ԳԷՄ

4 ԿՈՒՍՍՓՅՈՆ Վ. ԻԹԹԻՃԵԱՆ ՎԱՀԱՌԱՍՈՒՆԵՆ ՍՈՒԼՔԱՆ ՀԱՄԱՐ

6 ԹԵԻԻ ԺԱՄԱՑՈՅՑ ԻԹԹԻՃԵԱՆ ՎԱՀԱՌԱՍՈՒՆԵՆ

4 ԾՐԱՐ ԽԱՍԱ. Մ. Այանանեան վհուսն. Է
Մանուկ Փառա Չորայնի խան

2 ԶԵՈՔ ԿԱՆԱՆՑ ԳՕՍԹԻՒՍՑՈՒ
«Օ Գամեխա» վհուսն. Է Սուլբան Համ.

2 ԶԵՈՔ ԱՐԱՆՑ ԳՕՍԹԻՒՍՑՈՒ

4 ՉՈՅԳ ԱՐԱՆՑ ԵՒ 4 ՉՈՅԳ ԿԱՆԱՆՑ ԿՕՇԻԿ
«ԵՔԵԻ Սօսա» կօթկի վանառասուկեհ

4 ՉՈՅԳ ԱՐԱՆՑ ԵՒ 4 ՉՈՅԳ ԿԱՆԱՆՑ ԿՕՇԻԿ
«Թիք Թախ» կօթկի վանառասուկեհ


2 ՀԱՏ ՎԵՅԱՄՍԵԱՅ ՇՈԳԵՆԱՒԱՅԻՆ ԲԱՍՕ

2 ՀԱՏ ՄԻՆՉԵՒ ՊԱԳԳԻԻՂ ԵՐ ՄՍԵԱՅ ԲԱՍՕ

ԱՄԵՆ ՊՐԱԿ ԱՌՆՈՂ ԱՆՊԱՅՄԱՆ
Պ Ի Տ Ի Շ Ա Ն Ի

Վիճակահանութեան թիւերը
առ առաւելն 1000 հատ
պիտի ըլլան
40րդ պրակին մէջ պիտի
դրուի գուրօն մը թուագրր-
եալ եւ այդ թիւերով ամէն
պրակ գնող պիտի մասնակ-
ցի վիճակահանութեան

ՃԱՅՈՒԱԾ ՊԱՐԳԵԻՆԵՐԸ ՍՏԱՆԱԼՈՒ ՀԱՄԱՐ
պէտք է ներկայացնել 40
պրակները ամբողջութեամբ



1022

2013

0025289

« Ազգային գրադարան



NL0025289

